

Ellen G. White Estate

A photograph of a white lighthouse on a cliff overlooking the ocean at dusk. The lighthouse is illuminated from within, and the sky is a mix of blue and purple. Palm trees are visible in the foreground. The title 'DIKGATO TSE DI ISAN' is overlaid in large white letters.

DIKGATO TSE DI ISAN

ELLEN G. WHITE

**DIKGATO TSE DI
ISAN**

Ellen G. White

**Copyright © 2012
Ellen G. White Estate, Inc.**

Information about this Book

Overview

This eBook is provided by the [Ellen G. White Estate](#). It is included in the larger free [Online Books](#) collection on the Ellen G. White Estate Web site.

About the Author

Ellen G. White (1827-1915) is considered the most widely translated American author, her works having been published in more than 160 languages. She wrote more than 100,000 pages on a wide variety of spiritual and practical topics. Guided by the Holy Spirit, she exalted Jesus and pointed to the Scriptures as the basis of one's faith.

Further Links

[A Brief Biography of Ellen G. White](#)
[About the Ellen G. White Estate](#)

End User License Agreement

The viewing, printing or downloading of this book grants you only a limited, nonexclusive and nontransferable license for use solely by you for your own personal use. This license does not permit republication, distribution, assignment, sublicense, sale, preparation of derivative works, or other use. Any unauthorized use of this book terminates the license granted hereby.

Further Information

For more information about the author, publishers, or how you can support this service, please contact the Ellen G. White Estate at mail@whiteestate.org. We are thankful for your interest and feedback and wish you God's blessing as you read.

Contents

Information about this Book	i
LEHOKO YA PELE	iv
DITLHOGO TSA MOHOKO	iv
1. LORATO LO MODIMO O RATAÑ BATHO KA LONA	5
2. MOLEOHI O TLOKA KERESETE	13
3. BOIKWATLHAO	19
4. BOIPOLELO	34
5. BOINELO	40
6. TUMELO LE KAMOGELO	46
7. TEKOA BORUTWA	53
8. GO GOLELA MO GO KERESETE	62
9. TIRO LE BOTSHELO	71
10. DITHUSHO TSA BOTSHELO YOA SEKERESETE	78
11. CHWANELO EA THAPELO	85
12. GO KA TWEN KAGA PELAELO?	96
13. BOITUMELO MO MORENEN	104

LEHOKO YA PELE

Bagaecño taleco e e tletseñ choarò e e reñ “Tlañ go nna”, utlwiwa ke tsèbè dile dintsi, picò euò ea Mmoloki eo o kutwèlo-botlhoko, eo pelo eo gagwè e tlhologelecweñ botlhe ba ba timelecweñ ke Modimo, e batla karabò mo go ba bantsi, me ba botse pocò e, Re ka itse yañ tsela?

Leina la kwalò ye le bolèla sentlè tirò ea, yòena. Le shupa go Yesu ha ele ène hèla eo o ka naeañ mèea se o se tlhokañ, me a shupetsa eo o nyorilweñ Mocwedi oa Botshèlò. E goga eo o ntseñ yalo ka dikgatò mo tseleñ ea Bokeresete, go hitlha aba a inèèla, a ikanya gotlhe, mo Tsalen ea Baleohi. Thutò e e mo lokwaloñ lo e lerile kgomoc le cholohelo mo meoeñ e mentsi e e ne e huduegile, ke rapèla gore lo tla nna thusò le kgomocò e kgolo mo go lona.

John Dinku

[iv]

DITLHOGO TSA MOHOKO

Loratò lo Modimo a ratañ batho ka lona.

Moleohi o tlhòka Keresete.

Boikwatlhaò.

Boipolèlò.

Boinèlò.

Tumèlò le Kamogèlò.

Tekò ea Borutwa.

Go golèla mo go Keresete.

Tirò le Botshelò.

Dithushò tsa Botshelò yoa SeKeresete.

Chwanèlò ea Thapèlò.

Go ka tweñ Pelaèlò?

Boitumèlò mo

Moreneñ

[1]

1. LORATO LO MODIMO O RATAÑ BATHO KA LONA

Lobopò le Lehoko ya Modimo ke dilò tse di chwanañ hèla mo go shupeñ loratò loa Modimo. Rra echo kwa legodimoñ ke èna mocwedi oa botshelò, le oa botlhale, le oa boitumèlò. Leba dilò tse di gakgamatsañ le tse dintlè tsa lobopò. Gopola yaka di baakanyedicwe thushò le itumedishò ea motho, le ea ditshedi cotlhe, mo, ke kgakgamacò yaka di bopelancwe. Letsatsi le pula, tse di ipedisañ di rudisa lehatshe, le mayana, le mawatlè, le metlhaba, cotlhe hèla di bua le rona kaga loratò loa Hmopi oa còna. Modimo ko òna o o babalèlañ dibopiwa cotlhe tsa Ona ka galè ka galè. Go bolecwe yalo mo Pesalemen ea 145: 15, 16. Go twe,—

“Matlhò a dilò cotlhe a lebeletse wèna;

Ua tla u di he diyò tsa còna mo metlheñ e e lebanyeñ.

U huporolola seatla sa gago,

Me u kgorise keleco ea ditshedi cotlhe hèla.”

Pesalema 145: 15, 16.

Modimo o bopile motho a le boitshèpò, a le mo boitumeloñ hèla, le lehatshe, ha le cwa mo seatleñ sa Mmopi oa yeòna, ya bo le le lentlè, go sena sepè se se chwanañ yaka tshenyègò leha e phucò. Ke tlolò e e lerileñ bohutsana le losho, eboñ tlolò ea molaò oa Modimo o e leñ molaò oa loratò. Me leha go nntse yalo, mo gare ga matlhoko a, a a cwañ mo boleuñ, loratò loa Modimo loa senolwa. Go bolèlwa mo lokwaloñ ha Modimo o hutsitse mbu oa lehatshe ka ntlha ea motho. Genesese 3: 17. Ga cwa mitlwa le tsitlwatsitlwane, ga nna mathata le diteko tse di lapan, me di loalecwe molemò oa motho, ke thusò le katishò, e Modimo o e bonyeñ ha e mo chwanetse, gore e mo emisè gapè, e mo choletsè, a tthatlogè mo tshenyegoñ le mo tatlegoñ e e dirilweñ ke boleco. Me lehatshe, leha le senyegile, ga go bohutsana hèla bo le yosi, leha e le seelò se le shosi. Kgomocò e

[2]

gòna, le cholohèlò e gòna. Tsitlwatsitlwane o na le dithunya, mitlwa le èona e tle e uñwe dikuñwa tse di yewañ.

Kaba ñwe le ñwe ea boyañ, dikukunya mo ditlhariñ di bolèla lehoko ye, tsa re, “Modimo o Loratò. ” Dinònyane tse dintlè di bolèla ka go letsa melodi ea còna, le dithunya tse di mebala e mentlètlè, di bile di le lonkò lo lo monate, le ditlhare tse di godileñ tsa dikgwa ka botala yo bo nana yoa makakaba, cotlhe hèla di shupa maatlametlo, le pabalèlò, ea Modimo oa rona; di ba di shupa ha o rata gore bana ba Ona ba nnè mo boitumeloñ.

[3] Lehoko ya Modimo le re senolèla Modimo, ka go re, O nntse yana le yana. Ona ka osi o boletse bosahelèñ yoa loratò loa Ona, le bopelotelele yoa Ona. Erile Moshe a rapèla Yehofa, a re, “Nchupetsa kgalalèlò ea gago. “Yehofa a mo hetola, a re, “Ke tla hetisa molemò otlhe oa me mo ponoñ ea gago”. Ekesodo 33: 18, 19. Me ke eòna kgalalèlò ea gagwè. Yehofa a heta mo ponoñ ea ga Moshe, me a bolèla, a re, “Yehofa, Yehofa, Modimo o o tletseñ bopelotlhomogi, o o tsalanò, o o bonya go galeha. le o o letlòtlò ya boutlwèlò botlhoko le boamarure, o o bolokèlañ ba ba diketekete boutlwèlò botlhoko, o ichwarèla boikepò, le tlolò, le boleo.” “O bonya go galeha, o pelo namagadi e kgolo,” “Ka go bo O rata boutlwèlò botlhoko. ” Ekesodo 34: 6, 7. le Yona 4: 2. le Mika 7: 18.

Modimo o ipohelletse dipelo tsa rona mo go Ona ka dichupo tse di senañ palò kwa legodimoñ le mo lehatshiñ. Ke kadilò tsa lobopò, le ka dithapò tse di monatenate tse di bohanyañ dipelo tsa bana ba batho, me o lekile go itshenolèla rona ka còna. Me leha go nntse yalo, le còna, di tllaèla go chwantscha loratò loa Ona ka botlalò. Leha go beilwe dichupò tse cotlhe hèla yana, mmaba oa tse di molemò, o hohuhaditse megopolò ea batho, me ba leba Modimo ka poiho, ba re, Oa boitshèga, ga o ichwarele. Satane a gakolola batho ka go re Modimo ke mosekisi hèla, eo o senañ pelo, eo o atholañ ka bolalome me o lehise molato ka kgagamalò e e thata. A chwantscha Mmopi le moñwe eo o lebileñ batho ka matlhò a a boshula, gore a tlè a lemogè ditimèlò le diphoshò tsa bònè, me a tlisè ditshekishò mo go bònè. Me ha Yesu a tla go aga mo bathuñ, a cwa kwa legodimoñ, e be e le gore a tlosè lehihi yeuò, ka go bonaletsa lehatshe loratò lo lo sa heleñ loa Modimo.

Morwa Modimo o na a hologa kwa legodimoñ a tla go bònatsa Rara. “Ga go motho opè eo kileñ a bònna Modimo ka motlha opè;

Morwa Ona eo o esi, eo o mo sehubeñ sa ga Rara ke èna eo o o boletseñ. “Yohane 1: 18. Le gòne ga go opè eo o itseñ Rara ha e se Morwa, le moñwe le moñwe eo Morwa o ratañ go mo mo senolèla. Mat. 11: 27. Erile morutwa moñwe a lòpa Yesu, a re, “Re shupetse Rara”, Yesu a mo hetola, a re, ” A ke go re, ke nntse le lona ka lobaka lo lo kana kana, me a ga u e se u nkitse, Filipino? Eo o mponyeñ o bonye Rara; me u bua yañ, ua re, Re bontshè Rara? ” Yohane 14: 8, 9.

[4]

Erile Yesu a tlbaloetse batho go roñwa ga gagwè mo lehatshin, a re, “Yehofa o ntlòleditse go rerèla bahumanegi efangelio; o nthomile gore ke hodisè ba ba dipelo di phatlogileñ; go rerèla bagolegwa kgololò, le go houbologa ga ba ba hohuhetseñ, le go golola ba ba tikètilweñ.” Luke 4: 18. E ne e le eòna tirò ea gagwè. O na a tsamaea tsamaea a nntse a dira molemò, a bodisa botlhe ba ba patikilweñ ke Satane. Go ne go le metsana kwa go senañ opè eo o ònañ ka botlhoko, leha e le mo tluñ e le ñwe hèla, ka a na a e raletse, a bile a hodisitse babobodi botlhe mo go eòna metsana euò. Ga senolwa loratò, le kutlwèlò botlboko, le go tlhomoga pelo ka tirò ñwe le ñwe e o e dirilen botsheloñ yotlhe yoa gagwè. Tirò ea gagwè ea bònatsa ha go tlo diwa ga gagwè e le ga Modimo, Pelo ea gagwè ea cwèla bana ba batbo ka mautlwèlò botlhoko a manana.

A apara botho yoa batbo, gore a ithutè kaha ba tlhòkañ go thusiwa ka gòna. Bahumanegi le ba ba kwa tthatse tthatse ba ne ba sa mo tshabe, ba ea kwa go èna hèla. Le e leñ banyana ba gògègèla kwa go ènè, ba itumèla ha ba ka tlo lèla mo mañoleñ a gagwè, me ba leba natlhò a gagwè a a bonòlò, a a galalèlañ ka leratò.

Yesu ga a ka a lòba lehoko lepè ya boamarure; me metlha eotlbe a bolèla ka mòea oa loratò. A bua ka bocwiriri, le ka mogopolò o o kelotlhòkò mo go kopaneñ ga gagwè le batho. Ga a ka a bua ka boatla gopè, leba e le ka go galeha ka omo, leha e le ka go tlhokohatsa pelo ea opè eo o sisimogañ. Ga a ka a kgalema makòa a batho. A bua boamarure, me ea bo e le ka loratò ka metlha eotlhe. A kgalemèla boitimokanyò, le botlhoka tumèlo. le boikèpò. Me mancwe a dikgalemo tse di hisañ, a tlhakana le selelò ha a di bua. A lelèla Yerusalem, e le motse o, o o ratañ o o ganneñ go mo chola, ènè e leñ. Tsela, le Boamarure, le Botshelò. Batho ba gòna bo mo itatola, ènè Mmoloki, me ènè a ba leba ka loratò lo lo ba utlwèlañ botlhoko. Botshelò yoa gagwè a bo tshèlela ba bañwe go ba dihèla.

[5]

Meèea eotlhe e ne e ratèga mo matlhoñ a gagwè. A itsaea ka metlha eotlhe ka borèna yoa Semodimo, me a ikòbèla ñwana moñwe le moñwe oa batho ba Modimo o ba bopileñ. A ba bòna botlhe ha e le meèea e e wetseñ mo tatlhegoñ, me e ne e le tirò ea gagwè go ba boloka.

Ha re bala botshelò yoa ga Keresete re mo hitlhèla a nntse yalo. Modimo o nntse hèla yalo. Mautlwèlò botlhoko a SeModimo a a èlèlañ mo baneñ ba batho ka meedi e e tletseñ, a cwa mo peduñ ea Rara, me a bònala ka Keresete. Yesu Mmoloki eo o tletseñ bopelonomi, e ne e le Modimo o o bonetseñ mo nameñ. 1 Timoteo 3: 16.

Yesu a tla mo lehatshiñ a tshela, a boga botlhoko a shwa, me ea bo e le go rekolola rona. A tla a nna “Monna oa Mahutsana”, gore re nnè baabedwi ba boitumèlò yo bo sa nyeleleñ. Modimo oa leseletsa Morwa Ona eo o ratègañ, a tletse chwarò le boamarure, go cwa kgalaleloñ e e gakgamatsañ kwa legodimoñ, go tla mo lehatshiñ ye le shwahadicweñ le hisicwe ke boleio, e le lehatshe ye le hihihadicweñ ke moruti oa losho le phucò. Oa mo leseletsa go cwa sehubeñ sa loratò, le o tlogèla kobamèlò ea baengela, go tla a boga ditlhoñ le kgòbò, le lonyacò, le kilò le losho, “Pecò e e re dirèlañ kagishò e ne e le mo go ènè; re bile re hodisiwa ka diñalò tsa gagwè. Isaia 53: 5. Mo lebeñ a le kwa nageñ, le a le kwa Getshemane, le a le mo mokgoroñ, Morwa Modimo eo o Boitshèpò a itseèla morwalò oa boleio. Ena eo o na a nntse moñwe hèla le Modimo, a utlwa mo peduñ ea gagwè kgaoganò e mpe e e dirwañ ke boleio ha gare ga

[6] Modimo le batho. Ga gamola mo molomuñ oa gagwè Seledò sa tlalèlò sa go re, “Modimo oa me, Modimo oa me u ntlhetseñ? Mat. 27: 46. E ne e le morwalò o o boketekete oa boleio, le go ikutlwa poitshègò ea bogolo yoa yòna, le yaka bo kgaoganya mèea oa motho le Modimo, e ne e le shòna se se phatlotseñ pelo ea Morwa Modimo.

Me boinèlò yo bo kalokalo ga boa ka yoa dirwa gore go cosiwè loratò mo peduñ ea Rara loa go rata batho, leha e le go mo etleeletsa go ba boloka. Nyaea, “Modimo o ratile lehatshe ka bokalokalo oa ntsha Morwa Ona eo o esi. ” Yohane 3: 16. Kara ga a re ratisiwa ke chupèlò, ke ènè eo o baakantseñ chupèlò ka gonne o re ratile galè. Keresete e ne e le èna eo o na a ka hitisetsa leratò lo lo senañ bolekyano mo lehatshiñ ye le senyegileñ, “Modimo o no o le mo go Keresete, o itetlanyeletsa lehatshe. 2 Bakor. 5: 19. Modimo oa utlwa

botlhoko le Morwa Ona. Ea re mo tlaleloñ e o na a nna mo go eòna mo Getshemanèñ le mo loshuñ mo Kalafare a leha tlhwa tlhwa ea thekololò ea rona. Yesu a re, “Ke gòna kaha Rre o nthatañ ka gòna ka ke baea botshelò yoa me, gore ke bè ke bo cholè gapè. ” Yohane 10: 17. Ke go re, Rrè, ka a lo rata thata, Loratò lo Rrè o nthatañ ka lona lo totisiwa bogolo ke tirò e ke lo diretseñ ka eòna ka go lo shwèla, ka erile ke itirile moemedi oa lona, le pèèlèlò, me ke ntsha botshelò yoa me, ka bo ke tsaesa melato ea lona, ka rwala ditlolò tsa lona, me ka ratèga thata thata mo go Rrè; me ereka ke itirile setlhabèlò, Modimo o ka nna tshiamò, le gòna o ka nna Mosiamisi oa eo o dumèlañ mo go Yesu. ”

Go ne go sena opè eo o ka dirañ thèkololò ea rona; ka gonne go sena opè eo o ka bònatsañ Rara ha e se eo o nañ a le mo sehubeñ sa gagwè. Loratò loa Modimo lo no lo ka bolèlwa ke èna eo o itseñ bogodimo le boteñ yoa lona a le esi. Go ne go sena sepè se se ka shupañ ka chwanèlò loratò lo Rara o ratileñ batho ba ba latlhegileñ ka lona, ha e se boinèlò yo bo sa tlhaeleñ mo go sepè, eboñ yoa ga Keresete. [7]

Modimo o ratile lehatshe ka loratò lo lo kalo, oa ntsha Morwa Ona eo o esi”. Ga oa ka oa mo ntsha hèla gore a tshèlè mo bathuñ go le gosi, le go belèga dibe tsa bònè, le go shwa setlhabèlò sa bònè, oa mo naea bòna e le locò lo lo latlhegileñ. E ne e le chwanèlò ea ga Kereste go tla a itira moñwe ka bònè, mo botsheloñ le mo go tlhokeñ ga bònè batho. Ena eo o neñ e le moñwe hèla le Modimo a ikòpanya le bana ba batho ka dithapò tse di se ketlañ di kgaoga gopè. Yesu ga a tlhaywa ke ditlhoñ ke go ba bitsa bakauleñwe. ” Bahebera 2: 11. Setlhabèlò sa rona ‘Mueledi oa rona, Mogolo a rona, a apere popègò ea botho yoa rona ha pele ga Setulò sa ga Rragwè sa segosi, o tla nna moñwe hèla le losika lo o lo rekolotseñ go ea le metlha ea bosakhutleñ le bosaeñ kae, me ke Ena Morwa Motho. Me gotlhe mo, a go dira gore batho ba cholediwè ha hatshe, me ba tlhatlosiwè mo tshenyegoñ le mo botlhabishoñ ditlhoñ yoa bole, le gore le mo go bònè go bònalè loratò lo lo chwanañ le loratò loa Modimo, le go tlhakana le òna mo boitumeloñ yo bo cwañ mo boitshepoñ.

Me yana, ha re leba tlhwatlhwa e e ntshedicweñ thekololò ea rona, le tshenyegèlò ea ga Rra oa rona oa legodimo e o e bonyeñ ka go ntsha Morwawè gore a shwèlè rona, go chwanetse go re sholo hedisa thata ha re tla nna yaka Keresete. Moapostoloi Yohane a leba

bogodimo, le boteñ yoa loratò lo Rara o ratileñ batho ba ba nyèlèlañ ka lònà, le boatlhamò yoa lona, a òbama, a bòka; ‘e ka può ea batho e tlhaèla go bolèla ka botlhalò bogolo yoa loratò lo, le bopeloenana yoa lònà, a bitsa lehatshe gore le tlè go lo leba ka matlhò. A re, [8] “Bònañ kaha loratò lo nntseñ ka gòne lo Rara o re ratilen ka lònà, ha e bo ne ne hano re bidiwa bana ba Modimo. Me ka e le hoo. motho a bo a le tlhwatlhwa e kgolo yañ! Erile yalè ka boleò batho ba nna batlhanka ba ga Satane. Me yana ea re ka tumèlò mo go Keresete eo o dirileñ tetlanyò ka go itira-chupèlèlò ea buleo, bana ba ga Adame ba ka nna bana ba Modimo. Erile ka Keresete a ikapesa popègò ea motho, a godisa botho yoa batho yalo.

Batho ba ba oleñ ba chocwe, ba beilwe kwa boemoñ yo ba ka kopanañ le Keresete gòna, kwa rure ba ka chwanèlwa ke leina ye, “Bomorwa Modimo”.

Loratò lo, ga go na lopè lo lo chwanañ nalò. A bana ba Kgosi ea Legodimo! A cholohecò e e Monate! A selò se se chwanetseñ go akañwa thata! A loratò lo Modimo o ratileñ lehatshe ka lònà, e le lehatshe ye le sa rateñ Ona! Ke mogopolò o o tlolañ Mòea oa motho thata, me o henyetse pelo mo go ineleñ go rata Modimo. Ha re ithuta Modimo ka go leba mokgòrò oa ga Keresete, re tla ithuta bogolo bogolo boutlwèlò botlhoko, le pelo e e nana, le boichwarèlò bo tlhakanye le tshiamò le tekatekanyò; e bile re bòna ka dichupò di dintsi loratò lo lo senañ bolekaneyeco, le matlhomoga pelo a a gaisañ, a heta le e leñ loratò loa mma ñwana a tlhomogèla ñwana oa gagwè eo o timetseñ pelo.

Diphapò tse di bohanyañ batho di ka nyèlèla.

Tsala e ka itatola tsala,

Bomma ba ka khutla go otlà bana,

Legodimo le ka heta le lehatshe,

Me ga go na phetogo epè

E e ka tsènañ loratoñ loa ga Yehofa.

Go dilò dihe tse pedi tse di pakañ kaga loratò lwa Modimo?

Ke mañ mocwedi wa botshelò, le botlhale le boitumelò?

O romèla matshegò ahe go nonotsha dibopiwa tsa gagwe?

[9] Ke dilò dihe tse di re dikanyeditseñ tse di re irañ gore re itse gore go nale Modimo ko legodimoñ? Ke mañ o re hañ dilò tse re di

batlañ ka malatsi?

Motho o na ale mo moemoñ a ntseñ yan ha a cwa mo seatleñ sa mmopi?

Ke en se se hetotseñ maemo a motho?

Re na le en se se re bontsañ gore Modimo o sa re rata, go tloga nakoñ ea go leoha ga rona?

Ke ka ga eñ Modimo o letlelela ditshetlho le mebitlwa le mehero go gola mo mmuñ wa rona?

Le dilò tse di bua loratò go rona ka di ntsha dicheshe mo ditshetlhoñ le mo mebitloañ?

Go eñ mo lobopoñ se se nañ le go re itumedisa—dipina tsa di nonyane, dicheshe tse di ntle le dikgwa tse di ntle, tse di re sireletsañ mo letsatsiñ?

Ke eñ se se re senolelañ sentlentle mokgwa wa Modimo?

Ke go reñ Morena ale pelotelele le rona?

Modimo o bohèlèla yañ dipelo tsa rona go ona?

Le ha ele mo diloñ tse a di re shupetsa ka botlalò loratò lwa gagwe go rona?

Le ha re na le dichupo tse ke mañ o re kgoreletsañ gore re rate Modimo?

Satane o rata gore re dumele eñ kaga Rara oa rona eo o kwa Legodimoñ?

Ha Rara oa rona ele moatlhodi eo o pelo-e-thata ke go reñ a na a romela morwa eo o hategañ gore a tle gore shwèla?

Morwa o na a emetse man ha ale mono lehatshin?

Yesu o na a bua yan kaga tirò ea gagwè mono lehatshiñ?

Yesu o na a direlañ batho ha a tsamaea mo gare ga bone?

Tirò ea gagwè e ne e shupa eñ?

Ke go reñ a na a tsaea botho yoa rona.

Maitsèo a ga Yesu a na a ntse yañ ha ale mono?

O na ka utlwale yañ ha a chwanetse go òmanya motho?

Yesu o sheba batho yan?

Loratò lwa ga Rara lo elelela yañ go bana ba gagwè?

Ke go reñ Yesu a na boga a ba a shwa?

O na a cwa eñ gore re bone boitumelo yo bo sa khutleñ?

O na a tlogela manno a ntseñ yafi gore a nne le go re dirèla selo se?

Dibe tsa rona tsa na tsa leretse Yesu eñ? Ke eñ sa na sa leretse [10]

Yesu mahutsana bogolo go dilo cotlhe?

A setlhabelo sa ga Yesu sa na sa ira gore Modimo o re ratè bogolo?

A ga na ga lopa Rara señwe go rekolola lehatshe ye ye le borukutlhi?

Yesu ke eñ go moleohi?

A gono go na le moñwè kwa ntlè ga Morwa eo o na a ka re rebola?

Ke go reñ go se ka ga shwa moengele mo sebakeñ sa ga Keresete?

Yesu o itsalanye yañ le rona?

A re, u re irelañ ha pela ga terone ea ga Rara?

Ke go ren a re iretse dilo tse cotlhe?

Ha re gopola kaga tlhoatlhoa e re rekolocweñ ka eona go chwanetse gore go re ruta eñ?

Yohane o baka yañ loratò lo lo ntseñ yalo?

Re batho ba ga man ka chwanèlo?

Keresete o re buletse tsela e go nna eñ?

Choloheco e e botlhokwa! Bana ba Kgosi ea Magodimo! Re chwanetse go gopolañ ka choloheco e e ntseñ yana?

Ha re gopola thata kaga selo se, se tla re ira gore re bone- eñ mo [11] setlhabeloñ se se golo?

[12]

2. MOLEOHI O TLOKA KERESETE

E rile mo tshimologoñ motho a apesiwa manatla a magolo, le tlhaloganyò e e lekalekanyeñ. Botho yoa gagwè bo ne bo itekanetse, me a na le bokopanò le Modimo. Megopolò ea gagwè e ne e itshekile, le dikelecò tsa gagwè di ne di itshekile hèla. Me ea re ka go tlhòka go utlwa ga gagwè, manatla a gagwè a Shòkama, me boipatèlò yoa tlosa loratò mo go èna. Botho yoa gagwè yoa kòahadiwa ka ditlolò, a ba a tla a retelèlwa ka esi go ganèla le thata ea eo boshula. Satane a mo chwara, a mo golèga, me ha Modimo o ka bo o se ka oa tsèna ha gare, o ka bo a setse a nnetse rure hèla mo kgolegoñ go ea le metlha e e senañ bokhutlò. E ne e le Mogopolò oa Moraedi go cupuetsa maikaèlèlò a Modimo mo go bopeñ motho, le go tlatsa lehatshe ka bohutsana le chwahacò ea tshenyègò. Me a tloga a kaea boshula yotlhe yo bo nntseñ yalo ha bo cwa mo tiroñ ea Modimo ea go bopa motho.

E rile motho a sa nntse a le tshiamoñ hela a sa itse bolelo a bo a itumèla ka a na le bokopanò le Modimo, o dikhumò cotlhe tsa botlhale le kicò di hitlhilweñ mo go Ona. Me ea re moragò, a sena go tlola molaò, a retelèlwa ke go tlhòla a bòna boitumèlò mo boitshepoñ me a senka go iphitlhèla Modimo. Le gompiyeno pelo e e sa shahadiwañ e nntse hèla yalo. Ga e utlwane le Modimo, e bile e sa bone boitumèlò mo go kopaneñ le òna. Moleohi ga a kake a nna mo boitumeloñ ha a lebaganye le Modimo o tla tshaba go nna tsalanoñ le baitshepi ba bantlè. Leha a ka ba a leselediwa go tsèna kwa legodimoñ o na a sa kake a bòna boitumèlò gòna. Mòea oa loratò lo lo sa pekwañ o o busañ teñ o no o sa kake oa utlwana le mòea oa gagwè. Ka dipelo cotlhe tsa ba ba gòna di utlwana le pelò e e tletseñ loratò lo lo sa kakeñ loa lekañyediwa. Megopolò ea gagwè le tse o di ratañ le dithatò tsa pelo ea gagwè di hapaanye thata thata le tsa baagi ba gòna ba ba sa itse sebe. Lencwe ya gagwè ya kopèlò le tla nna go sele, le senya kotekecò e e monate ea kwa legodimoñ. Legodimo le ne le tla nna helò ga tlhokohacò mo go ènè; me a tla eletsa go hitlhwa, a cwa ponoñ ea Ona o e leñ lesedi

[13]

ya gòna, le Mocwedi oa boitumèlò yoa gona. Modimo ga o dire ka boomo ha o cwalèla boikepi kwa ntlè ga legodimo. Go icwaletse bònè ka bosi kwa ntlè, ka ba sa chwanèla go nna mmògò le ba ba gòna. Kgalalèlò ea Modimo, e ne e ka nna molelò hèla mo go bònè, o o lakailañ. Ba ne ba tla itumèlèla losho lo lo nyeletsañ, gore ba shubèlwè sehatlhògò sa eo o ba shwetseñ gore a ba rekololè.

[14] Rona ka rosi re retelecwe ke go tthatloga mo lemeneñ ya boleo, ye re wetseñ mo go yeòna. Dipelo tsa rona di boshula, me re retelècwe ke go di hetola. “Mañ eo o ka ntshañ se sentlè mo seloñ se se sentlè ga go na opè”. Yobe 14: 4. “Ka maikutlò a nama ke go nna bobaba le Modimo; ka gonne ga a laolwe ke molaò ea Modimo, le gòna go bo go sa kake ga nna yalo”. Baroma 8: 7. Le galè go ithuta le go tlhaleha, le go itaola ga pelo, le motho go lekèla pele, cotlhe tse di na le tirò ea còna kwa di go chwanetseñ; me mo, mo re go buañ ga di na thata. Di ka naea motho maitsèdò a a siameñ a bo kaha ntlè; me ga di kake tsa hetola pelo; ga di kake tsa itshekisa metlodi ea botshelò mo teñ. Go chwanetse go nna nonohò ñwe e e dirañ mo teñ, le botshelò yo bosha yo bo cwañ kwa godimo, go tsèna mo mothuñ gore a bònè go hetolwa; ha go sa nna yalo boleo ga bo kake yoa tloswa ke boitshèpò. Nonoho euò ke Keresete. Tshegohacò ea gagwè ke eòna eosi e e ka rudisañ maikutlò a a shuleñ a mòea oa motho, me ea o gògèla kwa Modimoñ le kwa boitshepoñ. Mmoloki a re, “Ha motho a sa tsalwe sesha,” ke go re, ha a sa amogele pelo e ncha, le dikelecò tse dincha, le maikaèlèlò a masha, le megopolò e mesha e e mo isañ botsheloñ yo bosha, “ga a kake a bònà bogosi yoa Modimo.” Yohane 3: 3. Kgopolò e e reñ ke chwanèlò ea motho go godisa molemò o o mo go èna galè tlholègoñ, ke tsiecò e e bolaeañ. “Motho oa tlholègò ga a amogele dilò tsa Mòea oa Modimo, gonne ke dinyana mo go ènè; me ga a kake a di itse, ka di sèkasèkwa kaha mokgweñ oa Semoèa. 1 Bakor. 2: 14. “U se ka ua gakgamala ka ke gu reile, ka re, Lo chwanetse go tsalwa sesha.” Yohane 3: 7. Me kaga Keresete go kwadilwe, ga twe, “Mo go ènè go no go le botshelò; me botshelò yo, e ne e le lesedi ya batho.” Yohane 1: 4. “Ga go leina lepè le sele ha tthatse ga legodimo, ye batho ba le neilweñ ye re nañ le go bolokwa mo go yeòna.” Ditiro 4: 12.

Ga goa lekana go lemoga loratò loa Modimo, le bodiha molemò le bopeloearara yoa Ona. Ga goa lekana go lemoga molemò, le tshiamò ea molaò oa Ona, la go bònà ha o eme mo motheoñ o o sa

eeñ kae oa loratò. Paulo oa Moapostoloi a bòna gotlhe hèla mo, yaka a re, Ke dumalana le molaò ha o le molemò. ” “Molaò o boitshèpò, taolò le eòna e boitshèpò, e lekalekanye, e molemò. ” Me a oketsa ka mahoko a a botlhoko, a a itlhobosañ, a re, “Me nna, ke Senama, ke rekisicwe ha tthatse ga boleo, ” a tlhologelèlwa bophepa, le tshiamò, [15] e le dilo tse di mo reteletseñ go hitlha kwa go còna; me a goa ka seledò, a re, “A motho oa Mogolo nna! èmañ eo o tla nkgololañ mo mmediñ oa losho lo”? Baroma 7: 24. Ke shòna seledò se se tthatlogileñ se cwa mo dipeduñ tse di imelesegeleñ ke metlha eotlhe, le mo mahatshiñ aotlhe. Me karabò ñwe hèla, ga go epè ea bobedi, ea re, “Bònan Kwana ea Modimo Eo o tlosañ boleo yoa lehatshe. ” Yohane 1: 29.

Mòea oa Modimo o boletse dichwanchò di le dintsi go chwantshetsa batho lehoko yeuò, le go le ranolèla dipelo tsa ba ba eletsañ go gololwa mo morwaloñ oa molato. E rile Yakoba a sena go tsietsa Esauè, me a tshaba a cwa mo go rragwè, a tloga a imèlwa ke pelo e e ipònañ molato. E ne e le Molatlhegi eo o kalaotègañ hèla, a kgaoganye le ba ga gabò ba ba ratègañ, a tlogetse legae le monate otlhe oa gòne, mogopolò o o mo chwenyañ bogolo go cotlhe, e ne e le go re, boleo yoa gagwè bo mo kgaogantse le Modimo, me a bile a latlhègecwe ke legodimo. A robala ha hatshe a le bohutsaneñ a dikanyedicwe ke dithotana, le dinaledi tsa legodimo tse di mo òkameñ ka kgalalèlò ea còna. Me ea re a robetse a chogana ka lesedi le sele le mo galalèlèla; me bòna ga tthatloga sepalamò sa botlhatlogò se se athameñ se se chwanañ le moruti, leha e le leru, se tlhomilwe ha hatshe, me se tthatlogèla hèla kwa godimo, se ea go hitlha eketse kwa kgoroñ ea legodimo; me mo direpudiñ tsa shòna ga bo go hapano baengela ba Modimo, ba tthatloga ba hologa; me mo kgalaleloñ e e bònalañ kwa godimo ga cwa lencwe ya Modimo ye le buañ kgomocò le cholohecò. Me yalo Yakoba a nèwa se mòea oa gagwè o se eleditseñ go se bòna, eboñ Mmoloki. A itumela a ba a leboga a bòna tsela e, ènè Moleohi o ka bònañ go boèla kwa bokopanoñ le Modimo ka eòna, Sepalamò se o se bonyeñ mo toroñ [16] sa mo chwantshetsa Yesu, eo e len ènè eo motho o ka kopanañ le Modimo ka èna.

Gapè e rile Keresete a bua le Nathanaele a bua kaga sechwancbò seuò, yaka a re, “Lo tla bona legodimo le atlhamologile, le baengela

ba Modimo ba tthatloga, ba hologèla mo go Morwa Motho.” Yohane 1: 51.

E rile mo go tloleñ ga gagwè, motho a ikgaoganya le Modimo, a itira moeñ mo go Ona; lehatshe ya kgaolwa mo legodimon me ga nna phatlha e kgolo ha gare, me go sena bokopanò gapè ka ntlha ea gòna. Me ka Keresete yanoñ lehatshe le bile le chwaragancwe le legodimon. Yesu Keresete o dihile tsela e e tshedisañ phatlha euò e e dirilweñ ke boleo; me o e direle ka ditirò tsa tshiamò tse o di dirileñ, me yana baengela ba e len baroñwa ba gagwè ba ka tla go dirèla le go thusa batho. Keresete ka esi o goga batlio ba ba bokòda ba sena boithushò, a ba gogèla kwa mocwediñ o thata eotlhe e e senañ bolekan- yeco e cwañ mo go òna.

Me ha batho ba tlhokomologa mocwedi o, o e leñ òna osi o cholehèlò le thushò di cwan mo go òna, go sholohèla bocwèlèlò pele, le go cholediwa ga ba ba oleñ ke lehèla hèla, “Nèò nwe le nwe e e molemò le e e itekanetseñ e cwa mo Modimon.” Kwa ntlè ga òna, motho ga a na maitsèò apè a mantlè a a siameñ. Me tsela e e isañ Modimon ke Keresete. A re, “Ke nna tsela, le boamarure, le botshelò: ga go opè eo o ka tlañ kwa go Rara, ha e se ka Nna.” Yohane 14: 6.

[17] Pelo ea Modimo e tlhologèlèlwa bana ba Ona ba lehatshe, ka loratò lo lo thata bogolo go losho. E rile o ntsha Morwa Ona oa bo o re naea selò se se kanañ ka legodimo yeotlhe hèla. Botshelò yoa Mmoloki, le losho loa gagwè le thapèlèlò, le tirèlò ea baengela ba selegodimo go kokotlela ga Mòea o o Boitshèpò, le Rara go dira mo godimo ga cotlhe, gotlhe hèla mo go kopanetse batho go ba dirèla thekololò le polokò.

Ao! A re ke re lebeñ thushò e e gakgamatsañ e e direcweñ rona. A re lekeñ go lebogèla tirò le thata e MOÑ oa legodimo o e bonatsañ gore a gape ba ba timetseñ, le go ba bosetsa kwa legaeñ ya ga Rrabò.

Ga go na makgona apè, leha e le dithata dipè tse di ka bonwañ gopè di gaisa tseno tse, tse di ka kgweetsañ batho,—eboñ dituelò tse di kgolo tse di nèwañ ba ba dirañ tshiamò, le boitumèlò yo bo tla bònwañ kwa legodimoñ, le botsalanò le baengela, le bokopanò le Modimo, le loratò loa Ona, le Morwa Ona, le tirèlò e e monate-nate e re tlo nnañ mo go eòna, go ea le metlha e e senañ bokhutlò, a ga se còna dilo tse di ka re nametsañ, di ba di re patèlèla go naea Mmopi

oa rona le Morekolodi loratò loa dipelo tsa rona, le gore re inèlè mo tirèloñ ea gagwè yanoñ yana.

Me gapè, ka ntlha e nwe, go ditshekishò tse Modimo o reñ, di tla tla mo boleuñ, le tehishò e e sa kakeñ ea kganèlwa, le go senyèga ga botho yoa rona, le tshenyè- gèlò rure. Me re tthagisiwa ka còna mo lehokuñ ya Modimo gore re se inele mo tireloñ ea ga Satane.

A ga re tlhalomele boutwèlò botlhoko yoa Modimo? O no o ka dirañ bogolo go se o se dirileñ? A re tleñ mo go Ona, re ikopanyè le Ona, o o re ratileñ ka loratò lo lo kalo. A re direñ kaha O re shupeditseñ ka gòna, gore re hetolèlwè mo chwanoñ ea Ona, le gore re rebolèlwè mo botsalanoñ yoa ba engela ba ba boitshèpò, re nne bañwe hèla le modimo, le Morwa Ona, mo bokopanoñ le mo tsalanoñ le Ona.

[18]

Ke eñ se mo tlhòlegoñ sana sa newa motho?

O na a tlhagelwa ke eñ ka ntlha ea go bisa go utlwa ga gagwè?

Re kabo re le malata a ga mañ ha Modimo o no o seka oa tsèna ha gare?

Leano ya ga Satane ènè ele eñ?

O na a tla pèga mañ molato oa go lere sebe mo hatshiñ?

Pele ga motho a leoha o na bua ka kgololesego le mañ?

Ke go reñ a na a sa rate go bua le Modimo ha a sena go leoha?

Re ka bua yañ le Modimo yanoñ?

Ke go reñ re sa rapele bogolo bogolo?

Ke go reñ pelo e e sa hetoloañ e se kake ea itumela kwa legodimoñ?

Legodimo e ka nna eñ mo mothuñ eo o sa rateñ Modimo? Ke go reñ?

Me a go chwanetse go nna le pelo e e hetocweñ gore u itumele kwa legodimoñ?

A Modimo oa siamolola ha o cwalela baikepi kwa ntlè ga legodimon?

Ha re ne re sa rate Modimo a re ne re ka itumela go na mo heloñ ha go boitshèphò?

A re ka ikgolola mo sebeñ?

A tlhaloganyo ea nama e dumalana le Modimo?

A bontsi yoa thuto le kico bo ka hetola pelo tsa rona?

Go chwanetse gwa diragala eñ pele ga dipelo tsa rona di hetolwa?

Thata eouò ke eñ?

Yesu o na a re, go batlèga eñ pele ga re ka bona bogosi yoa Modimo?

Ke mañ o tsenyañ mo peduñ gore re nne molemò?

Ke mañ hèla èo o nañ le botshelo yo bo sa khutleñ?

Re bona yañ botshelo yo? Mmphò?

A go lekanye go dumèla mo molawuñ oa Modimo le go dira se eleñ tshiamo? Batho bale bantsi ba dira tse cotlhe me ga ba itse Modimo?

Molemò o moñwe hèla oa mòea o bobolañ ke ohe?

[19] Mòea o o Boitshephò o bapisa tatlhego ea rona ka mekgwa e mentsi. U na a naea Yakoba papisho e ntseñ yañ? Sepalamo se sene se emetse eñ?

Yesu o na a naea Nathanele papisho e e ntseñ yañ kaga selo shòne se?

Lehatshe le batho ba yone yana ya tlhagèloa eñ marago ga motho a sena go leoha?

Borògò yo bo kgabaganyañ molete o o irilweñ ke sebe ke eñ?

Kwa ntlè ga Keresete re eñ, e bile re na le eñ se se bonalañ?

Keresete ke eñ?

Erile ha Rara a re naea Moroae ene ele 'mphò e e kae?

Ke mañ kwa ntlè ga Modimo eo o dirèlañ thekololò ea rona?

A ga gwa chwanela gore re neè Modimo botshelo yoa rona re senyègèlè mo tiroñ ea gagwè re itse gore re tla bona maduò a magolo a oa re a sholoheditseñ?

A Modimo o re tlogela gore re itlhaolele.

Ke eñ se se chwanetseñ go re simega kgatlhanoñ le tirèlo ea ga Satane?

A ga re kitla re tlhokomela setlhabelo sa Modimo?

O na a ka re direla eñ bogolo go seò?

[20] Ha re itlhaolela Modimo go tla kaea eñ go rona?

[21]

3. BOIKWATLHAO

Ana, motho o ka nna tshiamò ha pele ga Modimo yañ? Moleohi o ka dihwa tshiamò yañ? Ke ka Keresete a hèla motho o ka kopañwa le Modimo. Re ka bònà bokopanò le Modimo, le boitshèpò ka Keresete a le esi, me re ka ea kwa go Keresete yañ? Batho ba le bantsi ba botsa gompinyeno yaka bontsintsi bo boditse ka letsatse ya pentekoste, ka erile ba ipòna boleo, ba goa, ba re, “Re tla dihañ? Me Petere a ba hetola ka lehoko ye, a re, “Ikwatlhaeeñ.” Me gape ka letsatse ye leñwe, a re, “Ikwatlhaeeñ lo tlhabologè, gore dibe tsa lona di phimolwè.” Ditirò 2: 38. le 3: 19.

Go ikwatlhaea ke go hutsahala ka ntlha ea boleo, le go bo bakèla ka go cwa mo go yòna. Ga re kake ra latlha boleo ha re sa lemoge boshula yoa yòna; ha re sa bo latlhe mo peduñ ga go ketla go nna phetogò epè ea nnete mo botsheloñ yoa rona.

Go na le batho ba le bantsi ba ba sa tlhaloganyeeñ bonnete yoa boikwatlhaò, go re, ke eñ? Ba le bantsi ba utlwa botlhoko ka ba leohile, ba bile ba etsa vaka eketse ba bakile, ka ba boiha, go re melato ea bònè e tla tlisa thupa mo go bònè. Me mo, ga se boikwatlhaò yo go buiwañ kaga yòna mo Bibeleeñ. Ba lela ka ba tshaba thupa, ba sa tshabe boleo tòta. E rile Esauè a bònà ha a latlhegecwe ke botsalwa pele yoa gagwè a hutsahala ka bohutsana yo bo nntseñ yalo. Balaame le èna, o rile a bònà moengele a mo eme pele, a mo kganetse ka chaka mo tseleeñ a nyèra marapò, a ipopèla molatò, ka a tshaba go bolawa; me boikwatlhao yo e leñ yòna sebele, bo ne bo seeò, a sa tlhabo loge mo maikutloñ, a sa herosiwe sebetse ke boshula. Yudase Iskariota, o rile a sena go òka Morèna oa gagwè, a goa a re, “ke leohile, ka ke okile motho eo o senañ molato. ” Mat. 27: 4.

[22]

Boipolèlò yo, yoa shomolwa mo go èna ka a le mo itshekishoñ e e boitshègañ, me a bile a lebeletse katlholò e e chwanetseñ go mo tlèla. Me dilò tse di tla tlañ mo go ènè tse o di lebeletseñ tsa tlatsa pelo ea gagwè ka therègò; me go ne go sena bohutsana mo teñ ga pelo ea gagwè yoa go lelèla tirò e oe dirileñ ka go òka Morwa

Modimo eo o senañ molato, me a itatotse Moitshepi oa Iseraela, E rile Faroè a pitlagancwe ke ditshekishò tsa Modimo, a ipolèla boleo yoa gagwè, gore a halolè mo dipecoñ tse di mo tlèlañ kwa pele; me ea re hèla dipecò di sena go khutla, a boèla kwa boemoñ yoa galè yoa go ganèla le Modimo le go gana go dira kaha taoloñ ea Ona. Bauò botlhe ba lelèla dipecò tse di cwañ mo boleuñ me ba se ka ba hutsahalèla boleo yòna ka yosi ha e se dithupa hèla tse di ba betsañ.

Me ea re ha pelo ea motho e inèla go laolwa ke Mòea oa Modimo, segakolodi se se mo teñ se tla tlhagahala, me moleohi o tla lemoga señwe sa bogolo le sa boteñ yoa molaò o o boitshèpò oa Modimo; eboñ molaò o e leñ mothèò oa mmushò oa Ona kwa legodimoñ, le mo lehatshiñ. “Go lesedi ye le sedihatsañ motho moñwe le moñwe eo o tlañ mo lehatshiñ.” (Yohane 1: 9.) me le bonesa diphiri tsa pelo, me dilò tse di hitlhlilweñ tsa lehihi di bònadiwe, me motho a ipòne molato rure. Moleohi a bònè ha Yehofa a le tshiamò, me a tshabe go bònala ha pele ga Mokeleki oa dipelo, a le mo molatuñ, le mo leshweñ ye e leñ ya gagwè. O bònà loratò loa Modimo, le bontlè yoa boitshèpò, le boitumelòñ yoa boitshèkò; me a eletse go tlhapisiwa, le go reholèlwa kwa bokopanoñ le Legodimo.

[23]

Thapèlò e Dafide o e rapetseñ morago ga go wèla ga gagwè mo sebiñ e shupa kaha khutshalèlò boleo ea nnete e nntseñ ka gòna. Boikwatlhaò yoa gagwè e ne e le yo bo phepha, yo bo kwa teñ. Ga a ka a leka go ñotla molato oa gagwè; yaka a rapetse yana, ga a rapele gore a halolè mo pecoñ e o lebaganyeñ maeò. Dafide a bònà bogolo yo bo heteletseñ yoa tloìò ea gagwè; a leba go leshwèha la ga mòea oa gagwè, me a tlhoa boleo yoa gagwè. Ga a ka a rapèlèla boichwarèlò bo le yosi, a lòpa le boitshèkò yoa pelo. A eletsa go bònà boitumèlò yoa boitshèpò, le go ba a nèwa botsalanò, le bokopanò le Modimo. Mòea oa gagwè o no oa bua yana, oa re:

Go segò èna eo tloìò ea gagwè e ichwarechweñ,
eo boleo yoa gagwè bo bipilweñ.

Go segò motho eo Yehofa o sa mmaleleñ boikèpò,
le eo tsieco e seeoñ mo moeeñ oa gagwè.

Pesalema 32: 1, 2.

Nkutilwela botlhoko Modimo,

kaha bopelonomiñ yoa gago yoa loratò;
 kaha bontsiñ yoa mautlwèlò botlhoko a gago,
 u phimolè ditloliò tsa me.
 Ntlhapisetsa rure mo boikepoñ yoa me,
 u nntlahatsè mo boleuñ yoa me.
 Gonne ke ipolèla ditlolò tsa me:
 le boleu yoa me bo ntutse pele ka galè.
 Ke wèna, wena wesi eo ke gu leohetseñ,
 ka diha se se boshula mo ponoñ ea gago:
 gore u tlo u bònwè u le tshiamò mogañ u buañ,
 u bo u nnè phèpa mogañ u atholañ.
 Bòna, ke ne ka bopègèla mo boikepoñ;
 me mmè o na a inthwalèla mo boleuñ.
 Bòna, u eletsa boamarure mo diteñeñ;
 le mo bokaeñ yo bo hitlhegileñ u tla nkitsise botlhale.
 Ntshèkisa ka mosiama, me ke tla itshèka:
 ntlhapisa, me ke tla nna moshweu bogolo go kapòkò.

[24]

Nkutilwisa boitumèlò le boipelò;
 gore marapò a ua robileñ a tlè a itumèlè.
 Shubèla dibe tsa me sehatlhògò sa gago;
 u bo u phimolè maikèpò a me aotlhe hèla.
 Modimo, bopa pelo e e itshekileñ mo go nna;
 u bo u shahatsè mōea o o siameñ mo teñ ga me.
 U se ka ua ntattha ua ntlosa ha pele ga gago;
 le mōea oa gago o o boitshèpò
 u se o tlose mo go nna.
 Ntliebolèla boitumèlò yoa poloka ea gago;
 me u ntshegetsè ka mōea o o phuthonogileñ.
 Hoñ ke tla ruta batlodi ditsela tsa gago;
 le baleohi ba tla shokologèla kwa go wèna.
 Nkgolola mo molatuñ oa go cholola madi,
 Modimo, wèna Modimo oa polokò ea me;
 me loleme loa me lo tla òpèlèla
 godimo kaga tshiamò ea gago.

Pesalema 51: 1-14.

Boikwatlhò yo bo nntseñ yana, bo tla re retelèla go bo chwara ka thata e e leñ ea rona: bo boñwa lièla mo go Keresete, eo o tthatlogetseñ kwa legodimoñ eo o abelañ batho dinèò tse di nntseñ yalo.

Golò ha go na le goñwe ha batho ba le bantsi ba timèlan gòna; me ke ka gòna ba tlhaèlañ go amogèla thushò e Keresete o ratañ go e ba naea. Ba gopola go re ba sa kake ba tla kwa go Keresete ha ba sa ikwatlhae pele, le go re boikwatlhaò bo tlo bo siamise tsela ea boichwarèlò yoa dibe e bo tlañ kwa go bònè ka eòna.

Le galè go nntse yalo, boikwatlhaò bo ètèlèla boichwarèlò pele; ka gonne ke pelo e e phatlogileñ, e e nyerileñ e eosi hèla e e tla ikutlwañ go re e tlhoka Mmoloki. Me a ke go re, moleohi ha a sa ikwatlhae pele ga a kake a tla kwa go Yesu ? A ke go re, boikwatlhaò bo dirwa kgorelecò e e emeñ ha gare ga moleohi le Mmoloki?

[25] Aitse Bibe le ga e rute gore moleohi o chwanetse go ikwatlhaea a e se a tlhokomele picò ea ga Keresete e e reñ. “Tlañ kwano go nna botlhe ba lo lapileñ, ba lo imèlwañ, me ke tla lo lapolosa”. Mat. 11: 28. Ke bonatla yo bo cwañ mo go Keresete, yo bo gògèlañ motho kwa boikwatlhaon yoa nnete. E rile Petere a bua le Bayuda, a ba ranolèla selo se sentle yaka a re, “èna eo, Modimo o mo goleditse ka lecògò ya Ona ye legolo, gore a nnè Kgòsana le Mmoloki, gore a neè Iseraela boikwatlhaò, le biichwarèlò yoa dibe”. Ditiro 5: 31. Ga re kake ra ikwatlhaea kwa ntlè ga thushò ea Mòea oa ga Keresete ea go cosa mogopolò mo peduñ hèla yaka re sa kake ra ichwarèlwa kwa ntlè ga Keresete.

Keresete ke ènè mocwedi oa mogopolò moñwe le moñwe o o re isañ kwa tshiamoñ. Ke ènè esi eo o ka tlhòmañ kilò e e ilañ boleo mo peduñ. Keleco ñwe le ñwe e e elatsañ boamarure le boitslièkò, le boipònò boleo yoa rona boñwe le boñwè ke chupò ea go re, Mòea oa gagwè o tshikinya dipelo tsa rona.

Yesu, o buile, a re, “Nna, ha ke tthatlosiwa mo lehatshiñ ke tla gogèla batho botlhe kwa go nna”. Yohane 12: 32. Keresete o chwanetse go senolèlwa moleohi ha e le Mmoloki eo o shuetseñ maleo a lehatshe; me ea re ha re lelm Morwa Modimo a le mo mokgoron kwa Kalefare, boteñ yoa thekololò ea baleohi bo simolole go phuthonogèla megopolò ea rona; me molemò oa tirò ea Modimo o re gogèle kwa boikwatlhaon. Ea re mo go shweleñ badiha dibe, Keresete a bònatsa loratò lo lo sitañ tlhaloganyò; me hela ha modi-

hadibe a leba loratò lo, lo mo nyerise pelo, lo ikgatisa mo peduñ ea gagwè, lo tlhotleletse khutsahalelo ea boleò mo mòeñ oa gagwè.

Le gale motlha moñwe batho ba tlhabèlwe mekgwa ea bònè e mebe ke ditlhoñ, me dilò diñwe tse di boshula ba di latlhe, ba e se ba itemoge ha ba nntse ba gògègèla kwa go Keresete. Me e ne e re ha ba itèka gore ba hetogè, ka pelo e e eletsañ rure go tla mo tshiamoñ, e be e le thata ea ga Keresete e e ba gògañ. [26]

Thata ñwe e ba sa e lemogèñ e dira mo peduñ ea bònè, ka sega kolodi se tlhagahetse me botshelò yo bo bònalañ mo go bònè kaha ntlè. bo nne molemò bogolo go galè. Me ha Keresete a ba gògèla pele, me a ba lebisa mokgòrò oa gagwè, ba bònè ènè eo dibe tsa bònè di mo tlhableñ. Me hoo ba senogèlwè boshula yoa botshelo yoa bònè, le boleo yo bo kwa teñ teñ ga dipelo tsa bònè. Yanoñ ba simolole go tlhaloganya señwe sa tshiamò ea ga Keresete, me ba goe, ba re. “Boleo bo nntse yan, ha e bo ne go lopiwa thebolò e e kalo, gore go rekololwè mochwarwa eo boleo bo mo chwereñ! A go no go lopiwa loratò lo lo kalo, le kutlwo botlhoko e e kalo, le boiñòtlò yo bo kalo, gore re se ka ra nyelèla, me re bònè botshelo yo bo sa khutleñ”?

Modiha dibe le galè o ka ganèla le loratò lo, me o ka gana go gogèlwa kwa go Keresete; me ha a sa ganele o tla gogèhva hèla kwa go Yesu. Kicò ea go tlhaloganya kaha polokò e bònwañ ka teñ e tla mo gogèla kwa mokgoroñ me a ikwathaèla dibe tsa gagwè, tse di tlhokohaditseñ Ñwana eo o ratègañ oa Modimo.

Kgopolò ea Semodimo e e dirañ mo diloñ tsa lobopò, ke eòna e e buañ le dipelo tsa batho me e tlhagisa keleco e e sa kakeñ ea bolèlwa mo go còna, e e eletsañ señwe se ba senañ nashò. Dilò tsa selehatshe di retelèlwa go thethebatsa dipelo tsa bònè; me ke Mòea oa Modimo o ba rapèla, gore ba batlè tse e leñ còna cosi tse di ka ba naeañ kagishò le boikhucò,—eboñ tshegohacò ea ga Keresete, le boitumèlò yoa boitshèpò. Ka ditirò tse di bònwañ le tse di sa bonweñ Mmoloki o nntse a leka ka galè ka galè go haposa megopolò ea batho mo dikgatlhegoñ tsa boleò tse di sa thethebatseñ; o bile o leka go ba isa matshegoñ a magolo a ba ka a bònwañ mo go ènè. Meèea e, eotlhe hèla ea batho, e e senkañ go nwa mo dinkgwaneñ tse di thubegileñ tsa lehatshe, e dibiwa ka picò e, ea Selegodimo, e e reñ, “Eo o nyorilweñ a a tlè. Me leha e le mañ eo o ratañ, a a tseè metsi a botshelò, a a tseè hèla. Tshenolo 22: 17. [27]

Wèna, eo u eletsañ mo peduñ ea gago gore u bònè señwe se se gaisañ, se u ka se nèwañ ke lehatshe yeno, ua bòna ha kelecò euò, e le lencwe ya Modimo mo peduñ ea gago. Lòpa Ona, gore o gu nè boikwatlhaò, le gore o gu senolèlè Keresete mo loratoñ lo lo senañ bolekanyecò, le mo boitshepoñ yoa Ona yo bo itekanetseñ. Motlhala oa molaò oa Modimo o shupèga seutlè mo botsheloñ yoa Mmoloki, eboñ loratò lo ratileñ Modimo, le batho ka lònà. Thushò le loratò lo lo sa ikgopoleñ e ne e le botshèlò yoa mòea oa gagwè. Ha re mo le ba, me ha lesedi ya Mmoloki oa rona le re sedihatsa, e be e le gòna re bònàñ leshwè ya boleó ye le mo peduñ tsa rona.

Motlha moñwe re kile ra iphaka, yaka Nikodimo, a dira, me ra ithaea, ra re, botshèlò yoa rona bo thòkgamè, le maitsèò a rona a mo teñ a siame, ra ba ra gopola, go re, ga re na molato o re chwanetseñ go ikokobetsa ha pele ga Modimo kaga òna, yaka ba ba itsegeñ ha e le boleohi; me e re ha lesedi ye le cwañ mo go Keresete le phatsimèla mo meðeñ ea rona, re ipòna bomashwè yo re mo go yòna; me re tla bòna ha re ne re tshikiñwa ke boithatò hèla; re tla ipona ha re le bobaba le Modimo, le go re dilò tse, di sentse botshèlò yoa rona mo diloñ cotlhe tsa yòna. Hoo re tla itse ha ditshiamo tsa rona di nntse yaka makgasana a a mashwè; me re tla itse ha e le madi a ga Keresete a le osi a a ka tlosañ bomashwè yoa boleó mo go rona, me

[28]

a shahatse dipelo tsa rona, gore di nne mo chwanoñ ea ga Yesu. Phatsimò e le ñwe hèla ea kgalalèlò ea Modimo, tebèlò e le ñwe hèla e e lebañ bophepha yoa ga Keresete, ha e phololèla pelo, e tle e bònatse leshwè ye le matameñ mòea oa motho, le bokgòpò le bogòlè yo bo mo go ènè. E bònatse dikelecò tse di itshekologileñ, le botlhòka tumèlo yoa pelo, le itskekologò ea molomò. Modiha dibe o ipòna ha a tlotlotse Modimo ka go dibolola molaò oa Ona; me pelo ea gagwè e utlwe botlhoko ka mòea oa Modimo o elame mo go eòna. Ea re a leba bontlè yoa ga Keresete le boitshèpò yoa gagwè, a tlhoe boleó mo gogolo thata.

E rile Moperofete Danièle a bòna kgalalèlò e e apesitseñ moroñwa eo o romilweñ kwa go èna a cwa legodimoñ, a khurumediwa ke maikutlwo a bokòda le go tlhaèla ga gagwè. Me a re a bolèla segakgamacò se o se bonyeñ, a re, “Go se ka ga sala thata epè mo go nna, ke le Danièle”; ka gone bontlè yoa me yoa hetoga sebody, me ga kea ka ka sala le nonohò epè”. Danièle 10: 8. Pelo e e amilweñ yalo e tla ila boithatò yoa eòna, le boikgopolò hèla; me e tla senka,

ka tsliiamò ea ga Keresete, gore e bònè boitshekò yoa pelo yo bo dumalanyèñ le molaò oa Modimo le botshelo yoa ga Keresete.

Moapostoloi Paulo a re, “Ha e le kaga tshiamò e e leñ ea molaò hèla ke go re kaga ditirò hèla tsa bokwantlè,—o na a sena molato; me e rile a lemoga boteñ yoa molaò ha e le yoa Semòea, a itemoga ha e le moleohi. Ha e ne e le kaga ditlhaka tsa malaò hèla, yaka ba tle ba kae, ga a ka a leoha ; me o rile a okomèla mo teñ ga òna, me a bònà ditaèd tsa òna, me a ipòna yaka Modimo O mmòna, a òba tlhògò ka boikokobeco, me a ipolèla molato oa gagwè, A re, “Galè, ke ne ke tshedile kwa ntlè ga melaò; me e rile taolò e tla, boleo yoa rulwa, me nna ka shwa”. Baroma 7: 9. Ea re a bònà molaò ha e le selò se se amañ mòea, boleo yoa ipontsa bomashwè yoa yòna, me go itlotla ga gagwè ga nyèlèla.

[29]

Modimo ga o kae dibe cotlhe ha di le selekanyò se le señwe hèla, mo matlhoñ a Ona di hapaanye; hèla yaka le mo matlhoñ a batho. Me leha sebe se, leba e le sele, se ka kaiwa se le senye mo matlhoñ a batho, ga go sepè se se ka kaiwañ senye mo ponoñ ea Modimo. Go leba ga motho go tlo go line ka ntlha ñwe hèla, me go tlhaetse: me Modimo o bònà dilò cotlhe hèla yaka di nntse rure. Letagwa lea nyadiwa, me le bolelecwe ha sebe sa gagwè se tla mo itsa go tsèna mo legodimoñ, me bopelompe, le boithatò, le boiphethlò ke dilò tse ea reñ motlha moñwe ene ekeke ga di kgalemelwè. Me laha go nntse yalo dibe tseuò ke tse di boshula bogolo ha pele ga Modimo, ka gonne di tlabaganye le bopelontlè yoa Ona, di ganèla le loratò lo lo sa pekwañ lo lo bònalañ go ea le lobopò lotlhe hèla, lo lo sa itseñ boleo. Motho eo o chwarwañ ke maleo a a mashwè, a senama, o ka tlhaywa ke ditlhoñ motlha moñwe, a ba a ipòna ha a tlhòka tshegohacò ea ga Keresete; me bopelompe ga bo ipòne botlhòkwa bopè, me bo cwale pelo, bo cwalèle Keresete kwa ntlè, bo gane matshegò a o tsileñ go a abèla batho.

Mokgethisi oa mogolo, eo o rapetseñ, a re, “Modimo, nkutlwèla botlhoko nna moleohi”. Luke 18: 13. O na a ikaea motho eo boshula thata; ba bañwe le bònè ba ne ba mo kaea hèla yalo; me ènè a ipòna khumanègò, me a tla ha pele ga Modimo a rwele morwalò oa molato le ditlhoñ, a lòpa kutlwèlò botlhoko mo go Ona. Pelo ea gagwè e ne e atlhametse Mòea oa Modimo, gore o tsènè, o dirè tirò ea òna e e segohatsañ, le gore o mo gololè mo thateñ ea boleo. Thapelò ea Mofarisai, ea boikgogomoshò, le ea boitshiamishò, ea shupa ha

Mòea o o Boitshèpò o no o ewalecwe kwa ntlè ga pelo ea gagwè. E rile ka a le kgakala le Modimo, o na a sena maikutlwò ape a go
 [30] Jeshwèhala ga gagwè tebaganoñ le Boitshèpò yoa Modimo O na a sa ipòne botlhòka sepè; me yalo a retèlèlwa, me a sa amogele sepè.

Ea re ha u ipòna bolebo yoa gago, n se ka ua diiwa ke go re, u itira molemò, u rata go ipaakanya. Ba bantsi yañ ba ba reñ ga ba na chwanèlò e ba ka tlañ ka eòna kwa go Keresete. A u itlhoma u ka itira molemò ka malekò a gago?” A Moethopia o ka hetola letlalò ya gagwè, leba e le nkwè dichubaba tsa eòna? Ha go nntse yalo, le lona lo ka dira molemò, lona ba lo tlwaetseñ go dira boshula”. Yerima 13: 23. Thushò ea rona e mo Modimoñ o le osi hèla. Ga rea chwanèla go lebèlèla go kgònwa ke mahoko a a thata a sele, leha e le dipaka tse di lebanyeñ bogolo go tsèna, leha e le maikutlwò a a itshepileñ bogolo. Ga re kake ra dira sepè ka rosi. Re chwanetse go tla kwa go Keresete hèla yaka re nntse, se re leñ shòna hèla, ka borona hèla.

Me opè a se ka a itsietsa ka mogopolò oa go re, ere ka Modimo o le loratò lo logolo, le kutlwèlò botlhoko, o tla nama o boloka le ba e leñ bagani ba tshegohacò ea òna. Bokgòpò yo bo heteletseñ yoa bolebo bo ka lemogwa mo lesediñ ya mokgòrò hèla. Ea re ha batho ba bua thata, ba re Modimo ga o kake oa latlha modiha dibe ka O le moleinò o mogolo, a ba lebè kwa Kalefare. Go ne go sena kgòrò epè e sele e batho ba ka bolokwañ ka eòna. kwa ntlè ga setlhabelo se, go ne go sena kaha batho ba ka halolañ mo thateñ ea baleo yo bo leshwèhatsañ, me ba nèwa bokopanò gapè le baitshepi; leha e le go nna baabedwi ba botshelo yoa Semòea; me ke ka ntlha ea gòna mo, Keresete a itseèla molato oa ba ba ganneñ go utlwa, me a boga losho mo boemoñ yoa baleohi. Loratò loa Morwa Modimo, le matlhoko a o a bogileñ, le losho loa gagwè, di shupa ha bolebo e le selò se se
 [31] boitshegañ, di ba di bolèla ha go sena phalolò mo thateñ ea yòna, go sena cholohèlò ea go re, re tla chwara botshelò yo bo kwa godimoñ ha e se ka go inèla ga pelo ea motho mo go èna Keresete.

Motlha moñwe ba ba sa ikwatlhaeñ ba ipate ka go re, ha ba bòna Bakeresete ba re, ke le mañ mañ ke molemò hèla yaka bònè. Ga ba nkgaise ka gopè, leba e le mo go itatoleñ, leha e le ka go ikgapha, leha e le ka go itlhokomèla mo mekgweñ ea bònè. Ba re, barata bothamò yoa pelo, le go inèla mo dikgatlhegoñ hèla yaka nna. Yalo ba bo ba diha go re, melato ea ba bañwe e nne seipatò sa

go tlhokomologa dichwanèlò tsa bònè; ecwa dibe tsa ba bañwe, le diphoshò tsa bònà, ga di golelo opè mo molatuñ oa gagwè; gonne sekaò se Morwa o se beileñ ha pele ga rona, ga se se se timelañ, ga se se se hosañ yaka se se cwañ bathuñ. Morwa Modimo eo o senañ bokgòpò leha e le sebata, ke ènè eo o beilweñ go nna sekaò sa rona. Me ba ba ñoñoregelañ diphoshò tsa ba ba ipitsañ Bakeresete, ke bònè ba ba chwanetseñ go ichupa kgaishò eo bònè ka botshelò yo bo molemo bogolo. E re ha ba lemogile kaha Mokeresete o chwanetseñ go nna ka gòna, bolelo yoa bònè a ga boa nna bogolo thata; ka ba itse se e leñ tshiamò, me ba gana go e dira.

Tshaban mogopolò oa go re, ka moshò ke tla dira; u se ka ua shutisetsa kwa lobakeñ lo lo kwa pele tirò ea go latlha dibe tsa gago, le go batla boitshèkò yoa pele ka Yesu. Batho ba le bantsintsi ba timetse gòna ha, me ba bònà tatlhègò ea bosaeñ kae. Ga ke bue kaga bokhuchwane yoa botshelò yoa motho, le go tlhòka go itse kaha malatsi a tla nnañ ka gòna; me go na le phatsa e e tshabègañ; e batho ba sa e tlhaloganyeñ sentlè,— mo go diegeñ go inèla, le go reetsa lencwe ya Mòea o o Boitshèpò oa Modimo; le ka go itshenkèla bogolo go aga mo dibeñ ka go bo tiègò e e nntse hèla yalo. Sebe shòna, leha se kaiwa bonnye, ha motho a se itlwaetsa, se mo gògèla kwa tshenyegoñ. Se re sa se henyèñ se tla re henyà, se ba se re isa tshenyegoñ. [32]

Adame le Efe ba itsieditse ka go re, go ya louño loa setlhare se ba se iledicweñ, e tla bo e le selònyana hèla se se sa kakeñ sa ba tlisetsa pecò e e boitshegañ, e Modimo o e boletseñ. Ecwa tlolonyana euò e ne e le tlolò ea molaò o o sa hetogeñ, o o boitshèpò oa Modimo; me ea kgaoganya motho le Modimo; ea bula dikgòrò tsa morwalèla oa losho, le oa bohutsana o o phikameñ lehatshe ya rona. Ka metlha go nntse go tthatloga selelò se se sa khutleñ sa bohutsana; me lobopò lotlhe hèla lo nntse lo hegelwa, lo utlwa botlhoko mmògò, e le ka ntlha ea tlolò ea motho. Legodimo le yeòna le utlwile botlhoko ka motho a cuololèla Modimo, Thota ea Kalafare e eme e le se se gopodisañ setlhabèlò se se lopilweñ go rebola se motho o se latlhisicweñ ke go tlola molaò oa SeModimo. A re se kaeñ sebe, go re, ke selò se se nyatsegañ.

Tlolò ñwe le ñwe, le lonyacò lo lo nyatsañ le kganò e e ganañ tshogohacò ea ga Keresete e boèla godimo ga gago; e thatahatsa pelo, e haposa kelecò, e hihihatsa tlhaloganyò; me ga e gu itshemiletsa

go le gosi, e bile e ñotla nonohò ea gago ea pelo, gore u se reetse merapèlò e mentlè e Mòea o o Boitshèpò oa Modimo o gu rapelañ ka eòna.

[33] Batho ba le bantsi ba ituulatsa pelo e e tlhodiegileñ ka kgopolò ea go re, ha ba rata, ba ka hetoga ba cwa mo boshuleñ ba re ba katshameka ka dipicò tsa Modimo, ka ba re ba tla nna ba di utlwiwiwa gapè le gapè. Ba gopola go re, e tla re ba sena go rumola Mòea oa Tshegohacò, le go èma ntlheñ ea ga Satane, ba ka hetoga mo temaloñ ea bònè ka ponyò ea leitlhò, ha ba chwerwe ke poiho le thèrègò. Me go mo, ga go kake ga dirwa ka boheho yo bo nntseñ yalo. Tlwaèlò e ba e tlwaetseñ le go lemala ga botshelò yoa bònè, go ba bopetse rure, me ba ba setseñ ba ka eletsa go nna mo chwanoñ ea ga Yesu, ke ba se kaeenyana hèla, ba se bantsi.

Le e leñ mokgwanyana moñwe, leha e le kelecò e le ñwe ea boleo, ha e ichòkèlwa, kwa pele e tla nonoholola Efangele ea ga Yesu. Boinèlò boñwe le boñwe mo boleuñ, bo thatahatsa go ilana ga motho le Modimo. Motho eo o iponatsañ bothata yoa bohaitene, a ba a itotobatsa mo go tlhokolomologeñ boamarure yoa SeModimo, o roba hèla dilò tse èna ka esi o di yadileñ. Mo Bibeletse eotlhe ga go na tlhagishò epè e e tshabegañ bogolo go mahoko a monna eo botlhale, eo o rileñ, “moikepi o tla tshagediwa ke megala ea boleo yoa gagwè. ” Diane 5: 22.

Keresete o ikeetleditse go re golola mo boleuñ, me ga a pateletse go rata ga rona, me ha re ichokèla boleo go bo dira, me thato e obegetse gotlhe kwa boshuleñ; me re bile re sa eletse go gololwa, re gana go amogèla tshegohacò ea gagwè, ènè o ka dira eñ gapè? Re bo re itshentse ka go ganèla rure loratò loa gagwè, “Bonañ, yanoñ ke motlha o o lebosègañ; yanoñ ke letsatsi ya polokò. ” 2 Bakor, 6: 2, “Gompiyeno, ha lo utlwa lencwe ya Ona se ikgwaraletseñ dipelo tsa lona. ” Bahebera 3: 7, 8.

[34] “Motho o leba bokahantlè, me Yehofa o leba pelo”. 1 Samuele 16: 7. O leba pelo ea motho, hèla yaka go tlhakanye boitumèlò le bohutsana mo go eòna; e le pelo e e timèlañ; e rata go itaola, e e leñ bonnò yoa boitshèkologò le tsiecò e e kalo kalo. O itse melaò e e laolañ mo go eòna, le maikaèlèlò le dithatò tsa eòna. Wèna, ea hèla kwa go Ona Modimo, ka moea oa gago o o matameñ boleo hèla. Diha yaka mokwadi oa Pesalema a dira, bulèla leitlhò ya Eo o bònàñ gotlhe dikgòrò tsa pelo. u re,

Modimo, a u ko u mphukutsè, u bo u itse pelo ea me: nteka, me u itse megopolò ea me: Me u bònè ha go na le mokgwa moñwe oa boikèpò mo go nna; me u nkgògè mo tseleñ e e sa khutleñ. Pesalema 139: 23, 24.

Batho ba le bantsi ba amogèla tumèlò ea mokgwa hèla, sechwanò sa bodumedi hèla, pelo eòna e sa ntlahadiwa. Thapèlò ea gago monkana, a e nnè e, “Bopa pelo e ntlè mo go nna, Modimo, u bo u shahatsè mòea o o siameñ mo ten ga me”. Ps. 51: 10. Sebedisana rure le pelo ea gago. U tlhòahalè u ichòkè, yaka u nu u tla dira ha botshèlò yoa mmele oa gago bo le mo diphatsèñ. Ke kgañ, e e ka athlogañ ha gare ga Modimo le mòea oa gago, e ba e athlogèla rure go ea bosakhutleñ. Cholohèlò e e leñ sech- wanchò hèla e sena sepè sa bobedi, e tla gu gogèla tshenyegoñ.

Akanya Lehoko ya Modimo, ka thapèlò. Lehoke yeuò le shupa maèmò a boitshèpò kaha a nntseñ ka gòna; e bile a bontshiwa mo molaoñ oa Modimo le mo botsheloñ yoa ga Keresete. “Ha boitshèpò bo seè motho opè ga a ketla a bòna Modimo”. Bahabera 12: 14. Le kaèla motho boleo yoa gagwè; le bile le totobatsa tsela e e isañ polokoñ. Le tlhokomèlè, yaka e le lencwe ya Modimo ye le buañ le mòea oa gago.

Hèla yaka u bòna poitshègò ea boleo; le yaka u ipòna hèla yaka u nntse, u se ka ua itlhuboga. E ne e le baleohi ba Keresete o tsileñ go ba boloka. Ga re na go letlanya Modimo le rona, me—ke loratò lo lo gakgamatsañ!— Modimo o mo go Keresete, o letlanyetsa lehatshe kwa go Ona. Ka loratò loa Ona o imenolèla kwa go òna dipelo tsa bana ba òna ba ba timetseñ. Ga go na rra bana mo bathuñ eo o ka nnañ pelotelele go ichokèla melato le diphoshò tsa bana ba gagwè. yaka Modimo o nntse mo go ba o senkañ go ba boloka. Ga go opè eo o ka rapelañ motlodi ka mahoko a loratò yaka òna. Ga go opè eo o ka gaisañ Ona ka go èmèlèla motimedi ka merapèlo. Dicholoheco cotlhe tsa òna, le ditlhagishò, ke diphegelò tsa loratò loa òna, lo lo sa kakeñ loa bolèlwa.

[35]

Ea re ha Satane a tla, me a gu bolèlèla ha u le moleohi eo motona, u tlo u lelalèlè Morekolodiñ oa gago, me u buè kaga tse di molemò tsa gagwè. Se se tla gu thusañ ke go leba kwa lesediñ ya gagwè. Ipolèle molato, me u reè mmaba, u re, “Keresete Yesu o tsile mo lehatshin go boloka baleohi.” 1 Timo. 1: 15, le go re wèna u ka bolokwa ka loratò loa gagwè lo lo gakgamatsañ. Yesu o kile a botsa

Simone kaga batho ba le babedi ba ba molato. Eo moñwe o na a le molato madi a mabòtlana, eo moñwe madi a le matona thata; me moñ oa molato a ba chwarèla boo babedi. Me Keresete a botsa Simone, a re. Ana eo o tla ratañ Morèna oa bònè bogolo ke man. Me Simone a re, “Ke eo o ichwarecweñ molato o motona Luke 7: 43. Rona re nntse re le baleohi ba bagolo: me Keresete a re shwèla, gore re ichwarèlwè, me re rebolèlwè bokopanò le Modimo. Ke tshiamò ea gagwè e le eosi e e ka re naeañ nonohò ea go nna bana ba Modimo. Ba o ba ichwaretseñ segolo ba tla mo rata segolo, me ba tla èma segauchwane le sennò sa gagwè sa bogosi, go mmakèla loratò loa gagwè lo logolo, le setlhabèlò sa gagwè se se gakgamatsañ. Ke hèla ha re tlhaloganya loratò loa Modimo re bo re lemoga bomashwè yoa bolelo. Ha re bònà bolele yoa mogala o re o lepeledicweñ; ha re tlhaloganya señwe sa kaha Kereste o itihileñ setlhabèlò ka ntlha ea rona ka gòna, e be e le gòna pelo e tlhapologañ, e nna nana, e nna nòlò, me e inèle mo go Keresete.

Motho o ka siama yañ le Modimo?

Moleohi o ka siamisiwa yañ?

Re chwanetse go tla yañ go Keresete?

Boikwatlhaò ke eñ?

Go dilò dihe tse pedi tse di tsamaeañ nayò?

A tlhabologo e e bonalañ ke chupo ea boikwatlhaò?

A go na le pharologanyò gare ga go ikwatlhaela sebe le go ikwatlhaela yoa sebe eleñ go boga ga moleohi?

A go ikwatlhaea- gwa ga Esau ènè ele go ikwatlhaea ga bomodimo?

Yañ kaga Yudas yaka a òka Morena oa gagwè?

Enè ele maipolèlò a mohuta ohe?

Re ka ira yañ maipolelo a amañ pelo a dibe tsa rona go Modimo.

Ke eñ se se lereñ lesedi mo peduñ go e bontsha boemò yoa eòne yoa bolelo.

Go tla keleco ehe mo go ènè?

Ke morapèlo oa ga mañ o o re shupetsañ boikwatlhao yoa nete?

Ke eñ sana sa gogèla Dafida gore a ire maipolèlo a?

O na a rapèlèla en gapè koa ntlè ga boichwarelo?

Maipolelo auò a ka bonoa kae? Pesal. 51: 1-14. Pesal. 32: 1, 2.

A go mo thateñ ea motho go nna le boikwatlhaò yobo ntseñ yalo?

A go chwanetse gore re ikwatlhaè pele ga re tla go Keresete?
Taleco e Keresete o e naeñ moleohi moñwe le moñwe ke ehe?
Tota hèla boikwatlhaò bo cwa kae?

A re ka ikwatlhaea pele ga mòea oa Modimo o re bontsha maemo a rona?

Ke mañ mocwedi oa megopolo eotlhe e e siameñ?

Ke mañ o tsenyañ lethòò ya sebe mo peduñ tsa rona?

Keresete ke eñ go moleohi moñwe le moñwe?

A re ka tlhaloganya loratò ye Mmoloki o le beileñ mo pepeneneñ mo sehapanoñ ka ntlha ea rona?

Ha re na le keleco e e tlhomanenñ go ira phetolo mo matsheloñ a rona re be re gogiwa ke thata ea ga mañ?

Ke eñ se re bontshañ poitshègo ea sebe? Ha re inèèla mo morapeloñ oa Mòea o tla re dirèlañ? [37]

Kicò ea sehapaanò e tla dirèlañ moleohi?

Ke mañ eo o tsenyañ mo peduñ tsa batho gore ba batlè señwe se se gaisañ?

Mmoloki o rata go gògèla yañ megopolo ea rona go dilò tsa Logodimo?

Taleco ke eñ?

Keleco e, ea go nna le señwe se se gaisañ e bidiwañ?

Ke eñ se se mo botsheloñ yoa Mmoloki se se re gògèlañ ko go ènè?

Nikotemoe o na a ikaketsa yañ kaga maemo a gagwè a nnete?

Tshiamò ea rona ka rosi e chwantsicwe le eñ?

Koa ntlè ga Keresete re eñ?

Ha re tlhatlhoba mekgwa ea rona ka thushò ea Mòea o o Boitshepò re e chwantsha le mokgwa a montlè oa Morwa Modimo re itlhoma re le eñ?

Ha re ipòna yaka Modimo o re bòna re tla batlañ kaga Keresete?

Go thusañ motho ha a chwara molao otlhe oa Modimo me a palèwa ke go bòna mokgwa oa one oa bomoea?

Ha Paulo a leba mo boteñeñ yoa molao o na a ipòna a ntse yañ?

Dibe tse di nyenyane di bogolo yo bo kae mo matlhoñ a Modimo?

Katllholo ea Modimo ea dibe e na le boamarure yo bo kae?

Ke dibe dihe tse di gakatsañ Modimo?

Ke go reñ dibe tse dile diphatsa bogolo?

Ke eñ se re chwanetseñ ra se ikutlwa pele ga Modimo o ka re thusa?

Re chwanetse ra dira eñ pele ga Mòea o o Boitshèpò o ka tla mo peduñ tsa rona go di itshekisa? —Ha re bula kgoro o tla tsèna.

Go no go na le pharologanyò ehe gare ga morapelo oa mokgethisi le oa mofarasai?

Go no go na le pharologanyò ehe mo thushoñ e bana ba e amogela?

[38] A re ka itlhabolola ka rosi? Morena o botsa poco ehe go re bapisetsa yaka go retela gore re ka itshekisa mo dibeñ?

Re ka iponatsha yañ hèla mo go Keresete?

A Modimo o tla thusa ba ba ganañ chwarò ea gagwè?

Boleo yoa sebe yo bo golo bo ka athlooa yañ hèla?

Ha Modimo o no o ka boloka baleohi kwantle go losho loa ga Keresete a o no o ka dira yalo?

Me a go chwanetse go amogela leano ya Modimo go bolokega?

Ke eñ se se shupañ bogolo yoa sebe?

Leano ènè ele eñ?

Batho ba bañwe ba ira maipato a a nntseñ yañ?

A re ka ipata ka dibe tsa batho ba bañwe ha re bileliwa ha pele ga situlo sa katlholo sa Modimo?

Ke mañ o tla nnañ sekaèlo sa rona?

Tshimego e re e neilweñ ke ehe?

Ka go beela ko moragò go ipakanya mo go batlegañ go tla nna yañ le rona?

Ha re itlikietsa mo sebeñ go tla nna yañ le rona?

Adame le Efa bana ba akanya yañ kaga go ya mauño, me bokhutloñ go no goa nna yañ.

Go na ga lòpa legodimo le rona tlhoatlhoa ehe?

Ke mañ eo o reñ, “Tsela ke e, tsamaeañ mo go eone?” — Mòea o o Boitshèpò.

Ha re gana go utlwa lencwe yeoè me diloñ tse di nyenye ko bohèloñ go tla nna yañ le rona?

A re ka hetola motlhala oa rona o o mashwe ka nako ñwe hèla ha re rata?

Ke eñ se se tla kòahatsañ thata ea Lehoko ya Modimo mo matsheloñ a rona ha re tshameka ka shòne?

Modimo o re reile oa reñ kaga go tshameka ka sebe?

A Modimo o pateletsa moñwe go amogèla poloko?

Ke eñ gapè se o ka se dirañ?

Ha re latlhegile ke molato oa ga mañ?

A Modimo o ka bala megopolo le maikaèlèlò a rona?—Botshelò yoa rona bo yaka lokwalo yele petlekilweñ.

Hèla yaka go itse ènè, merapelo ea rona e chwanetse ea nna eñ?

A re ka nna le popò ea tumèlo koa ntlè ga phetogò mo peduñ? [39]

A motho eo o itsietsañ kaga botshelò yo bo sa khutleñ o ltirela tshiamò?

Boemo yoa rona yoa boitekanèlò ke eñ?

Ke melao ehe e e bonwañ mo Bibeletseñ?

Ke lencwe ya ga mañ ye le buañ?

A re ka utlwa lencwe ha re sa le bale ra le akanya?

Ke eñ se re naeañ tshèphò le bopelokgale ha re bona re le mo maemoñ a mashwe?

Ha Satane a re kaea gore re boleohi ba ba golo re chwanetse ra irañ?

A motho moñwe o molemò go hetisa eo moñwe ha re gopola gore botlhe ba leohile me ba latlhegecwe ke botshelò yo bo sa khutleñ?—Tlhwatlhwa ea go ba rekolola bo babedi ea lekana. Ke hèla ha re tlhaloganya Setlhabelo se se sa khutleñ ke gone re ka itseñ gore Modimo o rata yañ mdeà oa motho. [40]

4. BOIPOLELO

“Eo bipañ ditlolò tsa gagwè, ga a ketla tlhògònòlòhàla; me eo o di ipolèlañ me a di tlogèla, o tla bònà boutlwèlò botlhoko. ” Diane 28: 13.

Se se lopiwañ mo mothuñ gore a bònè boutlwèlò botlhoko mo Modimoñ ga se thata, e bile se siame, sea utlwala. Morèna ga a lope gore re dirè señwe se se utlwisañ botlhoko, gore re bònè boichwarèlò yoa dibe tsa rona. Ga go lopiwe gore re ineè letsapa ya go ètèla kgakala, leha e le go ipolaisa tirò e e tsemelèlañ go siamisisa Meèea ea rona ha pele ga Modimo; leha e le go lehèla tlolò tsa rona: me eo o ipolèlañ, a ba a tlogèla boleó yoa gagwè, èna o tla bònà boutlwèlò botlhoko.

Moapostoloi a re, “Ipolèlèlanañ melato ea lona, gore lo tlè lo ho-disiwè.” Yakobo 5: 16. Ipolèlèlèñ Modimo dibe tsa lona; me melato lo e ipolèlèlanè. E re ha u kgopisitse tsala ea gago, goñwe moñ ka wèna, u chwanetse go ipolèla molato oa gago; me ènè o chwanetse go gu ichwarèla. Me hoo, u chwanetse go gatla boichwarèlò mo Modimoñ, ka gone mokauleñwe eo u mo ntshitseñ nthò ke selò sa Modimo; ke ka go re u mo utlwisitse botlhoko u bile u leohetse Mmopi oa gagwè le Morekolodi oa gagwè. Me mahoko a, a isiwa ha pele ga Motseriganyi eo o esi oa mmannete, Moperesiti eo mogolo oa rona, “Eo o na a raèlwa mo diloñ cotlhe yaka rona, leha go nntse yalo a sena boleó; eo o bileñ a utlwana le rona makòda a rona,” me o nonohile go re tlapisa a tlosa leshwè yeotlhe ya boleó. Bahebera 5: 15.

[41]

Ba ba sa kokobetsañ dipelo tsa bònè ha pele ga Modimo ka go ipolèla boleó yoa bònè, ga ba e se ba dire chwanèlò ea ntlha ea go amogèlwa. Ha re sa ka ra ikutlwa boikwatlhaò yo bo sa ikwatlhaèlweñ; me ha re se ka ra ipolèla dibe tsa rona rure ka boikokobecò yoa pelo le ka mèea o o phatlhogileñ, le ka go ila mekgwa ea rona e e mashwè, ga re e se re be re batlèle rure boichwarèlò yoa dibe mo Modimoñ; me ha e le go re, ga re e se re batle kagishò ea Modimo, yalo ga re e se re be re e bònè. Mokgwa o re sa boneñ boichwarèlò

yoa dibe tse di hetileñ ka òna, ke ka go bo re sa rate go isa dipelo tsa rona kwa tihatse; re gana go dira yaka Lehoko ya Boamarure le bolèla. Tlhaloshò e e utlwalañ sentlè e bolecwe kaga selò se. Boipolèlò yoa dibe, goñwe ha pele ga batho, kgotsa mo sephiriñ e chwanetse go cwa mo peduñ tòta, e ba bolèlwa gotlhe hèla. Ga ea chwanèla go dirwa ka tlhòkòmològò, leha e le ka go balabala hèla, yaka ekete motho o patikwa go bolèla, me a sa lemoga mokgwa o o ilègañ oa boleo. Boipolèlò yo e leñ yoa pelo e e thèlègèlañ ha pele ga Modimo, ke eòne e e eañ go hitlha mo kutlweloñ botlhoko yo bo sa kakeñ yoa bolèlwa yoa Ona. Mo Pesaleñ goa twe, “Yehofa o gauhi le ba ba dipelo di phatlhogileñ; o boloka ba ba mòea o o ñomogileñ.” Pesalema 34: 18.

Boipobolò yoa nnete ke yo bo utlwalañ sentlè, me bo ipolèla sebe señwe le señwe. Motlha moñwe e ka nna se se chwanetseñ go bèwa ha pele ga Modimo o le osi hèla; motlha moñwe e ka nna se re chwanetseñ go se ipolèlèla motho eo re mo utlwisitseñ botlhoko ka shòna; goñwe e ka nna se se chwanetseñ go ipolèlwa ha pele ga batho, me maipolèlò aatlhe a chwanetse go tòta boleo yo leñ yo re bo dirileñ, go shupa yòna.

[42]

E rile mo metlheñ ea ga Samuele, Baiseraela ba timèla, ba tlogela Modimo, me ba bo ba ya maduò a boleo yoa bònè ka ba latlhègèlwa ke tumèlò ea bònè mo Modimoñ; me ba bo ba sa lemoge thata ea òna, le botlhale yoa Ona yoa go busa morahe, me ba sa tlhole ba o ikanya, go re, o ka ba sirèletsa, leha e le go èmèla tirò ea òna. Ba hularèla Molaodi eo Mogolo oa lobopò; me ba eletsa go busiwa yaka dichaba tse ba neñ ba le ha gare ga còna. Me yana, ba senka kagishò, me ea re ba e se ba e bone, ba ipolèla ka go re, “Re okeditse dibe eotlhe tsa rona ka boshula yo, yoa go lòpa kgosi, gore re e nèwè.” 1 Samuele 12: 19. Shòna sebe se ba se lopileñ, ba ne ba chwanetse go se ipolèla. Botlhòka tebogò yoa bònè bo patikile mèdea ea bònè, me yoa ba kgaoganya le Modimo.

* * * * *

Leha go nntse yalo, boipolèlò hèla, ha bo sa patagane le boik-watlhao yoa mannete, le tllhabologò, ga bo ketla bo lebosèga mo Modimoñ. Mokgwa oa botshelò o chwanetse go hetogèla rure; dilò cotlhe tse di ilègañ mo Modimoñ di chwanetse go latlhwa. Me ha

khutsahalèlò boleo e le eòna rure, go tla nna hèla yalo. Tirò e re chwanetseñ go e dira re e bolelecwe ka thanolò, ga twe, “Tlhapañ, lo intlahatsè; tlosañ boshula yoa ditirò tsa ona ha pele matlhò a me; bakèlañ go dira boshula; ithuteñ go dira sentlè; batlañ katlhold; siamisetsañ bapatikwa; atlholèlañ masiela; sekèlañ mosadi eo motl-hòlagadi.” Isaia 1: 16, 17. “Ha moikepi a rebola peèlò, a bosa se o na a se tsere ka bogodu, a sepela mo ditaoñ tsa botshelò a sa dire boikèpò bopè; rure, o tla tshela, ga a ketla a shwa.” Esekiele 33: 15. Moapostoloi a re, Gonne bònañ sèlò seuò ka shosi, ke raea yaka lo hutsahadicwe kaha mokgweñ o o chwanetseñ poihòmodimo, ga cosa ikèlòtlhòkò e le kgolo yañ mo go lona, E, le go itlosa molato, E, le chakgalò, E, le poihò, E, le tlhologèlèlò, E, le tlhòahalò, E, le go ipusholosa! Lo ichupile gotlhe ha lo itshekile kaga selò se. — 2

[43] Bakor. 7: 11

Ea re ha boleo bo bolaile maikutlwò a a siameñ a pelo, modiha boleo oa ba a sa ipone ditlhaèlò tsa maitsèò a gagwè, a sa lemoge bogolo yoa bushula yo o bo dirileñ: me ha a sa inele mo go kaelweñ ke Mòea o o Boitshèpò, o setse a houhetse hèla, a sa bone boleo yoa gagwè. Maipolèlò a gagwè e be e se a mannete, a sa cwe mo tlhòahaloñ kaga diphoshò tsa gagwè. Ea re ha a ipolèla molato, o tla a oketse ka seipatò se o ratañ go ikgolola ka shòna, a re, Ha e ka bo e se sennanne le sennanne o ka bo a se ka a dira, se o omancweñ kaga shòna.

E rile Adame le Efe ba sena go ya setlhare se ba se iledicweñ, ba tloga ba tlala ditlhoñ le poihò. Ea re pele mogopolò oa bònè ea bo e le go senka seipatò sa boleo yoa bònè, gore ba bònè go ha lola mo tshekishoñ, gore ba se shwe. E rile Yehofa a ba botsa kaga boleo yoa bònè. Adame a araba, a baea molato ka ntlha nwe mo mosadiñ, le ka ntlha e ñwe mo Modimoñ. A re, “Mosadi eo u mo nneileñ gore ke nnè naè, ke ènè eo o nneileñ setlhare, me ka se ya.” Mosadi ènè a baea molato mo go eòna nòga, a re, “Nòga e mphorile me ka ya.” Gen. 3: 12, 13. Ekete a re, Wèna Modimo u nu u direlañ nòga? Ua e leseletsa ka ntlha eañ go tsèna mo Edena? Mòea oa boitshiamisho o sa le o cwa mo go Rra maaka, me oa tsèna mo go bomorwa le bomorwadia Adame botlhe hèla. Maipolèlò a a nntseñ yalo, ga se a motho o a gakololwañ ke Mòea oa Modimo, me ga a

[44] ketla a lebosèga ha pele ga Modimo.

Dikaò tsa boikwatlhao yo e leñ yòna rure, tse di mo Lehokuñ ya Modimo, di senola boikwatlhaò yo bo sa senkeñ go ipata gopè, leha e le go leka go itshiamisa. Boikwatlhao yoa nnete ke motho go rwala molato oa gagwè ka esi, le go bo ipolèla ka go tlhòka bohere,—here le boitimokaneyò. Hèla yaka mokgethisi, o tla ntsha seelè sa go re, “Modimo, nkutlwèla botlhoko, ke le moleohi,” me laha e le go choleletsa matlho legodimoñ a sa go dire. Me ba ba ipolèlañ Molato oa bònè yalo, ba tla siamisiwa; ka gone Yesu o tla rapèlèla mòea o o ikwatlhaeñ yalo, ka go umaka madi a gagwè, a o a cholotseñ gore boleo yoa batho bo tlosiwè.

Paulo ga a ka a senka go itòba. O bolèla boleo yoa gagwè ka go shupa bonehoncho yoa yòna, a sa leke go bo ñotlhatsa. A re, “Ka cwalèla baitshepi ba le bantsi mo kgolegoñ, ka ke ne ke amogetse taolò mo ditlhogoñ tsa baperisite, me e ne e re ba bolawa, ka dumalana nagò. Me ka ba betsa gantsiutsi mo senagogeñ señwe le señwe, ka ba patika gore ba tlhapatsè; me ka ke ne ke itirile setsenwa kaga bònè, ka ba bogisetsa le kwa metsiñ e sele. Ditirò 26: 10, 11. A bolèla ka thanolò, a re, “Keresete Yesu o tsile mo lehatshiñ go boloka baleohi ba ke leñ tlhògò mo go bònè.”

Pelo e e kokobetseñ e e phathogileñ, e hencwe ke boikwatlhao yoa mannete, e tla lemoga señwe sa loratò loa Modimo, le tlhwatlhwa e e ntshicweñ kwa Kalafare: me yaka Ñwana a tla a ipolèlèle rragwè eo o rategañ, moikwatlhai oa mannete o tla baea dibe tsa gagwè cotlhe hèla ha pele ga Modimo, me go kwadilwe lehoko ye, ga twe, “Ha re ipolèla dibe tsa rona, Ena o boikañò, o tshiamò, o tla ie ichwarèla dibe tsa rona, me o tla re ntlahatsa mo tshiamololoñ eotlhe hela.” 1 Yohane 1: 9.

[45]

Bibela ea reñ kaga motho eo o lekañ go bipa dibe tsa gagwè a sa di tlogele?

A go thata go amogèla choarò ea Modimo?

A Morena o re batla gore re dirè señwe se se tlhokohatsañ pele ga a ka re ichwarela?

O dira dilò dihe tse di boheho tse di batlegañ?

Ke eñ hèla se Modimo o re bolèlèlañ gore re se ipolèlé mo mothuñ?

Ke mañ hèla eo re chwanetseñ ra ipolèla dibe tsa rona mo go ènè? 1 Yohane 1: 9.

Morago ga re sena go ipolèla phòshò e re e dirileñ go eo moñwe, kego reñ re chwanetse ra batla maichwarelò a Modimo?

Ha re ipolèla dibe tsa rona go Modimo ke mañ eo o buèlèlañ kgetse ea rona ha pele ga Rara?

Popègo ea ntlha ea kamogèlo ke ehe?

Re itse yañ ha re batlile Modimo ka boamarure re batla boichwarelò?

Re ka bona yañ hèla kagisho ea Modimo?

Re chwanetse ra dumalana le eñ gore Modimo o re utlwè?

A ke leanò ya Modimo gore motho opè a patelediwe go ipolèla dibe tsa gagwè?

Maipolèlo a motho a chwanetse a nna yañ? Lefit. 5: 5.

A go na le dibe diñwe tse go chwanetseñ ga utlwa Modimo hèla re di ipolèla?

Ke go reñ Baiseraela ba na ba timèlèlwa ke Modimo?

Ha ba batla kgoši go ba laola a bana ba gannè Modimo yaka molaodi oa bònè?

Pele ga ba bona kagisho ba na ba chwanèlwa ke gore ba dirè maipolèlo a ntseñ yañ?

Maipolèlo a ka amogèlwa yañ hèla ke Modimo?

A Modimo o re rutilè sentlè gore re dirè eñ ha re tlhabolola matshelò a rona?

A go ikwatlhaea ga bomodimo ga sebe go ka tlhabolola motho?

Ke mañ o re gogèlañ gore re ipolèlè dibe tsa rona go Modimo?

[46] Ha re sa itatole dibe tsa rona me re na le seipato sa go di dira a selò seoò ke maikwatlhaò a 'nete?

Ha Adame le Efa ba sena go leoha ka go ya setlhare se ba na ba sa chwanèla go se ya selò sa ntlha se ba na ba gopola go se dira ha Modimo o botsa ke eñ?

Ba na ba simolola yañ go ipata?

A go nna le seipato ha u leohile go na le kamogèlo go Modimo?

A re ka tsietsa Modimo kaga mo re leohileñ ka gona?

A Modimo oa itse he re ikwatlhaea ga 'nete re rata go tlogèla dibe tsa rona?

Ke mañ hèla eo o ka re thusañ go di latlha?

Re na le bomañ yaka dichupò mo Bibileñ ba ba re shupetsañ boikwatlhaò yoa boamarure?

Ke mañ hèla eo o ka itseñ loratò loa Modimo le tlhwatlhwa ea thekololò ea rona?

Ha re ipolèla dibe tsa rona o re sholoheditse go re dirèlañ? [47]

[48]

5. BOINELO

Polèlò ea Modimo e e sholohetsañ ke e, “Lo tla mpatla, me lo tla mpòna, ha lo mpatla ka pelo eotlhe ea lona.” Yermia 29: 13.

Pelo eotlhe e chwanetse go nèlwa Modimo; ka gonne ha go sa nna yalo, ga go kake ga dirwa phetelò mo go rona, e re ka bosediswañ mo sechwanoñ sa òna ka eòna. Tlholegoñ ea rona, re eñahetse mo Modmioñ; re ba sele hèla mo go Ona yanoñ, Mòea o o Boitshèpò o kaea popègò ea rona ka go re, “Re shwetse mo ditloloñ le mo boleuñ. ” Baefesia 2: 1. “Tlhògò eotlhe e botlhoko, le pelo eotlhe ea idibala.” “Ga go na boitekanèlò bopè.” Isa. 1: 5, 6. “Re chwerwe ka seru sa ga Satane: re gapilwe ke èna, kaha go rateñ ga gagwè. ” 2 Timotheo 2: 26. Modimo o rata go re hodisa, le go re golola. Me ereka go lopiwa gore re hetogè gotlhe hèla, le gore re shahadiwè popegò ea rona eotlhe hèla, re chwanetse go inèla mo go Ona ka botlalò, gotlhe hèla.

Ntwa ea mo teñ ea go itwantsha le borona ke ntwà e e sitañ dintwa tse di kileñ tsa tlhabana cotlhe hèla. Boinèlò le boiteselecò mo go rateñ ga Modimo ke dilò tse di thata. Me leha go nntse yalo, pelo e chwanetse go ikisa tlhatse ha pele ga Modimo; me ha e sa dirè yalo pele, ga e kake ea shahadiwa mo boitshepoñ.

[49] Satane o tla a bue yaka ekete mmushò oa Modimo o thailwe mo boineloñ yoa bohohu, le mo taoloñ e e senañ tekanyò; me ga goa nna yalo. Ke mmushò o o lòpañ tlhaloganyò ea motho, e ba e lòpa tumalanò le segakolodi sa gagwè. “Ntloñ, a re ganetsanyeñ mmògò,” e le Mmopi a gakolola batho ba o ba bopileñ. Isa. 1: 18. Modimo ga o patike dibopiwa tsa Cna mo go direñ. Ga o kake oa amogèla kobamèlò ea bònè ha ba sa dire ka peleègò ea pelo, le ka tlhaloganyò. Go patikèla motho mo boinèloñ go no go tla kganèla bocwèlèlò pele mo tlhaloganyoñ, le mo maitseoñ; go no go tla ntsha motho selò hèla se se senañ maikutlwò hèla. Maikaèlèlò a Mmopi oa batho ga a nna yalo. Motho ke tirò ea diatla tsa Mmopi, e e gaisañ ditirò cotlhe tse diñwe tsa gagwè; me o eletsà gore a golèlè kwa boitekanèloñ yo bo tletseñ. Modimo O beile ha pele ga rona bogolo

yoa tshegohacò e o ratañ go re hitlhisa kwa go eòna ka thushò ea òna. O re lòpa gore re O ineè, gore o dirè go rata ga Ona mo go rona. Me yana se se setseñ, ke rona go itshenkèla, go re, a o ka re golola mo kgolegoñ ea bolelo, gore re abèlwè kgololesègò e e galalèlañ, e e leñ ea bomorwa Modimo?

Ha re inèla mo Modimoñ, le galè re chwanetse go kgaogana le dilò cotlhe tse di ka re kgaoganyañ le Ona ke gòna Mmoloki a re, “Leha e ka ne e le mañ mo go lona eo o sa tlogeleñ dilò cotlhe tse o nañ nacò, ga a kake a nna morutwa oa me.” Luke 14: 33. Leha e ka ne e le eñ se se gogelañ pelo koñ go e kgaoganya le Modimo, se chwanetse go latlhwa. Mamone ke Modimo oa sesètwa oa batho ba le bantsi. Go rata madi le go eletsa dikhumò, ke ketane e e ba golegetseñ mo go Satane. Mophatò o moñwe o obamèla go bolèlwa bontlè, le go tlotlwa ke batho. Go rata go iketla hèla le go tlohoka tirò, ke modimo oa sesetwa oa ba bañwe. Me dithapò tse, tse di re bohileñ di chwanetse go thubagañwa. Ga re kake ra nna ba Modimo ka mohamo o moñwe, le ba lehatshe ka o moñwe. Ga re bana ba Modimo, ha re sa nna yalo ka boyotlhe yoa rona, le ka botlalò. Go na le ba ba reñ ba dirèla Modimo, me ba ikanetse go utlwa molaò oa Ona ka ga bònè, e le gore go utlwa ga bònè go ba bopè sentlè mo maitseñ, le go ba chwarisetsa rure polokò. Dipelo tsa bònè ga di tshikiñwe ke maikutlwò apè a a boteñ a loratò loa ga Keresete; me ba batla go dira hèla dichwanèlò tse di lebaganyeñ le botshelò yoa se Keresete; ba re, ke shòna se Modimo o se batlañ mo go bòna, gore ba bònè go tsèna mo legodimoñ. Bokeresete yo bo nntseñ yalo ga bo na tirò. Ea re ha Keresete a agile mo peduñ, mòea, oa bo o tletse loratò loa gagwè, le boitumèlò yoa go kopandò, naè mo go kalokalo, o bo o tle o mo ñaparèla; me motho a itebadisiwe ke go leba èna. Loratò lo o ratañ Keresete ka lònna, e tla nna mocwedi o ditirò di cwañ mo go òna. Ba ba ikutlwañ go kgweediwa ka loratò loa Modimo, ga ba botse go re, ba ka ntsha bonnye bo le kae yo bo tla lekanañ go itumedisa Modimo: ga ba lope go lekanyediwa ka selekanyò se se potlanyana, me ba rata go itekanyetsa go rata ga Morekolodi oa bònè ka botlalò. Ba ntsha gotlhe hèla ka pelo e e eletsañ thata go dira sentlè; e bile tloahalò ea bònè e kgolo, e bile e kana ka bogolo yoa selò se ba se senkañ. Boipolèlò kaga Keresete, ha bo sena loratò lo lo boteñ lo, e be e le può hèla e le sechwanchò se se omeletseñ hèla, ke go imelesèga ka tirò e e sa thuseñ sepè.

[50]

A ua ikutlwa go re, ke tòpò e tona bobbe ha go twe, u ntshè gotlhe hèla, u go neèlè Keresete? U tlo u ipotsè pocò e, u re, “Ana Keresete o ntshitse eñ ka ntlha ea me?” aitse Morwa Modimo o ntshitse gotlhe hèla, botshelò, loratò le kutlwò botlhoko, ka go re rekolola. Me a go ka nna yana, rona ba re ne re sa chwanèlwa ke loratò lo lo kalo, a re tla gana ka dipelo tsa rona re sa di mo nee? Ka dipaka cotlhe [51] tsa botshelò yoa rona rea bo re nntse re abèlwa hèla matshegò a tshegohacò ea gagwè; me ke gòna ka mouò hèla re retelecwe ke go lemoga boteñ yoa botlhòka kicò le matlakadika a re ntshicweñ mo go aòna. A re ka leba ènè eo dibe tsa rona di mo tllhabileñ, re ba re itumèlèla go nyatsa loratò lotlhe le boinèlò yoa gagwè. Ha re leba boiñòtlò yo bo kalo yoa Morèna oa kgalalèlò, a re tla ñòñòrèga na re sa kake ra tsèna mo botsheloñ ha e se ka ntwà le ka boikokobeco?

Pocò ea batho ba le bantsi ba ba itilaganyañ, ke e, ke chwanetse go ikwatllhaea le go ikokobetsa ka ntlha eañ pele, ke e se ke itsetse rure ha Modimo o nchotse. Ke gu kaèla, kwa go Keresete. Ena O na a sena boleo, me bogolo go mo, ènè e ne e le Kgòsana ea legodimo; me a èma mo boemoñ yoa batho, a tsaea boleo yoa bònè. A balèlwa le batlodi, a belèga boleo yoa ba le bantsi, me a rapèlèla batlodi molao. Isaia 53: 12.

Me rea bo re ntsha eñ go di latlha leha re ntsha gotlhe hèla? Ke pelo e e leshwèhetseñ ka boleo, gore Yesu a e ntlahatsè, le gore a e tllhapisè ka madi a gagwè, me a e bolokè ka loratò loa gagwè lo lo senañ lopè lo lo chwanañ nalo. Leha go nntse yalo, batho ba tla ba gopolo, go re, go thata go ntsha gotlhe go kgaogana nago, ke mo go ntlhabisañ ditlhoñ go reetsa mahoko a a nntseñ yalo, le go a kwala.

Modimo ga o lope gore re ntshè sepè se se ka nnañ molemò mo go rona ha re ka nna ka shòna. Mo go cotlhe tse o di dirañ o lebile kaha go ka lemòhalèlañ bana ba Ona ka gòna. A bo bònè, ba ba e señ ba itshenkele Keresete ba ka bo ba lemoga ha se Keresete o reñ oa se ba naea, e le selò se se molemò o o heteletseñ, bogolo go se bònè ba reñ ba se ipatlèla. Motho o senya botshelò yoa gagwè, [52] o siamololèla mòea oa gagwè ha a tllhabana le go rata ga Modimo ka mogopolò le ka ditirò tsa gagwè. Ga go boitumèlò yoa nnete yo bo ka bònwañ mo tseleñ e e idiwañ ke Ona o o itseñ se se molemò bogolo, o ba o akanyetsa dibopiwa tsa Ona se se ka ba thusañ. Tsela ea boleo ke tsela ea bohutsana le tshenyègò.

Motho eo o gopolañ ha Modimo o itumèla ha o bònà bana ba òna ba utlwa botlhoko, o hositse. Legodimo yeotlhe lea ipela ha batho ba nna mo boitumeloñ. Rra oa rona oa legodimo ga a cwalele dibopiwa dipè tsa gagwè meyakò ea boitumèlò. Se o se lopañ ke gore re tshabè dikgatlhègò tse di tla re isañ mo botlhokuñ le kwa tlhaeloñ, eboñ tse di tla boñ di re cwalèla meyakò ea boitumèlò yoa nnete, le ea legodimo. Morekolodi oa lobopò o chola batho hèla yaka ba nntse, ka boiphotlhere yoa bònè, le ka ditlhaèlò, le ka makòda; me ga a ketla a ba tlhapisa mo boleuñ go le gosi, leha e le go ba naea thekololò ka madi a gagwè go le gosi, o tla thethebatsa dipelo tsa bònè botlhe ba dumalanañ naè go tsa ea yokwe oa gagwè, le go rwala morwalò oa gagwè. O ikaeletse go re, botlhe ba ba eañ kwa go ènè go mo kopa senkgwa sa botshelò a ba nèè kagishò le boikhucò. O rata gore re dirè dichwanèlò hèla tse di tla re tthatlosetsañ kwa maitumeloñ a a kwa godimo, a a sa kakeñ a chwarwa ke ba ba ganañ go utlwa. Botshelò yoa mòea yo e leñ yoa nnete le yoa boitumèlò, ke go nna le Keresete mo peduñ, e le èna choloheco ea kgalalèlò.

Batho bantsi ba botsa, ba re, “Nka inèla yañ mo Modimoñ”? Wèna u eletsa go inèla mo go Ona; me u bokòda mo bothuñ yoa pelo, u motlhanka oa dipelaèlò, u laolwa ke mekgwa e e gu lemileñ. Ditumalanò tsa gago, le maikaelèlò, di chwana yaka megala ea moshawa hèla. U palèlwa ke go laola megopolò ea gago, le dikeleco tsa gago, le dithatò tsa gago. Kicò ea go ikitse ha u tlodile maikaèlèlò a gago le ditumalanò, e kodahaditse boikaño yoa gago yo u emeñ mo go yòna; me yana ua ikutlwa, go re, Modimo ga o kake oa gu amogèla; me ga ua chwanèla go tlhoboga. Selò se u se tlhòkañ go se tlhaloganya ke nonohò e e mo teñ ga go rata ga gago. Dilò cotlhe tse di laolañ motho di ème mo go rateñ ga gagwè ha go lebile kwa tshiamoñ. Modimo o neele batho thata ea go itshenkèla kaha ba tla dirañ ka gòna; ke ga bònè go dire yaka ba bònà. Ga u kake ua hetola pelo ea gago; ka wesi ga u kake ua naea Modimo loratò loa gago; me u ka itshenkèla go dirèla Ona. Pelo ea gago, u ka e naea èna; me hoo O tla dira mo go wèna, gore u rate, u bo u dirè kaha u ka kgatlhañ Ona ka gòna. Me yalo botho yotlhe yoa gago bo tla bèwa mo taoloñ ea Mòea oa ga Keresete; loratò loa gago lo tla tlhòmama mo go èna, le megopolò ea gago e tla nna kutlwanoñ le ea gagwè.

Dikeleco tse di eletsañ molemò le boitshèpò di siame hèla; me ha u khutla gòno, ga di nka di thusa sepè. Batho bantsi ba latlhèga

ba nntse ba sholohèla ba eletsa go nna BaKeresete. Me ga ba atamele Modimo go inèla mo go òna. Yanoñ ga ba itshenkele go nna BaKeresete.

Wèna motho ha u laolèla thato ea gago kwa tshiamoñ, botshelò yoa gago bo ka hetogèla rure. Ha u ilèla mo go Keresete, u tla bo u ikopantse le Thata e e godimo ga dithata cotlhe le dinonohò. U tla nèwa thata e e cwañ kwa godimo, e e tla gu tshegetsañ. Me yana ka boinèlò yo, yoa ka metlha eotlhe, u tla thatahadiwa go tshela botshelò yo bosha, eboñ botshelò yoa tumèlò.

Choloheco ea Modimo go ba ba mmatlañ ka tlwahalo ke eñ?

Phetolo e ka dirwa yañ hèla?

Tsalano ea rona le Modimo ka tlhologò ke eñ?

Mòwa o o Boitshepò o bua yañ kaga maemò a rona?

[54] Pele ga Modimo o re golola re chwanetse ra dira eñ?

Ntwa e kgolo go hetisa dintwa cotlhe ke ehe?

Satane o dira gore taolo ea Modimo e bonale yañ?

Taolo ea Modimo e biletsa go eñ?

Taleco ke eñ?

A O pateletsa dibopiwa tsa gagwè gore di mo ratè?

Go ineèla mo go pateledicweñ gono go tla dirañ?

Ke go reñ a rata gore re mo dirèlè?

A tirèlo ea Modimo ke go itlhaolela ka kgololèsègo?

Ke eñ se re chwanetseñ go se dira gore re tle re ineèlè Modimo?

Modimo oa bañwe ke eñ? Loratò loa Madi.

Medimo ea ba banwe gapè ke eñ?

Ha re ikhwakhwaèla ka Modimo oa sesèto go re dira eñ?

A bontlhañwè yoa rona bo ka nna yoa Morena me bontlhañwè ea nna yoa lehatshe?

Tumèlo e e ntseñ yalo e thusa eñ?

Re gakologèlwa boikgancho ka mo go kae ha re lètlèlèla Keresete go nna a le nosi mo peduñ tsa rona?

Ba ba nañ le Keresete mo peduñ tsa bona ba tla leka gore matshelo a bònè a dumalane le eñ?

Chupo ea boipobolò yo bo lolea ke eñ?

A ke go latlhegèlwa mo gogolo thata go tlogèla gotlhe o ge tlogèlèla Keresete?

Ha go le yalo, ipotse poco e, Keresete o na a tlogèla eñ a se ntlogèlèla?

A re ka mo leba ènè eo dibe tsa rona di mo tllhabileñ ra kabakanya loratò le setllhabèlo sa gagwè?

Keresete ènè ele mañ pele ga a tla go re rekolola?

O na a cwa eñ go boloka losika loa borukutlhi?

Re tlogèlañ ha re tholèla gotlhe?

A Modimo o re kopa gore re tlogèlè señwe se se leñ molemò mo go rona?

Ha re gopola ebile re dira kgatlhanoñ le thatò ea Modimo re dirañ go meoea ea rona?

Tsela ea tshiamololo e chwana le eñ?

A Modimo o rata go bana ba òne ba boga?

E bo mañ botlhe ba ba kgatlhègañ go re bona re itumèla?

Morekolodi oa rona o re amogela kae?

Ba ba itlhaolèlañ go mo dirèla a sholoheditse go ba naea eñ? [55]

Ke eii se Mokeresete oa 'nete o se batlan bogolo go sefiwe 'le sen we?

Oa bo tsa, Ke chwanetse go ineèla yan go Modimo? Ha re iteka ka borosi re hitlhòla re ttnaèla.

Maikaòlèlo a rona a re diròlan?

Re chwanetse ra tlhaloganya en?

Ke en se re chwanetsen ra se tlhaloganya?

Ga re kake ra hetola dipelo tsa rona me re ka itlhaolèia go dira efi?

Re leriwe ha tlase ga taolo ea ga man ha re itlhaolèla go Mo dirèla?

Ba bantsi ba tla tlhagèlwa ke eii ha ba santse ba sholohetse ebile ba eletsa go nna Bakeresete?

Re chwanetse ra dirafi kwa ntlê ga go sholohèla go nna Bakere-sete?

Phetolô e e tletsen e ka dirwa yan mo botshelofi yoa gago?

Ke en se tla go nonotshan go tshegetsa phetold e le go tshela botshelò yo bo neha? [56]

[57]

6. TUMELO LE KAMOGELO

Ereka segakolodi sa gago yanoñ se cosicwe ke Mòea o o Boitshepò, ke go re, u setse u bonye bobbe yoa bolelo, le thata ea yòna, le tatlhègò e e tlañ ka yòna, me yana u bo tlhoile. Ua ikutlwa ha bolelo bo gu kgaogantse le Modimo, me u bile u golegilwe ke thata ea boshula. U re u lwèla go halola u bònà bogolo ha u sa kake oa ithusa sepè. Megopolò ea gago ga ea siama pelo ea gago e leshwèhetse. Ua bònà ha botshelò yoa gago bo nntse bo tletse boithatò le bolelo hèla. U eletsà thata go ichwarèlwa, le go gololwa. Go le tumalanò le Modimo, le go nna yaka Ona u ka dira eñ gore u bònè dilò tse?

Se u se tlhòkañ ke kagishò,—eboñ boichwarèlò yoa Legodimo, le kagishò le loratò mo mòeñ oa gago. Ga go kake ga rèkwa ka madi, ga go kake ga bònwa ka go ithuta, leha e le ka botlhale boñwe hèla, yo u ka bo bònàñ. Ga u kake ua sholohèla gopè ha u ka go chwara ka go leka ka tirò ñwe ea gago. Me Modimo o rata go gu naea dilò tse, e le mpho hèla, kwa ntlè ga madi, le kwa ntlè ga tlhwatlhwa. Isaia 55: 1. Ke tsa gago hèla, ha u ntsha Seatla, hèla ua di atlarèla. Morèna a re “Leha dibe tsa gago di hubitse bohibidu yo bo letlòlòlò, di tla nna boshweu yaka kapòkò; leha di le bohibidu yo bo mokgona di tla nna yaka boboea yoa nku.” Isa. 1: 18. “Le gòna ke tla lo naea pelo e ncha; ke tla tsenya mòea o moshà mo teñ ga lona.” Esekiele 36: 26.

[58] Yana u ipoletse dibe tsa gago, me ka pelo u di beetse kwa kgakala. U ikaeletse go inèla mo Modimoñ. Me yanon, ea kwa go Ona u lòpè gore o tlhacwetse dibe tsa1 gago koS, me o gu nèè pelo e ncha. Me hoo, u dumèlè ha o dira yalo, ka go bo Ona o go sholoheditse ha o tla dira valo. E rile Yesu a le mo lehatshin, a ruta batlio- ka thntò e, a re. Neò e Modimo o re sholoheditsen ha o tla e re naea. re chwanetse go dumèla lia re e amogèla, me ke ea rona. Yesu o na a tla a liodi.se batlio matlhoko a bònè ha ba dumèla mo nonohon ea gagwè ea go dira yalo. A ba thusa mo dilon tse ba di bònàn ka matlhò, me yalo a tlhotlheletsa boikanyò yoa bònè mo go ènè kaga dilò tse ba ne ba sa kake ba di bònà; a ba ruta go ikanya nonoho

ea gagwè ea go ichwarèla dibe tsa bònè. E rile a hodisa monna eo o bobolan botlhoko yoa tètèsèlò, a bua ka thanolò, a re, “Me gore lo itse ha Morwa Motho a 11a le thata mo lehatshin go ichwarèla dibe—hon a raea eo o tètèsèlan, a re, “Coga, u tseè bolaò yoa gago, me e eè kwa tlnn ea gago.” Mat. 9: 6. Yohane oa Moefangeliste, le èna, ha a bolèla kaga ditirò tsa nonohò tsa ga Yesu, a re, ” Dilò tse di kwadilwe gore lo dumèlè ha Yesu e le Keresete. Morwa Modimo, le gore lo bònè botshelò mo inen ya gagwè ka go dumèla.” Yohane 20: 31.

Ha re bala mo Beibelen kaha Yesu o na a hodisa babobodi ka gòna, re ka ithuta senwe sa kalia re kai dumèlan mo go èna ka gòna go bònà boichwarèlò yoa dibe. A re lebè polèlò kaga monna eo o na a omeletse ditokolò kwa Betheseda. O na a retelecwe rure, o sa le a koama ka dinyaga di le mashomè mararo le mocò oa bohèra mebedi. Leha go nntse yalo Yesu a mo laola a re, “Nanoga, u tseè bolaò yoa gago, me u tsamaeè.” Monna eo o botlhoko motlha monwe o na a ka re, “Morèna, ha u mphodisa pele ke tla dira yaka u bua.” Me, nya, dumèla lehoko ya ga Keresete, a dumèla hèla ha a hodisicwe, me a tloga a leka; a itaola gore a tsamaeè, me a tsamaea. A dira ka lehoko ya ga Keresete, me Modimo oa mo naea thata, me a hòlèla rure.

[59]

Hèla yalo, wèna u moleohi. Ga u kake ua lehèla dibe tsa gago tsa metlha e e hetileñ; ga u kake ua hetola pelo ea gago, leha e le go itira boitshèpò. Me Modimo o gu sholoheditse ka lehoko ya òna ha o tla gu dirèla cotlhe tse ka Yesu Keresete. U dumèla lehoko ye. U ipolèla dibe tsa gago; u inèla mo Modimoñ. U itaola gore u tla o dirèla. Rure hèla yaka u dira yalo, Modimo o tla dirahatsa lehoko ye o le buileñ le wèna. Ha wèna u dumèla lehoko ya cholohecò,—ke go re, u dumèla rure ha u ichwarecwe, u bile u ntlahadicwe. Modimo le òna oa dira, u hodisicwe, hèla yaka Keresete a neile moomeledi thata ea go tsamaea ka dianò, ka a dumèla ha a hodisicwe. Go nntse hèla yalo, ha u go dumèla.

U se ka ua leta go ikutlwa pele ha u hodisicwe, me u re, “Ke dumetse, eseñ ka go re ke ikutlwa go hòla, me ke ka go bo Modimo o boletse.”

Yesu a re, “Señwe le seña se lo se eletsañ, ha lo rapèla, lo dumèlè ha lo di amogetse, me lo tla di bònà.” Mareko 11: 24. Me leñwe ke le, ke ha re rapèla kaha go rateñ ga Modimo. Me ke go rata ga Modimo go re tlhapisa boleo, go bo tlosa mo go rona; le go

re bopa bana ba Ona; le go re thusa, gore re tshelè botshelò yo bo boitshèpò. Me yalo re ka lòpa matshego a, re ba re dumèla ha re a amogetse me re leboge Modimo ka re a chotse. Ke lesegò mo go rona go ea go Yesu le go tlhapiswa, le go èma ha pele ga molaò re sena ditlhoñ, leha e le boitshekishò. “Ke gòna yanoñ go senañ tshekishò epè mo go bònè ba ba mo go Keresete Yesu, ba ba sa [60] tsamaeeñ kaha nameñ, me kaha moeeñ.” Barom 8: 1.

Yanoñ, go tloga ha, ga lo tlhole lo le ba Iona; lo rekilwe ta tlhwatlhwa. “Ga loa rekololwa ka dilò tse di bòlañ, yaka selefara le gouda, ha e se ka madi a a tlhokègañ ekete a kwanyana e e senan bogòle, leha e le selabe, eboñ a ga Keresete”. 1 Petere 1: 18, 19. Me yana ka tirò e hèla, ea go dumèla Modimo. Mòea o o Boitshèpò o simolotse botshelò yo bosha mo pedun ea gago. Yana u nwana eo o tsalecwen mo losiken loa bana ba Modimo, me oa gu rata yaka o rata Morwa Ona.

Ereka yana u inetse mo go Yesu u se ka ua ikgogona, u se ka ua itlosa mo go ènè, me ka metlha eotlhe u re, “Ke oa ga Keresete; ke mo ikabetse ineile”, me u mo lòpè Mòea oa gagwè, le gore a gu bolokè ka tshegohacò ea gagwè. Me hèla yaka u nntse ñwana oa Ona, ka go inèla mo go Ona, le ka go dumèla mo go Ona, yalo u na le go tsiela mo go Ona. Moapostoloi a re, “Yaka lo amogetse Keresete Yesu, Morèna, lo tsamaeè mo go èna hèla yalo”. Bakolosa 2: 6.

Bañwe ba ikutlwa ha ekete ba chwanetse go nna mo tekoñ pele, gore ba shupetsè Morèna ha ba hetogile, ba e se ba lòpe go nèwa tshegohacò ea gagwè. Nya, ba ka lòpa go nèwa tshegohacò ea Modimo le yana hèla yana. Ba chwanetse go nna le tshegohacò ea ga Keresete, eboñ Moèa oa gagwè, gore o ba thusè mo bokoen yoa bònè, ka go bo ha o sa ba thuse, ga ba kake ba ganèla le boshula. Yesu o rata thata gore re eè kwa go ènè hèla yaka re nntse, re le boleo, re sena boithushò, re tlhòka eo o re mo ikaègañ. Re ka tla hèla ka bokòda yotlhe yoa rona, ka bosilo yoa rona, ka boleo yoa rona, me re wèle ka boikwtlhaò ha dinauñ tsa gagwè. Ke boitumèlò mo go èna go re tsaea ka mabògò a gagwè a loratò, le go boha dинthò tsa [61] rona, le go re tlhapisa boleo le go re ntlahaletsa rure mo go yòna.

Ke gòna ha batho ba le bantsintsi ba tlhaèlañ gòna, ga ba dumele ha Yesu a tla ba ichwarèla bobònè ka bosì. Ga ba dumele lehoko ye Modimo o le builen. Ke lesegò ya bollie ba ba dirañ yaka go

laocwe, go itse ha boicbwarèlò bo bònwa hèla kaga sebe señwe le señwe. Latlha pelaèlò e e reñ, a yana a mahoko a Modimo a a sholohetsañ, a a raea wèna? Aitse a raea motlodi moñwe le moñwe eo o ikwatlhaeañ. Thata e baakancwe le tshegohacò ka Keresete, gore di leredicwe Moèa moñwe le moñwe o o dumèlañ, di leriwe ke baengela ba ba dirèlañ batbo. Ga go bapè ba ba bolelo yo ba kana kana ba ba sa kakeñ ba bònna nonohò, le bontlhalò, le tshiamò mo go Yesu eo o ba shwetseñ. O ba lebeletse gore ba tlè, me a ba apolè diaparò tsa bònè tse di leshwèhadicweñ ke bolelo, me a ba apese diaparò tse di cbweu tsa tshiamò; o ba raea, a re, ba tshelè, ba se ka ba shwa.

Modimo ga o direle batho yaka batho ba dirèlana. Megopolò ea Ona ke a mautlwèlò botlhoko, le loratò, le mabelonomi a manana. Oa re, “A moikepi a tlogèlè tsela ea gagwè, le eo o sa siamañ megopolò ea gagwè, me a a boèlè mo go Yehofa, me o tla mo utlwèla botlhoko; le mo Modimoñ oa rona, ka o tla mo ichwarèla ka botlalò Isa. 55: 7. Gapè, Ke kaolotse ditlolò tsa gago yaka leru ye le kwenneñ, le dibe tsa gago yaka leru”. Isaia 44: 22.

Ga ke na kgatlhègò epè mo loshuñ loa eo o shwañ, go bua Morèna Modimo; me ke gòna ichokololeñ, lo tshelè”. Esekiele 18: 32. Satane o ikeetleditse go re ucwèla dipolèlò tse di tlhomameñ tsa Modimo. O eletsa go re tlosefsa cholohèlò ea bohèlò le lesedinyana yeotlhe mo meoeñ ea rona; me ga rea chwanèla go mo leseletsa go dira yalo. U se ka ua mo tlhwaèla tsèbè; me u re, “Yesu o shule gore ke tshelè. Oa nthata, me ga a laole gore ke nyelèlè. Ke 11a le Rrè kwa legodimoñ eo o kutlwèlò botl- hoko; me leba ke shotlile ka loratò loa gagwè, me ke gasagasitse matshegò a o a nneileñ. Ke tla nanoga, ke ea kwa go Rrè, ke re. Era ke leohetse legodimo, le ha pele ga gago; me ga ke tlhole ke chwanèla go bidiwa morwao; ntira hèla yaka moñwe oa batlhanka ba gago ba ba thapilweñ ka tuèlò. “Sechwanchò seuò se bolèla kaha motimedi o tla cholwañ ka gòna. E rile a sa nntse a le kgakala, rragwè a mmòna, a mo utlwèla botlhoko, a taboga, a wèla mo thumuñ ea gagwè, a mo atla: Luke 15 : 18-20.

[62]

Me leha go nntse yalo, sechwanchò se, leha se le monate yana, se tlhaèla go bolèla ka botlalò kutlwèlò—botlhoko e e nana ea Rra oa rona oa Legodimo. Morèna o bolèla ka moperofeti oa gagwè, a re, “Ke gu ratile ka loratò lo lo sa khutleñ, ke gòna ka mo ke gu

gogileñ ka bopelonomi yoa loratò ”. Yerimia 31 : 3. Ea re moleohi a sa nntse a le kgakala le ntlo ea Rara, me a senya botshelò yoa gagwè mo lehatshiñ ya seeñ, pelo ea Rara e mo tlhologelecwe hèla thata; me kelecò ñwe le ñwe e e cosywañ mo peduñ ea gagwè ea go boèla kwa Modimoñ, ke Mòea oa Ona o o mo rapèlañ, o bo o gogèla motimedi kwa peduñ ea ga Rragwè, e e tletseñ loratò.

[63] Me yana, ka malioko a a mo Bibeñ a a sholohetsañ a a nntseñ yana a le ha pele ga gago, a u ka nna mo pelaeloñ? A u ka dumèla go re ha modiha dibe a rata go boea, a elelsa go tlogèla dibe tsa gagwè, ka re, a u dumèla go re, Morèna o ka mo kganèla gore a se tle ha dinaoñ tsa gagwè ka boikwatlhaò. Ao! a go latlhwè megopolo e e nntseñ yalo. Go kama kama dipelaèlò tse di nntsen yalo ke mo go ka senyañ mòea oa gago bogolo go dilò cotlhe hèla, ke raea go kaea Rra rona oa legodimo yalo. Ena o ila boleo, me o rata moleohi, me o na a ntsha Keresete, eo e leñ èna, gore botlhe ba ba ratañ ba bolokwè, le gore ba bònè tshogohaco le botshelò yo bo senañ bokhutlò mo bogosiñ yoa kgalalèlò. O na a ka bua mahoko ahe a a gaisañ aòna auò, a o boletseñ loratò lo o re ratañ ka lònna ka aòna? O boletse, a re, “A mosadi o ka lebala ñwanyana oa gagwè eo o anyañ, gore a se utlwele ñwana oa sebopelò sa gagwè botlhoko? E, bònè, ba ka lebala; me nna ga nketla ke lebala wèna”. Isaia 49: 15.

Lelalañ, lona ba lo belaèlañ, ba lo roromañ; ka gonne Yesu o tshedile, o re dirèla merapèlò le mekokotlèlò mo legodimoñ. Lebogèlañ Modimo neò ea Morwa Ona eo o ratègañ, me u rapèlè gore losbo loa gagwè ka ntlha ea gago e se ka ea nna lehèla. Mòea oa gu bitsa gompinyeno. Tla ka pelo eotlhe ea gago mo go Yesu me tshogohacò ea gagwè e tla nna ea gago.

Ea u bale mahoko a ti sliolohetsañ, u bo u itse ha a bolèla loratò lo logolo le bopelotlhomogi yo bo senañ kakanyò. Pelo e kgolo ea “Loratò lo lo sitañ mogopolò” e gogògèla kwa go modiha dibe ka kutlwèlò botlhoko yo bo senañ bolekanyecò, Re na le thekololò ka madi a gagwè. Eboñ boichwarèlò yoa dibe”. Baefesia 1:7. E, dumèla hèla ha Modimo e le Mothusi oa gago. O rata go bopa sechwanò sa ona mo mothuñ. Hèla yaka u atamèla kwa go Ona ka boipolèlò le ka boikwatlhaò, Ona o tla atamèla kwa go wèna ka kutlwèlò botlhoko, le ka boichwarèlò.

Ke eñ hèla se se re kgaoganyañ le Modimo?

Ha re kabò re ipona yaka Modimo o re bònà re kabo re bònà eñ mo dipeduñ tsa rona?

Moñwe le moñwe eo o neetsiñ botslielò yoa gagwè go Modimo o eletsa eñ?

Ke amogèla yañ kagisho e?

Morèna a reñ kaga dibe tsa rona?

Ke eñ gapè se o re sholohetsañ go se re naea?

A Modimo o ka re ichwarèla dibe tsa rona a re ha pelo e ncha pele ga re ipolèla dibe tsa rona?

[64]

Ha re amogèla dilò tse Modimo o re di sholohetsañ re chwanetse ra dira eñ?

Ha Yesu a bua le baloetse ba na ba ka ba dire eñ ka nako èuò?

Yaka bana ba chwanetse go dira taolo ea gagwè a le rona re chwanetse go dira yaka bònè gore re tle re amogèle dilò tsa gagwè tse di molemò?

A re ka hetola dibe tsa rona?

Me Modimo o re sholohetsa go re direle yalo?

Ha re batla gore choloheco euò e tladiwe mo go rona re chwanetse ra dira eñ?

Yesu o alalia botlhoko yoa mdeà hèla yaka ana a alaha matlhoko a mmele?

A re chwanetse ra leta go bònà choloheco e diragala pele ga re dumèla?

Yesu o re sholohetsañ ha re rapèla?

Ke eñ se re se itseñ ele thatò ea Modimo kaga rona?

A o re batla gore re kope matshego a?

Moñwe eo o tlhapisicweñ ka madi a ga Keresete o tla tsamaea yañ?

Re batho ba ga mañ?

Tlhwatlhwa e re e duelecweñ ke eñ?

Ha re dumèla selò se me matshelò a shupa gore re a se dumèla Yehofa o re rata yañ?

U chwanetse go kopa Yesu gore a go dirèlè eñ ka malatsi otlhe gore o tshela yaka ènè?

Re chwanetse ra na le eñ se se re thusañ go lwa le boleo?

A Yesu o tla re ainogèla hèla yaka re ntse?

A Yesu o ichwarèla sebe señwe le señwe sa motho moñwe le moñwe ha re mo kopa?

Ha u sholohetsa motho go mo dirèla selò señwe me a sa go dumele o go dira yaka u moaki me go ntse hèla yalo ha re sa dumele gore Yesu o ka re ichwarèla dibe tsa rona?

A go na le, monwe eo o leohileñ yana gore Yesu a palèlwè ke go mo ichwarèla?

A Yesu o re chwara ka mokgwa o rona re chwarañ ka òne?

[65] Megopolo ea gagwè kaga rona ke eñ?

Ha moñwe a gannè Yesu a mo itatola a Yesu O rata go mmona a shwa ka bosakhutleñ?

A Satane o rata go re gopodisa gore Yesu ga a kgathale?

Ha re tsamaea mo ditseleñ tsa sebe Yehofa o utlwala yañ kaga rona?

Ka dicholoheco cotlhe tsa Bibehe a u ka dumèla gore Yesu ga a kitla a go amogèla ha u tla?

Modimo o chwantsa kèlòtlhokò ea gagwè go rona le eñ?

Yesu o re direlañ ko legodimoñ?

Re chwanetse ra lebogèlañ Yehofa?

Modimo a rata go busetsa eñ mo go rona?

[66] Se o ka se dira Yañ hèla?

7. TEKOA EA BORUTWA

“Ha motho a le mo go Keresete oa ba a le sebopiwa se sesha; dilò tsa bogologolo di hetile, bònàñ, di nntse dincha”. 2 Bakor. 5: 17.

Motlha moñwe motho oa ba a sa kake a bolèla nakò tòta, leha e le golò kwa o simolotseñ go tlabologa gòna, leha e le motlhala o o tsileñ ka òna; me mo ga se go re, ga a tlabologa rure. Keresete o reile Nikodimo, a re, “Phehò e hokèla kwa e go ratañ, me u utlwa go shuma ga eòna, me ga u itse kwa e cwañ le kwa e eañ gòna; moñwe le moñwe eo o tsecweñ ke Mòea o nntse hèla yalo”. Yohane 3: 8. Go nntse lièla yaka phehò, e e sa bonweñ; me leha go nntse yalo re e utlwa sentlè, re bònà ditirò tsa eòna. Mòea oa Modimo o nntse hèla yalo mo go direñ ga Ona mo peduñ ea motho. Thata e e shahatsañ e go senañ leitlhò lepè ya motho ye le kileñ ya e bona, e tie e tsale botshelò yo bosha mo moeñ oa motho, e bope setshedi se sesha mo sechwanoñ sa Modimo.

Tirò ea Mòea e tuulala hèla, ga e na mokgwasa, me louñò loa eòna lo tlo lo bònale hèla. Ea re ha pelo e shahadicwe ke Mòea oa Modimo, botshelò yoa motho eo bo tla shupa ha e nntse yalo. Leha re sa kake ra dira sepè go hetola dipelo tsa rona, leha e le go ikopanya le Modimo mo chwanoñ ea òna; le gòna, ka re sa kake ra ikanya sepè sa rona, leha e le ditirò tse di molemò tsa rona, botshelò yoa rona bo tla shupa ha tshegohaeo ea Modimo e nntse mo go rona. Phetogò e tla bònala ka maitsèò, le ka mekgwa, le ka ditirò. Chwanologò mo maitseoñ a yana le a galè a pele, e tla ichupa sentlè hèla mo go senañ kabakanyò. Maitsèò a senòlwa, eseñ ka ditirò tse di molemò go haapana le tse di boshula, me e be e le ka tema èlò ea può le ea ditirò ka metlha eotlhe ea go re, di lemaletse kwa tshiamoñ.

[67]

Le galè go ka nna maitsèò a a kwa ntlè hèla a a lebegeñ, me a senañ thata ea ga Keresete e e shahatsañ motho mo teñ. Go rata bogolwane, le go rata go tlotliwa ke ba bañwe, go ka kgona motho go itshiamisa le go ithulaganya sentlè. Boitlotlò bo ka re tidisa dilò

tse di nañ le chwanò ea boshula. Pelo e e bohula e ka thusa bañwe motlha moñwe. Me hoñ re tla itse ka eñ ha re emeñ gòna, le go re, re ntlheñ ea ga mañ?

Eo o nañ le pelo ea rona ke mañ? Kea botsa, megopolo ea rona e kwa go mañ? Re rata go bua kaga mañ? Loratò loa rona lo lo tukañ lo kwa go mañ? Re rata go direla mañ bogolo? Re ka ipotsisa dilò tse. Ha re le ba ga Keresete megopolò ea rona e kwa go ènè, le megopolò ea rona e e monatenate ke kaga gagwè. Gotlhe mo re gòna, le mo re nañ nagò ke ga gagwè, ka re go mo chwaetse. Re tlhologolecwe go nna mo chwanòñ ea gagwè, le go hema ka Mòea-oa gagwè, le go dira go rata ga gagwè, le go kgatlha èna mo dilòñ cotlhe hèla.

[68] Ba ba dihègañ dibopiwa tse dincha mo go Keresete ba tla uñwa louñò loa Mòea,—eboñ loratò le boitumèlò, le kagishò, le pelotelele, le bonòlò, le molemò, le tumèlò, le boiñotlò, le boikgapò. Ga ba ketla ba tlhòla ba ipopa kaha dithatoñ tsa galè; me ba tla tsamaea ka tumèlò ea Morwa Modimo, ba le mo dikgatoñ tsa gagwè, ba tla etsa maitsèdò a gagwe; me ba tla itshepisa, gore ba nnè boitshepo hela yaka ene a le boitshèpò. Dilò tse ba di idileñ pele yanoñ baa di rata; me tse ba di ratileñ galè ba di ila yanoñ. Bapelompe ba galè le baikgodisi ba nnè baikgòbalatsi le baiñòtleè mo peduñ yanoñ. Baithati le banyatse ba ba bañwe ba nne masisi, ba ipee kwa moragò. Matagwa a nne baitikanedi, le ba rati ba dinyatsi le diaka ba itshepise. Mekgwa ea lehatshe le dipopèga tsa yeòna di beilwe kwa kgakala. BaKeresete ga ba ketla ba senka go ikgabisa kaha ntlè, me ba tla kgabisa motho oa kwa teñ, mo peduñ, ka se se sa boleñ, eboñ ka mokgabò oa mòea oa boikokobeco le tidimalò”. 1 Petere 3: 3, 4.

Ga go na chupò epè ea boikwatlhaò yoa nnete, ha bo sa hetole motho. Ha a rebola peèlèlò, a busa se o se ucwileñ, a ipolèla dibe tsa gagwè, a rata Modimo, le bañwe ka ènè, moleohi o ka itlhòmamisetsa ha a dule loshuñ, me a ile botsheloñ.

Ea re ha re tla mo go Keresete yaka batimedi le baleohi, me re abèlwa tshegohacò ea gagwè e e ichwarèlañ, yanoñ loratò lo tlhagahala mo peduñ. Morwalò moñwe le moñwe o nne motlhohu; ka gone yokwe eo Keresete o mo baeañ mo go rona o boheho. Dichwanèlò di re yesa monate, le go kgaogana le dilò tse di kgoreletsañ ke kgatlhègò. Tsela e e rileñ pele ea bo e le mo lehihiñ, yanoñ e sedihalèlwa ke marañ a a cwañ Letsatsiñ ya Tshiamò.

Bontlè yoa botshelò yoa ga Keresete bo tla bònwa ke balatedi ba gagwè. E ne e le kगतlhègò ea gagwè go dira go rata ga Modimo. Loratò loa go rata Modimo, le tlhòahalèlò ea kgalalecò ea Ona e ne e le thata e e laolañ botshelò yoa Mmoloki oa rona. Loratò lo ntlahaditse, loa tlotlohatsa ditirò cotlhe tsa gagwè. Loratò ke loa Modimo. Pelo e e sa nèwañ Modimo ga e kake ea nna nalo. Lo hitlhèlwa hèla mo peduñ e Yesu o busañ mo go eòna. Rona rea rata ka a re ratile pele. 1 Yohane 4: 19. Ea re mo peduñ e e shahadicweñ ka tshegohacò ea Se- Modimo, loratò ke lònna lo lo laolañ me go eòna. Lo bope maitsèò, lo laole maikaèlèlò, le dithatò, lo henye bobaba, lo bèè tlotlò mo maikutloñ. Loratò lo, ha lo otlwa mo moeñ, lo tsenye botshe mo botsheloñ, me monate oa lònna o utlwale mo ntlheñ cotlhe hèla.

[69]

Go na le ditimèlò di le pedi tse Bana ba Modimo ba chwanetseñ go itisa kaga còna; me bogolo ba e leñ ba basha mo go ikanyeñ tshegohacoñ ea Ona. Ea ntlha ke e e setseñ e bolecwe, ea go re, motho a lebè ditirò tsa gagwè, le go ikanya señwe se o ka se dirañ ka esi go letlanya le Modimo ka shòna. Eo o lekañ go itshepisa ka ditirò tsa gagwè, ka go boloka molaò, o leka go dira selò se o sa kakeñ a se henya gopè. Cotlhe tse motho o ka di dirañ kwa ntlè ga Keresete di mamarecwe ke boithatò le boleo. Ke tshegohacò ea ga Keresete e le eosi hèla. Ka tumèlò, e e ka re itshepisañ.

Timèlò e ñwe e e lebaganyeñ e le euò, me e isa diphatseñ ke e, ke go dumèla ha Keresete a golola batho mo molaò oa Modimo, le go re, ka e le ka tumèlò e le eosi ha re nna baabedwi ba tshegohacò ea ga Keresete, hoñ re rekolocwe hèla kwa ntlè ga ditirò tse re ka nnañ re di dira leha e ka nna dihe.

Me a go tlhokomèlwè ha, go re, kutlwò ga se boinèlò yoa può hèla, ea kwa ntlè, me ke tirèlò e e cwañ mo loratoñ. Molaò oa Modimo ke molaò o o cwañ hèla mo BoModimoñ yoa Ona sebele, me o thaegile mo loratoñ, e bile ke lònna motheò oa mmushò oa Ona mo legodimoñ le mo lehatshiñ. Ea re ha dipelo tsa rona di shahadicwe mo chwanòñ ea Modimo, ha loratò loa SeModimo lo tlhomilwe mo moeñ oa rona, a molaò oa Modimo ga o ketla o dihahadiwa mo botsheloñ yoa rona? Ea re ha loratò lo tlhomilwe mo peduñ, me motho a bopilwe sesha kalia chwanòñ ea Ona o o mmopileñ, hoñ kgòlaganò e ncha e dirahetse e e reñ, “Ke tla baea melaò ea me mo dipeduñ tsa bònna, Ke e kwala mo megopoloñ ea

[70]

bònè”. Bahebera 10: 16. Me ha molaò o kwadil we mo peduñ, a ga se òna o o tla laolañ botshelò? Kutlwò, e e leñ tirèlò le bokopanò yoa loratò, ke seshupò sa mannete sa borutwa.

Hèla yalo Biebele ea re, “Go rata Modimo ke mo, go re, re bolokè ditaolò tsa Ona.” Eo o reñ kea mo itse, me a sa bolokè ditaolò tsa gagwè, ke moaaki; me boamarure ga boeò mo go ènè. 1 Yohane 5: 3 le 2: 4. Tumèlò ga e golole motho gore a se utlwe, me ke eòna eosi e e re naeañ go abèlwa tshegohacò ea ga Keresete, e ba e re naea thata ea go nna mo kutlwoñ kwa go èna.

Polokò ga se tuèlò e e duèlañ kntlwò ea rona; ka gonne polokò ke mphò hèla ea Modimo e e cholwañ ka tumèlò me kutlwò ke louñò loa tumèlò. “Loa itse ha a bònadicwe, gore a tlose dibe tsa rona; me mo go èna ga go na boleo. Leha e le mañ eo o nnañ mo go èna, ga a leohe, leha e le man eo o leohañ, ga a e se a mmone, laha e le go mo itse.” 1 Yohane 3: 5, 6. Ha, ke eòna tekò ea mannete. Ha re nna mo go Keresete, me le loratò loa Modimo ha lo agile mo go rona, hoñ maikutlwò a rona, le megopolò ea rona, le maikaèlèlò, le ditirò cotlhe di tla bo di dumalanye le go rata ga Modimo; yaka go senocwe ke ditaèd tsa molaò o o boitshèpò oa Ona. “Banyana, a motho opè a se lo gogèle timeloñ, eo o dihañ tshiamò o tshiamò, hèla yaka le èna a le tshiamò.” 1 Yohane 3: 7. Tshiamò e e leñ eòna e shupiwa ka molaò o o boitshèpò oa Modimo mo ditaoloñ tse di shomè tse di tlhomilweñ kwa Sinai.

Se se bidiwañ hèla tumèlò mo go Keresete, me e golola batho 1110 chwaneloñ ea go utlwa molaò oa Modimo, ga se tumèlò ea sepè; ke boikganchò hèla. “Lo bolokilwe ka tshegohacò, ka tumèlò.” [71] Baefesia 2: 8. “Me tumèlò, ha e sen a ditirò e shule.” Yakoba 2: 17. Yesu o na a ipolela kaga gagwè, yaka a na a nntse a e se a tle mo lehatshiñ, a re, ” Ke itumèla thata go dira go rata ga gago, Modimo oa me; E, molao oa gago o mo teñ ga pelo ea me.” Pesalema 40: 8. Me e rile ha a tloga a tlhatlogèla kwa legodimoñ, a ipolèla, a re, “Ke tshegeditse ditaolò tsa ga Krè, me ke nntse mo loratoñ loa gagwè.” Yohane 15: 10. Lokwalo loa Biebele loa re.

Me ke gòna kaha re itseñ ka gòna ha re mo itse, ha re boloka ditaolò tsa gagwè. Eo o reñ. Kea mo itse, me a sa boloke ditaolò tsa gagwè, o maaka; me boamarure ga boeò mo go èna: Me leha e le mañ eo o bolokañ lehoko ya gagwè, rure loratò loa Modimo lo dihilwe boitekanèlò mo go èna. Ke gòna kaha re itseñ ha re le mo

go èna ka gòna: Eo o reñ o nntse mo go èna, o chwanetse le èna a bo a tsamaea hèla yaka èna a kile a tsamaea. 1 Yohane 2: 3-6.

Gonne lo biledicwe gòna mouo: gonne Keresete le èna o bogile botlhoko mo boemoñ yoa lona, a lo tlogèlèla sekaò, gore lo tsamaeè mo dikgatoñ tsa gagwè. 1 Petere 2:21.

Botshelò yo bo sa khutleñ bo bònwa gompinyeno hèla yaka bo nntse bo bònwa galè, le yaka go no go nntse mo Edena bagolo ba rona ba e se ba tlole molaò, ka go re bo bonwa ka kutlwò e e itekanetseñ ea molaò oa Modimo, le ka tshiamò e e itekanatseñ. Ha botslielò yo bo sa khutleñ bo no bo abiwa ka goñwe go sele. hoñ go no go tla senyetsa lobopò lotlhe hèla botshelò yoa boitumèlò le tshiamò. Go no go tla bulelwa boleo kgòrò e e athameñ, me go tsène tatlhègò le bohutsana gore di èmèlè rure hèla ka bosaeñ kae.

E rile pele motko a e se a we, o na a ka itira tshiamò ka kutlwò ea molaò oa Modimo. Me a tlhaèla go dira yalo; me hèla ka ntlha ea boleo yoa gagwè, popègò ea rona e senyegile, me ga re kaka ra itira tshiamò. E reka re le baleohi, me re itshepologile, re bo re sa kake ra boloka molaò o o boitshèpò sentlè. Ga re na tshiamò epè e re ka kgatlhanañ le molaò oa Modimo ka eòna. Me Keresete o re diretse kgòrò e re ka halolañ ka eòna. O na a aga mo lehatshiñ mo gare ga diteko, le dithaèlò yaka còna tse re kgatlhanañ nacò. Me a aga hèla a sa itse boleo. Me a re Shwèla; me yana o tsaea dibe tsa rona, o re naea tshiamò ea gagwè. Ha u inèla mo go èna, me u mo amogèla go nna Mmoloki oa gago, leha botshelò yoa gago bo tletse boleo, yanoñ u kaiwa tshiamò ka ntlha ea gagwè. Tshiamò ea ga Keresete e eme boemoñ yoa tshiamololò ea gago, me u amogèlwa ha pele ga Modimo hèla yaka ha u ka bo u se ka ua leoha.

Me bogolo go mo, Keresete o hetola pelo, o nna mo peduñ ea gago ka tumèlò. U na le go tshegetsà kopanò e le Keresete ka tumèlò, le ka go inèla mo go èna ka metlha eotlhe, me hèla ka lobaka lotlhe lo u dirañ yalo ka lònà, ènè o tla dira mo go wèna gore u rate go dira kalia gokgathègañ ènè ka teñ. Me yalo u ka re, “Botshelò yo ke bo tshedileñ yanoñ ke bo tshelèla mo tumèloñ, eboñ tumèlò e e mo go Morwa Modimo eo nthatileñ a ba a intshetsa nna.” Bagalatia 2: 20.

Yesu a bua le barutwa ba gagwè yalo, a re, “Ga se lona ba lo buañ, me ke Mòea oa ga Rra eno o o buañ mo go lona.” Mat. 10: 20. Hoñ ka Keresete a dira mo go ona, lo tla bònatsa mòea o moñwe hèla

le èna, lo dira ditirò di le diñwe hèla naè, eboñ ditirò tsa tshiamò, le kutlwò.

[73] Yalo ga re na sepè se re ka belahalañ ka shòna. Ga re na kaha re ka ikgodisañ ka teñ. Cholahèlò e re nañ naeò e le eosi, e mo tshiamoñ ea ga Keresete e e kaèlwañ kwa go rona, le mo go e e dirwañ ke Mòea oa gagwè, ha o dira mo go rona, le ka rona.

Ea re re bua kaga tumèlò, re chwanetse go harologanya e e leñ eòna tòta le e e señ eòna. Go na le tumalanò e e señ eòna tumèlò tòta. Bòeo yoa Modimo, le nonohò ea Ona, le hoamarure yoa Lehoko ya Ona ke dilò tse Satane le mashomòshomò a gagwè ba sa kakeñ ba di latola. Bibeles ea re, “Badimona le bònè bao dumèla, me ba roroma.” Yakoba 2: 19, me mo, e be e se tumèlò. Kwa go nañ le tumèlò mo Lehokuñ ya Modimo, le boinèlò mo go rateñ ga òna; gapè ha pelo e neecwe òna, le loratò lo tlhomilwe mo go òna, hoñ go na le tumèlò, eboñ tumèlò e e dirañ ka loratò, me e ntlahatsa mòea oa motho. Pelo e shahalediwa mo chwanoñ ea Modimo ka tumèlò e. Me pelo e e neñ e sa shahadiwa, popègò ea eòna, ga e na boinèlò mo molaon oa Modimo; le gòna ga e kake ea na nayò; me yanoñ ka e shahadicwe, ea itumèla mo ditaeon tse di boitslièpò tsa Ona, me e bua yaka motho oa Pesalema, a re, “Ana ke rata molaò oa gago yañ! ke òna go tlhatlhanya ga me ka letsatsi yeotlhe.” Ps. 119: 97. “Me tshiamò ea molaò e dirahetse mo go rona ba re sa sepelen kaha nameñ, ha e se kaha moeeñ.” Baroma 8: 1.

[74] Go na le bònè ba ba itseñ loratò loa ga Keresete lo lo ichwarèlañ, me ba eletsa rure go nna bana ba Modimo; leha go nntse yalo, ba itemoga ha ba sa tlhaetse, le botshelò yoa bònè ha bo le kgòpò, me ba tloga ba belaèle, ha dipelo tsa bònè di sa shahadiwa ke Mòea o o Boitshèpò ke raea bònè ba ba nntseñ yalo, ka re, Lo se ka loa ikkogona loa itlhoboga. Ga rona ke go inamèla ha dinaon tsa ga Yesu, le go lelèla ditlhaèlò le diphoshò tsa rona, me ga rea cliwanèla go ñodièga. Leha re hencwe ke mmaba, ga rea latlhwa, ga rea tlogèlwa, ga rea tlhobogwa ke Modimo. Nya, Keresete o kaha lecogon ye legolo ya Modimo. Eo le ènè o re rapèlèlañ, Yohane oa Morategi a re, “Dilò tse. ke di lo kwalèla, gore lo se leohe. Me, ha motho, leha e le mañ a leoha, re na le mmuèledi kwa go Rara, eboñ Mosiami Yesu Keresete.” 1 Yohane 2:1. Le gòna, Se lebale lehoko ya ga Keresete, a re, “Rara ka esi oa lo rata.” Yohane 16: 27. O eletsa go lo bosetsa kwa go ènè, le go bònna bontlè yoa gagwè le

boitshèpò yoa gagwè mo go wèna. Me ha u inèla hèla mo go ènè, eo o siamolotseñ tirò e e molemò mo go wèna, o tla e cwedisetsa kwa pele go hitlha kwa letsatsiñ ya ga Yesu Keresete. Rapèla ka tlhoahalò bogolo; dumèla ka botlalò. Yaka ha re belaèla nonohò ea rona, a re ikanyeñ nonohò ea Morekolodi oa rona, me re tla mo leboga thata, eboñ ènè eo o re tshedisañ sentlèntlè.

Ha u atamèla gauhi kwa go Yesu, ke gòna bogolo u tla iponañ melato e e mo go wèna; ka gonne matlhò a gago a tla sèlwa, me ditlhaèlò tsa gago di tla bònala sentlè mo lesediñ ya chwanò ea gagwè. Me mo, e tla nna seshupò sa go re diphoro tsa ga Satane ga di tlhole di na le thata, le go re yanoñ Mòea oa Modimo o o rudisañ o gu rudisitse.

Loratò lo lo rateñ Yesu lo lo tiileñ kwa teñ, go lo kake loa aga mo peduñ ea motho eo o sa ipòneñ boleo yoa gagwè. Mòea o o hetocweñ ke tshegohacò ea ga Keresete,. o tla godisa maitsèò a BoModimo a gagwè, me ha re sa ipone bokgòpò yoa rona, ke chupò e e sa ganediwañ ea go re, ga re e se re be re bone bontlè le tlotlomalò ea ga Keresete.

Ha re nntse re iñòtla re sa ipone molemò, bogolo bogolo re tla tlotla boitshèpò yo bo heteletseñ, le bontlè yo bo heañ yoa Mmoloki oa rona. Go bònna boleo yo bo mo go rona go re lelekèla koa go ènè eo o ka re ichwarèlañ. Me ea re ha mòea oa motho o bònna botlhòkathushò yoa òna, me o othtlolèla mabògò kwa go èna, o tla itshenola mo thateñ. Ha maikutlwò a botlhòkwa yoa rona bo re lelekèla kwa go ènè, le kwa Leliokuñ ya Modimo, hèla bogolo bogolo ponò ea rona e tla golèla pele go itse sebopegò sa gagwè, le eòna chwanò ea gagwè e tla bònala mo go rona ka mo go heteletseñ.

[75]

Motho ke eñ ha ale mo go Keresete?

Ka gonne re se kake ra bolèla gore ra na ra tlhabologa lefi a seò ke bopaki gore ga rea shokologa?

Yesu o na a bapisa yañ chokologò go Nikotemoe?

A re ka bona phehò?

A re itse ko e hokelañ gòna?

A re ka bònna Mòea o o Boitshèpò?

A re ka utlwa thata ea òne mo matsheloñ a rona?

Mòea o tla re dira eñ ha re a amogèla?

Ka gonne re se kake ra hetola pelo tsa rona a ga go na sepè se re ka se dirañ mo chokologoñ ea rona?

Ha re amogèla Mòea o o Boitshèpò go tla bonwa eñ mo Matsheloñ a rona?

A re ka bonala re le molemò me re tletse bolelo mo peduñ tsa rona?

Re ka itse yañ gore re kaha ntlheñ ea ga mañ?

Re chwanetse ra ipotsa dipocò dihe gore re itse gore re kaha ntlheñ ea ga mañ?

Ha re le бага Keresete megopolò ea rona e tla nna eñ?

Dibopiwa tse dincha di tla lere mauño a mohuta ohe?

Go phètolo ehe e e nnañ mo dikelecoñ?

Mekgabo ea botshelò yoa Mokeresete ke eñ?

A go na le boikwatlhaò yoa nnete kwa ntlè ga phetolo mo botsheloñ?

Yesu o re pegile yokwe ea mohuta ohe?

Ke eñ se se nnañ boitumèlò?

Thata e e ne e busa mo botsheloñ yoa Morèna ke eñ?

Go hitlhelwa loratò mo peduñ ea ga mañ hèla?

Loratò lo lo re dirèla eñ?

Cotlhe tse re ka di dirañ kwa ntlè ga Yesu di señwa ke eñ?

[76] Ke eñ hèla se se ka re itshepisañ?

Go dilò dihe tse pedi tse di dirañ mmogo di dirèla polokò ea rona?

Kakelo ke eñ?

Ke eñ se e leñ mothèdò oa pusho ea ga Yehofa kwa godimo le mo lehatshiñ

Ha molaò oa gagwè o kwadilwe mo peduñ tsa rona o tla dira mo matsheloñ a rona?

Chupò ea nnete ea molatedi ke eñ?

Eo o reñ o rata Modimo mme a sa chware taolo tsa gagwè ke eñ?

A polokò e bonwa ka go chware ditaolo?

Re bònà yañ polokò?

Go akela ke mauño a eñ?

Ha re nna mo go ènè le ènè mo go rona maikutlo le ditirò le megopolò ea rona e tla dumalana le eñ?

A re ka nna le tumèlò kwantlè ga ditirò?

Ke eñ sa na sa ira Yesu gore a itumèlè go dira thato ea ga Rara?

A Yesu o na a tshegetsà molao o o re kopañ gore re o tshegetse?

Re ka itse yañ gore rea mo itse?
 Ke eñ se eleñ maèmo a botshelò yo bo sa khutleñ?
 Ka gonne Atamo a tliaetse go chwara taolo go re irele yañ?
 Ka gonne re se na tshiamò ea rona Yesu, o re diretse eñ?
 O laleditse go dira kananyo ehe?
 Ke botshelò yoa ga mañ yo bo emeñ mo maemoñ a matshele a
 rona ha pele ga Yehofa?
 Ke mañ eo o hetolañ pelo?
 O ka nna yañ mo peduñ?
 Yesu o tla re thusa ka maèmo ahe?
 Motheo hèla oa cholohèlò ea rona o mo go eñ?
 A re ka dumèla me re se na tshèphò?
 A Satane dumela? Mme ga a na tshèpò.
 A tumèlò ea nnete e dira ka metlha?
 A re chwanetse ra ñodiega ka gonne re bona diphosho mo mat-
 sheloñ arona?
 Yesu o re dirèlañ ha re tlhaela? [77]
 Ha re leoha ka bomo a o tla re buèlèla?
 Ke eñ se se re chwaraganyañ le legodimo ka malatsi otlhe?
 Re tla bonala yañ mo matlhoñ a rona ka rosi ha re tshela gauhi
 le Yesu?
 Se ke chupò ea eñ?
 Moñwe eo o hetocweñ o tla bonañ mo botshelon yoa gagwè?
 Re tla bòna eñ go latèla mo botsheloñ yoa Morèna?
 Ke eñ se re kgweeletsañ ko go ènè eo o ka ichwarèlan? [78]

[79]

8. GO GOLELA MO GO KERESETE

Phetogò ea pelo e re dihègañ bana ba Modimo ka eòna, e bidiwa “Go tsalwa” mo Biebeleñ. Gapè e chwanetshiwa ka go mela ga peo e e molemò, e e yadilweñ ke molemi mo tshimoñ. Hèla yalo ba ba setseñ e le gona ba shokonogèlañ mo go Keresete, ke masea a masha a a chwanetseñ go golèla mo go Keresete Yesu, go ea go nna banna le basadi mo go ènè. Goñwe, yaka peo e e molemò e e yadilweñ mo tshimoñ ba chwanetse go golèla pele kwa tekanyoñ, me ba uñwe louñò. Isaia a re, Ba tla bidiwa ditlhare tsa tshiamò tse di tlhomilweñ ke Morena gore ènè a galalediwè. Bala 1 Petere 2: 2. le Baefesia 4: 15. Isa. 61: 3. Yalo dilò tse di bònwañ ka matlhò di re chwanetshetsa dilò tsa semòea tse e leñ maamarure a a sa bonweñ ka matlhò.

Bothhale yotlhe yoa motho le bocwiriri yoa gagwè, bo retelecwe ke go bopa señwenyana me a tsenya botshelò mo go shòna. Go le ditshedi, go le ditlhare, botshelò yo bo mo go còna cotlhe bo cwa mo Modimoñ o le osi hèla. Hèla yalo le botshelò yoa semòea yo bo tsalèlwañ mo dipeduñ tsa batho, bo cwa mo Modimoñ. Ha motho a sa tsalwa ka mo go cwañ kwa godimoñ ga a kake a abèlwa botshelò yo Keresete o tsileñ go bo abèla batho.

[80] Me hèla yaka botshelò bo nntse bo gola, le gòna go nntse yalo. Ke Modimo o o thuntshañ dikukuna le serokolò mo setlhariñ, sethunya le shòna se uñwe ka Ona. Ke ka thata ea Ona ha peo e tlhaba mo mbuñ me e nne mogwañ pele, hoo go nne seakò, me moragò mabèlè a a tletseñ mo seakoñ.” Mareko 4: 28. Moperofeti Hosea a bua kaga Iseraela, a re, “O tla thunya yaka thunyò ea leshòma.” “Ba tla rulwa yaka mabèlè, ba thunya yaka mofine.” Yesu a re, “Elañ dithunya tsa mashòma tlhòkò, kaha di golañ ka gòna.” Luke 12: 27. Ditlhare le dicheshe ga di gole ka boitlhokomèlò yoa còna, leha e le ka go leka ga còna, me di amogèla mo Modimoñ dilò tse di otlan botshelò yoa còna. Nwanyana ga a kake u ikoketsa bolele yoa mmele oa gagwè ka go itlhodièga, leha e le ka go iteka ga gagwè. Leha e le wèna, ga u kake ua inaea go golèla pele mo

botsheloñ yoa semòea ka go tlhodièga leha e le ka go tlaèlwa mo go lekeñ. Go le setlhare, go le Ñwanyana ba gola ka go hema mòea oa loapi, le ka phatsimo ea letsatsi, le ka diyò, le metse e le dilò tse o ha gare ga còna. Yaka dilò tseuò di nntse di thusa, di babalèla botshelò mo nameñ ea ditshedi le mo ditlhariñ; Keresete o nntse hèla yalo mo go ba ba ikanyañ mo go ènè. Ke ènè Lesedi ya bònè ye le sa timeñ ka bosakhutleñ, le Letsatsi le Thèbè.” “O tla nna yaka monyò mo go Iseraela.” O tla na yaka pula mo boyañeñ yo bo segilweñ ke èna, “Metse a a tshedileñ” le “Senkgwè sa Modimo se se hologañ kwa legodimoñ, me se naea lehatshe botshelò.”

Modimo ka o ntshitse Morwa Ona, o ntshitse mphò e e senañ epè e e ka chwanetshiwañ naeò, me o akareditse lehatshe yeotlke ka matlasedi a tshegohacò, hèla yaka matlasedi a a monate a a akarareditseñ gotlhe hèla mo lehatshiñ. Botlhe ba ba eletsañ go sehumola mòea o, o o rudisañ ba tla tshela ba tla golèla kwa boemoñ yoa banna le basadi mo go Keresete Yesu.

Yaka dicheshe di tle di retologèla kwa letsatsiñ gore matlasadi a yeòna a di neè popègò e e ntlè, le mebala e mentle, yalo le rona re chwanetse go retologèla kwa Letsatsiñ ya Tshiamò, gore lesedi ya Legodimo le re phatsimèlè, le gore chwanò ea ga Keresete e bopègèlè pele mo go rona.

[81]

Yesu le ènè o re ruta yalo ka a re, Nnañ mo go nna, le nna mo go lona. Yaka kala e sa kake ea uñwa ka eosi, ha e sa nne mo mofineñ; go nntse yalo le lona, ha lo sa nne mo go nna. Ke nna mofine, lona lo dikala: eo o nnañ mo go nna, le nna mo go èna, ke èna eo o uñwañ segolo: gonne kwa ntlè ga me ga lo kake loa diha sepè. Yohane 15: 4-5.

Hèla yaka kala ea setlhare e otlwa ke thetò le mecwe, gore e nnè tala, e be e uñwe, le wèna u otlwa ke Keresete gore u tshelè botshelò yo bo boitshèpò. Kwa ntlè ga gagwè ga u na botshelò bopè; le gòna ga u na thata ea go phela mo thaeloñ, leha e le go gola mo tshegohacoñ le mo boitshepoñ. Ha u nntse mo go ènè, u tla kgaba u tlhògònòlòhala. Ha botshelò yoa gago bo cwa mo go ènè, ga u ketla u shwaba, leha e le go tlhòka louñò. U tla nna yaka setlhare se se tlhomilweñ ha dinokeñ tsa metse.

Batho ba le bantsi ba itlhome ba chwanetse go dira tirò e ka ntlha ñwe. Ba ikanetse Keresete go bònè boichwarèlò mo go èna; me yanoñ ba batla go tshela ka tshiamò ka thata ea bònè hèla. Me tekò

[82] eotlhe e nntseñ yalo e na le go tthaèla hèla. Yesu, a re, “Kwa ntlè ga me ga lo kake loa dira sepè.” Go gola ga rona mo tshegohacoñ, le boitumèlò yoa rona, le go dira ga rona, gotlhe hèla go eme mo go ñapareleñ ga rona mo go Keresete. Re gola mo tshegohacoñ ka go kòpana le Ena, ka malatsi aotlhe, le dinakò cotlhe hèla, le ka go nna mo ènè. Enè ga se Mosimolodi oa tumèlò ea rona go le gosi, ke ènè Mowetsi oa èdna le gòna. Keresete ke ènè oa ntlha le oa bohèlò, le oa ka metlha eotlhe. O chwanetse go re pata eseñ kwa tshimologoñ le kwa bowecoñ hèla, me le mo dikgatoñ clothe tsa tsela ea rona. Dafide a re, “Ke nntse ke tlhomile Yehofa ha pele ga me ka galè: ereka a le kaha cogoon ya me ye legolo, ga nketla ke tshèkinyèga.” Pesalema 16: 8.

A ua botsa go re, “Nka nna yañ mo go Keresete?” Ke hèla yaka u mo chotse mo tshimologoñ. “Ke gòna, yaka lo amogetse Keresete Yesu Morèna, lo tsamaeè mo go ènè hèla yalo.” Bakolosa 2: 6. “Me mosiami o tla tshela ka tumèlò.” Bahebera 10: 38. U nu ua inèla mo Modimoñ, go nna oa Ona gotlhe hèla, go O dirèla, le go O utlwa, me ua tsaèa Keresete go nna Mmoloki oa gago. Wèna ka wesi u nu u palecwe ke go dirèla dibe tsa gago thuanyò, le ke go hetola pelo ea gago ua palelwa; me ereka u inetse mo Modimoñ u dumetse ha Ona o gu diretse gotlhe mo ka ntlha ea ga Keresete. Ua nna oa ga Keresete ka tumèlò, e bile ka tumèlò u chwanetse go golèla mo go ènè, ka go mo inaea le ka go mo amogèla. U chwanetse go ntsha gotlhe, pelo ea gago, le go rata ga gago, le tirèlò ea gago, go inèla mo go ènè go dira cotlhe tse o di lòpañ, e bile u chwanetse go tsaèa gotlhe hèla, eboñ Keresete, eo botlalò yoa matshegò aotlhe bo mo go ènè, go nna mo peduñ ea gago, le go nna thata ea gago, le tshiamò ea gago. A e nnè ènè Mothusi oa gago go ea bosakhutleñ, gore a gu thatahaletse kutlwò, go utlwa ènè.

[83] Ipeè mo Modimoñ ha u coga mo moshon; e nnè èdna tirò ea ntlha ea gago ea letsatsi. A Thapèlò ea gago e nnè yana, “Morèna, ntsaea, gore ke nnè oa gago gotlhe hèla. Ke baea maikutlwò a me aotlhe hèla ha dinaon tsa gago. Gompiyeno a ke nnè mo tireloñ ea gago; u dirè ka nna; Nna ha go nna, me a tirò eotlhe ea me e dirwè mo go wèna.” Go mo ke mo go chwanetseñ malatsi aotlhe. E re ka moshò u ipeè mo Modimoñ go nna oa Ona ka letsatsi yeuò, yalo hèla ka meshò meshò. Maikaèlèlò aotlhe a gago u a bèè ha pele ga Ona, gore a dirahalè goñwè a sa dirahalè kaha Ona o tla laolañ ka

gòna. Yalo ka letsatsi leñwe le leñwe u ka baea botshelò yoa gago mo diatleñ tsa Modimo; me ka go dira yalo botshelò yoa gago bo tla nna bo bopèga kaka botsheloñ yoa ga Keresete.

Botshelò mo go Keresete ke botshelò yoa boiketlò. Leha go ka tlhokahala maipelò a a tutumañ, go chwanetse go nna boikanyò yo bo nnetseñ rure, yo bo agisañ, cholohèlò ea gago ga e mo go wèna, e mo go Keresete. Bokòa yoa gago bo kopancwe le thata ea gagwè; botlhòkacicò yoa gago bo kopancwe le kicò ea gagwè; le nonohologò ea gago le nonohò ea gagwè e e nntseñ rure. Me yalo ga u 11a go iteba, le pelo ga e na go ikgopola; me u chwanetse go leba kwa go Keresete. A pelo e tlhatlhanyè loratò loa gagwè, le bontlè, le boitekanèlò yoa sebopègò sa gagwè. Leba Keresete mo go itatoleñ ga gagwè, le mo boiñotloñ yoa gagwè. Leba Keresete mo bontleñ le mo boitshepoñ le mo loratoñ loa gagwè lo lo gaisañ loratò lotlhe lo sele; dilò tse ke còna tse pelo e ka di tlhatlhanyañ. U tla hetolèlwa mo chwanoñ ea gagwè ka go mo rata, le ka go mo etsa le ka go ikanya mo go èna gotlhe hèla.

Yesu a re, “Nnañ mo go nna.” Lehoko le bua boikhucò, le tlhò-mamò, le boikanyò. Gapè, oa bitsa, a re Tlañ mo go nna, me ke tla lo naea boikhucò. Mahoko a Pesalema le aòna a bolèla mogopolò ouò, a re, “Itapolose mo go Yehofa, u mo lebèlèlè ka pelotelele.” Isaia le èné a re, “Mo tuulaloñ le mo go ikanyeñ e tla nna thata ea lona.” Pesalema 37: 7. le Isaia 30: 15. Boikhucò ga bo ke bo bònwa mo go duleñ hèla; ka gone picò ea Mmoloki e tlhakantse pilecò mo boikhucoñ le pilecò mo tiroñ, ka a re, Ipeeñ yokwe oa me, me lo tla bònna boikhucò. Pelo e e nntseñ bogolo mo go Keresete e tla nna eòna e e tla nnañ tlhaga bogolo bogolo mo tireloñ ea gagwè.

[84]

Ea re ha pelo e tlhòla e ikgotse kèla, ke go re e hularetse Keresete, eo o leñ Mocwedi oa thata le oa botshelò. Yalo Satane o tlhòahaletse ka galè go haposa tebò ea pelo mo go Keresete, le go senya bokopanò, le puanò ea mòea oa motho le Mmoloki. Gonwe e ka nna ka dikgatlhègò tsa lehatshe, goñwe ka ditlhodiègò, leha e le ka dikabakanyò le mahutsana a botshelò, goñwe e ka nna ka melato ea ba bañwe, leha e le ka melato le diphosho tsa gago, o tla a haposetse megopolo kwa diloñ tse di nntseñ yalo. U se ka ua timediswa ke ditoga maanò tsa gagwè. Go na le batho ba le bantsi ba ba siameñ rure, me ba eletsa go tshelèla Modimo, me Satane o tla a lebise megopolò ea bònè kwa diloñ tseuò, eboñ melato le makòa a

bònè, me ha a ka ba kgaoganya le Keresete, o sholohetse go bònà phenyò mo go bònè. Ga rea chwanèla go dira borona pinagare ea botshelò yoa rona, leha e le go boiha, le go tlalèlwa ke go re, a re tla bolokwa? Dilò cotlhe tse, di haposa mòea oa motho mo mocwediñ oa thata ea rona. Neèla Modimo mòea oa gago go bolokwa, me u ikanyè mo go Ona. Bua kaga Yesu, u bo u gopolè ènè. A bowèna bo latlhègèlè mo go èna. Lèlèka pelaèlò; a dipoihò tsa gago di tsamaisiwè. Bua yaka Moapostoloi Paulo u re,”

[85] Ke bapocwe le Keresete; leha go nntse yalo ke tshedile; me leha go nntse yalo e be e sa tlhole e le nna, me ke Keresete o tshedile mo go nna: me botshelò yo ke bo tshedileñ yanoñ mo nameñ, ke bo tshelèla mo tumeloñ, eboñ tumèlò e e mo go Morwa Modimo, eo o nthatileñ, a ba a intshetsa nna. Bagalatia 2: 20.

Lapologèla mo Modimoñ. O nonohile go boloka se u so tsentseñ mo Seatleñi sa Ona. Ha u iteseletsa mo diatleñ tsa Ona, o tla gu dilia go nna mohenyi eo mogolo ka ènè eo o gu ratileñ.

E rile Keresete a tsa ea popègò ea motho, a ipòhèlèla botho mo go ènè ka thapò ea loratò e e sa kakeñ ea kgaolwa ke thata epè, ha e se ke motho ka esi a rata go e kgaola. Satane o tla leka go re hepisa ka metlha eotlhe gore re kgaolè thapò, ke go re, re itshenkèlè go kgaogana le Keresete. Ke gòna ha re chwanetseñ go disa, le go ganèla, le go rapèla, gore go se ka ga nna le sepè se se ka re hepisañ go senka o sele go nna muñ oa rona; ka le galè re na le kgololesègò ea go dira yalo ha re rata. Me a re tlhabeletsè matlhò a rona mo go Keresete, me o tla re boloka. Ea re ha re lebile kwa go Yesu re bo re bolokegile, Ga go na sepè se se ka re phamolañ mo seatleñ sa gagwè. Ha re leba ènè ka metlha eotlhe, rea hetoga, re hetogèla mo chwanoñ ea gagwè.

Me rona rotlhe, ka dihatlhògò tse di sirologileñ ka re tsabakèla ka kgalalèlò ea Morèna, yaka seipone, rea hetoga, re nna yaka shòna sechwanò seuò sa kgalalèlò e e isañ kgalaleloñ, e le mo go cwañ mo Moreneñ eo e leñ èna Mòea. 2 Bakor, 3:18.

Barutwa ba pele ba ne ba bopèga mo chwanoñ ea Mmoloki oa bònè oa Morategi ka go dira yalo. E rile barutwa bauò, ba nè ba utlwa mahoko a ga Yesu, me ba ipòna ha ba mo tlhòka thata. Ba ne ba mmatla, ba mmòna, me ba mo sale moragò. Ba nna naè mo tluñ, le kwa lomatiñ loa boyèlò, mo ntlwaneñ e e kwa teñ, le mo nageñ. Ba nna naè yaka barutwa ba tla ba nne mo morutiñ oa bònè, ba

amogèla dithutò tse di boitshèpò mo molomuñ oa gagwè ka malatsi aotlhe. Ba ne ba lebèlèla mo go ènè, yaka batlhanka mo go beñ ba bònè, go ithuta dichwanèlò tsa bònè mo go ènè. Barutwa bauò e ne e le “Batho ba ba maikutlo a a chwanañ le a rona”. Yakoba 5: 17. Ntwa e ba ne ba le mo go eòna, ea go tllhabana le bolebo, e ne e le ñwe hèla, le ea rona ba ne ba tllhòka tshegohacò e le ñwe hèla le ea rona, go tshela botshelò yo bo itshepileñ.

[86]

Le e leñ ènè Yohane, oa Morutwa eo o ratègañ eo o na a na le chwanò ea Mmoloki bogolo, ga a ka a tllholèga ga a ka a nna bontlè youò yoa sebopegò galè. Pele ea bo e le motho eo o ratañ go ikgodisa a rata tlotlò, a le phoumèlò, a rata go iposholosea ha moñwe a mo utlwisitse botlhoko. Me hèla yaka a lla a senolèlwa maitseò a Morwa Modimo, a ipòna go tllhaèla ga gagwè, me kicò e, ea mo isa tllhatse ea mo ñotlahatsa. A leba nonohò le bopelotelele, le thata, le bopeloenamagadi, le borèna le boikokobecò, e le dilò tse o di bònàñ mo go Morwa Modimo ka metlha eothle; me mòea oa gagwè oa tlala kgatlhègò le lorato. Pelo ea gagwè ea gògègèla kwa go Keresete ga tla ga tsamaee boènè, yoa nyèlèlèla mo go rateñ Morèna oa gagwè. Sebopegò sa gagwè sa kgalehò sa galè sa inèla go bopiwa sesha ka thata ea ga Keresete. Thata ea Mòea o o Boitshèpò e e shahatsañ ea rudisa pelo ea gagwè. Thata ea loratò loa ga Keresete ea dira phetolò ea Sebopegò sa pelo ea gagwè. Ke shòna rure se se cwañ mo bokopanoñ le Yesu. Ea re ha Keresete a nna mo peduñ sebopegò shotlthe sea hetoga. Mòea oa ga Keresete le loratò loa gagwè di nòlòhatse pelo, di henye mòea, me di choleletse megopolò le dikelecò kwa Modimoñ le kwa legodimoñ.

E rile Keresete a tllhatlogèla kwa legodimoñ, balatedi ba gagwè ba bo ba ikutlwa ha pònalò ea gagwè e sa nntse a na le bònè. E ne e le pònalò ea botho, e tletse loratò le lesedi. Yesu Mmoloki ènè eo o nntseñ a sepela nabò, a bua nabò a rapèla nabo, eo o buileñ cholohèlò le kgomocò mo dipeduñ tsa bònè, o rile a sa nntse a ba neela taecò ea kagishò, a tlosiwa mo go bònè, me a tllhatlosediwa kwa le godimoñ; me modumo oa lencwe ya gagwè oa boela kwa go bònè, yaka a cholwa ke leru ya baengela, a re “Bònàñ ke tla bo ke nntse ke na le Iona ka metlha eothle, le go ea bokhutloñ yoa metlha”. Mat. 28: 20. O tllhatlogetse legodimoñ a le mo sebopegoñ sa motho. Ba itse ha a le ha pele ga sennò sa Modimo sa bogosi, e sa nntse e le Tsala ea bònè, le Mmoloki oa bònè, le go re, go

[87]

utlwèlana nabo botlhoko ga gagwè go no go sa hetoge; le go re, o sa nntse a kopana le batho mo go utlweñ botlhoko ga bònè. Ea re a le mo makgotleñ a kgalalèlò, diatla tsa gagwè tse di tthabilweñ le lotlhakore loa gagwè lo lo tthabilweñ ka lerumò, le dinaò tsa gagwè ka dimapò, dikweneshò tse di rapèlèla losika lo lo senyegileñ, me di shupa loratò lo o ratileñ barekolodwi ba gagwè ka lònà. Ba ne ba itse ha a tthatlogetse kwa legodimoñ go ba baakanyetsa mannò, le go re, o tla tla gapè go ba icholèla kwa go ènè.

Me yaka ba phuthèga, a sena go tthatloga ba nna bohehò go isa maitopèlo a bònè kwa go Rara, ka leina ya ga Yesu; me ka tshisimogò e kgolo ba ikobèla mo thapeloñ ba nntse ba bolèla ditl-hòmamishò tse tsa Morèna oa bònè.

Me mo letsatsiñ yeuò ga lo ketla lo mpotsa sepè. Amarure, amarure, kea lo raea, Ha lo lòpa Rara señwe, o tla se lo naea ka leina ya me. Ga lo e se lo ko lo lope sepè ka leina ya me le gompiyeno: lopan, me lo tla amogèla, gore boitumèlò yoa lona bo dihalè. Yohane 16: 23, 24.

Ba ne ba chotetsa lecògò ya tumèlò kwa godimo ka dipolèlò tse di nonohileñ tse. Mañ eo o tla sekisañ? Keresete Yesu ke èna eo o na a shwa, E, bogolo ke èna eo o cosicweñ mo loshuñ, eo o kaha lecogoñ ye legolo ya Modimo, eo o bileñ a re rapèlèla. Barom. 8: 34.

Letsatsi ya Pentekoste ya tliša Mogomotsi mo go bònè, eo Keresete o boletseñ kaga gagwè, a re, “O tla nna mo go lona”. Yohanel4:17. Gapè a re,

Leha go nntse yalo ke lo bolèlèla boamarure; Go ka nna molemò kaga lona, ha ke tsamaea: gonne ha ke sa tsamaee, Mogomotsi ga a ketla a tla mo go lona; me ha ke tsamaea, ke tla mo roma mo go lona. Yohane 16: 7.

Go tloga hoñ Keresete o na a tla nna mo dipeduñ tsa bana ba gagwè ka galè ka galè ka Mòea oa gagwè. Bokopanò yoa bònè le èna yoa ba kitlanya bogolo go gale a sa nntse a le mo go bònè sebele. Lesedi le loratò, le thatar dilò tse, ha Keresete a nntse mo go banè, tsa tlhagèga mo go bònè, batho ba ba ba gakgamala; “Me ba ba lemoga ha ba kile ba ne ba nna le Yesu”. Ditiro 4: 13.

Gotlhe hèla yaka Keresete a na a nntse mo barutweñ ba gagwè ba ntlha, o rata gore go nnè hèla yalo mo baneñ ba gagwè gompiyeno; ka gonne ea re mo thapeloñ ea gagwè ea bohèlò, lekokonyana ya

barutwa ba gagwè a na nayeò, a re, “Le gòna ga ke rapelele ba, ba le bosì, me ke rapèlèla le bònè ba ba dumèlañ mo go nna ka lehoko ya bònè”. Yohane 17: 20.

Yesu a rapèlèla rona, me a lòpa gore re nnè banwe hèla le ènè, yaka èna a nntse moñwe hèla le Rara. Mmoloki o na a buile, a ithaea, a re, “Morwa ga a kake a dira sepè ka esi”. Yohane 5: 19. “Rara eo a agileñ mo go nna o dira ditirò tsa gagwè.” Yohane 14: 10.

Ke gòna, Ea re ha Keresete a agile mo dipeduñ tsa rona, o tla dira mo go rona go rata le go dira, e le go re, o dira go kgatlhèga ga Ona. Bafilipi 2: 13. Re tla dira yaka le ènè a na a dira; re tla shupa mòea o le moñwe hèla le oa gagwè. Me yalo, ka go mo rata, le ka go nna mo go èna “re tla golòla mo go èna mo diloñ cotlhe, ènè eo e leñ tlhògò, eboñ Keresete”.

[89]

Phetolo pa pelo e bidiwañ?

Bann le ditlhare le dicheshe di lebelecwe gore di dire eñ?

A motho o ka naea botshelò?

Ke mañ hèla o naeañ ditlhare botshelò?

Ke mañ o naeañ motho botshelò yoa bomòea?

Bana le ditlhatsana ba gola yañ?

Keresete ke eñ go ba ba mo ikanyañ?

A Yesu o na a ruta se?

A re ka ikgodisa?

Re nna yañ mo go Keresete?

Re chwanetse ra naea eñ?

Re chwanetse ra tsaea eñ?

Re chwanetse ra dira eñ mesho eotlhe?

Re chwanetse go dira eñ ka mano a rona?

Re chwanetse ra gopola kaga eñ?

Ha re nna mo go Keresete re na le eñ?

Satane o batla go tlatsa megopolo ea rona ka eñ?

Re chwanetse ra bua kaga eñ?

Ke kgolè e e ntseñ yañ e e re golègèlañ go Keresete?

Re gololesegile go tlhaola eñ?

A Yohane o na a chwane le Keresete ka tlholègo?

Ona a chwana yañ le Keresete?

Keresete o na a ea kae ha a tlogèla Barutwa ba gagwè?

O na a ea go dira eñ?

Pentekosta ea na ea lere eñ go Barutwa?

Keresete ènè ele eñ go Barutwa ba ntlha?

[90] O na a rapèla gore a nne eñ go rona?

[91]

9. TIRO LE BOTSHELO

Modimo ke mocwedi oa botshelò, le lesedi, le boitumèlò mo lobopoñ lotlhe hèla, yaka marañ a a cwañ mo letsatsiñ, le dikèlèlò tsa metse ha di beloga mo mocwediñ o o tshedileñ, o o bilolañ metse a mantlè a magolo, mathògònòlò a cwa mo go Ona me a èlèla mo dibopiweñ cotlhe tsa Ona. Me goñwe le goñwe kwa botshelò yoa Modimo bo mo dipeduñ tsa batho, bo tla cwa bo èlèla mo go ba bañwe, ka loratò le ka tshegohacò.

Boitumèlò yoa Mmoloki oa rona bo no bo eme mo go kakatlololeñ, le mo go rekololeñ batho ba ba oleñ. E ne e le ka ntlha ea gona ha a na a se ka a ithèkègèla botshelò, me a ichòkèla mokgòrò a nyatsa ditlhoñ. Yalo baengela le bònè ba bo ba nntse ba dirèla batho ka go ba naea boitumèlò. Ke gona boitumèlò yoa bònè. Selò se baithati ba ka se dilolèlañ matlho, ba se kaea tirò e e mashwè e e sa ba chwanèlañ eboñ go thusa ba ba benyana, le balala le bahumanegi, me ke eòna tirò e e dirwañ ke baengela ba ba senañ boleo. Mòea oa loratò loa ga Keresete loa boinèlò mo go thuseñ ba bañwe ko òna o o tletseñ ka legodimo, e bile ke òna boteñ yoa boitumèlò yoa gòna. Me mòea o o nntseñ yalo o tla nna mo go balatediñ ba ga Keresete; ke eòna tirò e ba tla e dirañ. Ea re ha loratò loa ga Keresete lo bonye bonnò mo peduñ, lo nntse yaka lonkò lo lo monate, ga lo kake loa hitlha. Moutlwalò o o boitshèpò oa lona o tla lemogwa ke botlhe ba re kopanañ nabò. Mòea oa ga Keresete mo peduñ o nntse [92] yaka mocwedi mo sekakeñ, o èlèla go rudisa botlhe hela, me ba ba batlileñ go shwa ka lenyora ba tlhoahalèlè go nwa metse a botshelò.

Loratò loa ga Yesu, ha lo le mo go rona, lo tla shupiwa ke go eletsa go dira yaka ènè a na a dira, ka go choletsa e go thusa batho. Me go tla isa kwa go rateñ le go tlhomogeñ pelo, le kwa go utlwalèlaneñ botlhoko le dibopiwa cotlhe tse di babalèlwañ ke Rra echo oa legodimo.

Botshelò yoa Mmoloki a le mo lehatshiñ e ne e se yoa boiketlò le boitirèlò, me a inaea letsapa ka boichòkò, le ka tlhòahalò, a lekèla rure go dirèla batho ba ba latlhegileñ polokò. Go cwa boyeloñ

yoa dipitse go ea mokgoroñ kwa Kalefare, a tsamaea mo tseleñ ea boinèlò hèla, a sa tshabe ditirò tse di thata, leha e le diketò tse di lapisañ, leha e le tishò le mohuhucò tse di phuègisañ a re, “Morwa motho ga a ka a tla go dirèlwa ha e se go dirèla, le go ntsha botshelò yoa gagwè go nna thekololò ea batho ba le bantsi”. Mat. 20: 28. E ne e le eòna tebo e kgolo ea botshelò yoa gagwè. Dilò cotlhe tse diñwe tsa nna kwa moragò ga gona. E ne e le seyò sa gagwè, le noò ea gagwè go dira go rata ga Modimo, le go shwetsa tirò ea gagwè. Boènè le boipapalèlò bo ne bo sena lobaka mo tiroñ ea gagwè.

[93] Yalo ba ba abecweñ tshegohacò ea ga Keresete ba ikeetleditse go inèla hèla gotlhe, gore le ba bañwe ba o ba shwetsèñ ba abèlwè nèò ea selegodimo. Ba tla leka ka thata eothle gore lehatshe le thusègè, le nnè botoka ka go aga ga bònè mo go yeòna. Kelecò e e nntseñ yalo ke selò se se tlhogañ rure mo peduñ ea motho eo o tllhabologileñ rure. Ea re hèla motho a sena go tla mo go Keresete, hoo go tsalègè mo peduñ ea gagwè kelecò ea go itsise ba bañwe kaga tsala e e rategañ e o e bonyeñ eboñ Yesu; lehoko ye le bolokañ le ba le itshepisa ga le kake ya cwalègèla hela mo peduñ ea gagwè. Ea re ha re apesicwe tshiamò ea ga Keresete, me re tladiwa boitumèlò ka Mòea oa gagwè go aga mo go rona, re tla bo re retelèlwa ke go didimala hèla. Ea re ha re lekeleditse, me ra bona ha Morèna a le molemo, re tla bo re na le señwe go se bolèla. Yaka Filipino, a dira a sena go bònna Mmoloki, re tla lòpa ba bañwe gore ba tle kwa go ènè. Re tla leka go ba shupetsa dinatèhò tse di mo go Keresete, le bonnete yoa tse di sa bonweñ tsa lehatshe ye le tlañ. Go tla nna kelecò e e tukañ ea go tsamaea mo tseleñ e Yesu o tsamaileñ mo go eòna. Re tla eletsa thata, gore ba ba mo tikologoñ ea rona ba “Bone Kwana oa Modimo, eo o tlosañ bolelo yoa lehatshe”. Yohane 1: 29. Me phegèlèlò ea go tshegohatsa ba bañwe e tla tlisa matshegò mo go rona. Modimo o no o re laoletse yalo ka go re neèla ntlha ñwe ea tirò mo moreroñ oa thekololò. O neetse batho kabèlò ea go nna baabediwi ba sebopegò sa Se Modimo, le bònè gapè ba neecwe go tshèlèla ba bañwe ka bònè matlhogònòlò a a nntseñ yalo. Ke tlotlò e kgolo, le boitumèlò yo bo heteletseñ, go heta cotlhe tse Modimo o ka di naeañ batho. Bònè ba ba neecweñ go nna badihi mmògò nao mo ditiroñ tsa loratò ba atamedicwe bogolo bogolo kwa go Mmopi oa bònè.

Ha Modimo o ka bo o no o ratile o no o ka neëla baengela ba legodimo taecò ea Efangele, le tirò eotlhe ea tirèlo ea loratò. O no o ka dirahatsa maikaèlèlò a Ona ka mekgwa e sele. Me mo loratoñ lo logolo loa Ona oa itshenkèla rona go nna badiri mmògò le òna ka osi le mmògò le Keresete le baengela, gore re abèlwè tlhògònolohalò le boitumèlò, le cholecò ea pelo tse di cwañ mo tireloñ euò e e senañ boithatò.

[94]

Re lerilwe mo boemoñ yoa go utlwalana le Keresete ka go kopana naè mo go bogeñ botlhoko ga gagwè. Tirò ñwe le ñwe ea boinèlèlò yoa go thusa ba bañwe, e tle e natlahatse mèea o o ratañ go thusa mo teñ ga pelo ea eo o abañ, e tle e mo kitlanye bogolo le Morekolodi oa lehatshe, “Eo o na a humile, leha go nntse yalo a humanèga, gore lona lo humè ka khumanègò ea gagwè”. Me ke ka mo hèla re ka dirahatsa maikaèlèlò a Modimo kaga rona ha o re bopa; me botshelò yoa rona bo ka segòhala yalo.

Ha lo ka ea tiroñ yaka Keresete a laoletse barutwa ba gagwè go dira, me lo mo gapèlèla mèdea ea batho lo tla ikutlwa ha lo chwanetse go lekèlèlèla kwa teñ ga dilò tsa SeModimo, le go bònè kicò e e kwa pele mo go còna, me lo tla bolaèlwa tshiamò ke tlala le lenyora. Lo tla rapèla Modimo, me tumèlò ea lona e tla thatahala, me mèdea ea ona e tla ñwa nonohò mo sedibeñ sa Polokò. Ha lo hitlèla kgan le ditekò, mo, go tla lo lelekèla kwa Lehokuñ ya Modimo, le kwa thapeloñ. Lo tla gola mo tshegohacoñ le mo go itseñ Keresete; me lo tla tsènèla kwa teñ teñ ga go tlwaèlana le dilò tsa gagwè.

Go dirèla batho ba bañwe ka pelo e e sa ikgopoleñ go tlo go nee motho boènè tota boteñ, le nitamò, le bontlè yo bo chwanañ le bontlè yoa ga Keresete; me go leretse motho eo o ruileñ dilò tse kagishò, le boitumèlò. Maikutlò a pagamisediwe kwa godimo.

Ga goa chwanèla sebaka sa bobodu le sa boithatò. Ba ba itlwaetsa go dira ditirò tsa SeKeresete yalo, ba tla gola. me ba tla nonoha go dirèla Modimo. Ba tla lemoga sentlè dilò tsa Semèea; nonohò ea bònè mo thapeloñ e tla golèla kwa pele; me tumèlò e e nitameñ, e sa tshikènyegefñ e tla nna ea bònè. Mèea oa Modimo, ka o elame Mèea oa bònè, o ntsha dipina tse dintlè tsa pelo tsa bònè di intshiwa ke go itèwa ke monwana oa Modimo. Ba ba inèlan yalo go dirèla ba bañwe ka botlhòka boithatò, rure e ka nna bònè ba ba itirèlañ polokò ea bònè.

[95]

Mokgwa o moñwe hèla o go ka golwañ mo tshegohaeoñ ka òna, ke gi dira ka loratò hèla tirò e Keresete o rileñ re e dirè, eboñ ka thata eotlhe e re nañ naeò go thusa, le go segohatsa ba ba tlhòkañ go thusiwa. Thata e bònwa ka go dira. Go itshikinya ke go itshedisa. Ba ba reñ ba otlà botshelò yoa tumèlò ka go amogèla matshegò a a tlañ ka mokgwa oa go nna mo phuthegon hela, me ba sa dirèle Keresete ka sepè, ba chwaua le batho ba ba tshelañ ka go ya hèla, me ba sa dira sepè. Me hèla yaka go nntse mo mmediñ, mo botsheloñ yoa mòea go nne hela yalo, go tle tshenyègò le go bola. Ha motho a ka gana go tshikinya ditokololò tsa gagwè di ne di tla paralala hèla ka bonakò, di be di sa tlhole di na le go chwara sepè. MoKeresete le ènè eo o ganañ go dirèla Modimo ka dithata tse o di mo neileñ ga a kake a golèla mo go Keresete, me thatanyana eo na a na naeò galè e tla nyelèla.

Phuthègò ea ga Keresete ke èona e laocweñ ke Modimo gore e tlisè batho mo polokoñ. Tirò ea èona ke go tsamaisa Efangele mo leliatshiñ. E bile ke chwanèlò e e laolecwañ BaKeresete botlhe hèla. Moñwe le moñwe, o chwanetse go dira yaka taecò ea Mmoloki e bua, kaha nonohoñ, le kaha sabakeñ se o se neecweñ. Loratò loa ga Keresete lo re lo senolecweñ, lo beile molato mo go rona kaga ba ba sa mo itseñ. Modimo o re neile lesedi, eseñ go nna ya rona rosi, e leñ gore le sedihalèlè bònè.

[96] Ha balatedi ba ga Keresete ba ka bo ba cogile sentlè go itse chwanèlò ea bònè, go ka bo go le bontsintai yoa batho, kwa gompiyeno go na le a le moñwe hèla, go bolèla Efangele mo dichabeñ tse di mo lehihiñ. Me botlhe ba ba retelecweñ go ea tiroñ e ka bosì, ba ka bo ba thusa ka thoto tsa bone, le ka merapèlò ea bònè. Le mo mahatshiñ a go tweñ a Ba Keresete, go ka bo go tlhoahalèlwa batho go ba lere mo polokoñ.

Ha re rata go dirèla Keresete ga se go re re chwanetse go ea mahatshiñ a bahaitene; leha e le go cwa mo gae, leha e le mo go ba ba tikologoñ ea legae, ha e le gòna kwa tirò e e re lebanyeñ e gòna. Re ka dira mo gae, mo Phuthegoñ, le mo go ba re nañ nabò, ba re tlwaelanyeñ nabò, le mo go ba re dirahanañ nabò.

Bogolo yoa tirò ea Mmoliki oa rona yale ka a tshedile mo lehalshiñ, yoa dirwa a le mo tluñ e go betlelwañ mo go èona kwa Nasaretha. Ea ne ea re a tlhakanye a nntse le batho ba babòtlana a na le badiri a bapile nabò, Morèna oa Botshelò a patwa ke baengela

ba ba mo dirèlañ, me a bo a sa lemogwè, a sa tlotlwe. O rile a nntse a dira yalo ka mabògò, a bo a nntse a le mo tseleñ e o romilweñ mo go eòna hèla, yaka kwa moragò ha a hodisa babobodi, goñwe a tsamaea ka dinaò mo godimo ga dintèlò Isa Lewatle ya Galile, a le mo gare ga macubucubu a phehò e kgolo. Hèla yalo, le mo ditiroñ tse di pòtlana, le mo maemoñ a a kwa tlhatsetlhatse, re ka sepala le Yesu, re ba re dira naè.

Moaposloli a re, “Boèmò yo motho moñwe le moñwe o bidicweñ a le mo go yòna, a a nne mo go yòna a na le “Modimo.” 1 Bakor. 7: 24. Modiri o ka tsamaisa tirò ea gagwè ka mokgwa o, o tla galaletsañ Mon oa gagwè ka òna, ka ntlha ea boikanyègò yoa gagwè. Ha e le molatedi rure oa ga Keresete, tumèlò ea gagwè e tla ea naè mo go cotlhe tse o di chwarañ e ba e senolèla batho Mòea oa ga Keresete. Mmerekì o ka nna moetsi oa Eo o na a bereka a agile mo ditholeñ tsa Galile, ha a le tlhaga le boikanò mo mmerekoñ oa gagwè. Moñwe le moñwe Eo o ipitsañ MoKeresete o chwanetse go dira, gore ba bañwe ba galaletsè Mmopi le Morekolodi oa bònè, ka go leba ditirò tsa gagwè tse di siameñ. [97]

Ba le bantsi ba italoitse mo go ntshetseñ tirelò ea ga Keresete dilò tsa bònè. ba re go na le ba ba humileñ bogolo go bònè, ba bile ba mo maemoñ a a kwa pele ga bònè. Mogopolò o, o kganelse batho ba le bantsi, ka go twe, ba ba etleetsegileñ bogolo bogolo ke bònè ba le bosì ba ba chwanetseñ go inèla mo tirèloñ ea Modimo. Yanoñ goa tlo go buiwe ke ba le bantsi ba re, dinèò tsa Modimo di abèlwa ba ba ratwañ hèla, me ba bañwe baa tiñwa; me ba ba timilweñ ga ba bilidiwe tiroñ leha e le maduon. Me ga goa bolèlwa yalo mo sechwanoñ. E rile moñ oa ntlo a bitsa batlhanka ba gagwè, a neèla moñwe le moñwe tirò e e leñ ea gagwè.

Ha re na le pelo e e ratañ re ka dira le ditironyana tse di nnye hèla yaka go Morèna. Bakolosa 3: 23. Ea re ha loratò loa Modimo lo le mo peduñ, lo tla ipònatsa mo botsheloñ. Lonkò lo lo monate loa ga Keresete lo tla re tsena gare lo re dikanyeletsa, me re tla nna thushò le tsbegohacò mo go ba bañwe.

U se ka ua leta dipaka tse di kgolo, leha e le go lebèlela nonohò e e gakgamatsañ u e se u ee tiroñ ea Modimo. U se ka ua ithaea ua re, ana ba lehatshe ba tla reñ kaga gago? Ea re ha botshelò yoa gago yoa ka malatsi aotlhe bo shupa bontlè le bophepha. yoa tumèlò ea

gago, me ba bañwe ba bònà sentle ha n eletsà go nna mothusi oa bònè, go leka ga gago ga go ketla go latlhèga hèla.

[98] Barutwa ba ga Yesu le ba ba bòtlana thata ba ka tlgògònòlòhatsa ba bañwe. Motlha moñwe ga ba ketla ba lemoga ha ba dira señwe se se molemò thata, ecwa ba ka simolola ka tirò ea bònè e ba nna thushò ñwe e e tla golèlañ pele, le tshegohacò e kgolo, e e atlhameñ e macò a eòna ba se ketlañ ba a itse, go tla go tsamaea a senolwe mo letsatsin ye legolo ya bohèlò. Ga ba itse, ga ba ikutlwe ha ba dira señwe se segolo. Ga go lopiwe mo go bònè, gore ba itapise ka go re, a yana, a phenyò e tla bònala? Ba na le go cwelèlèla pele hèla ba tuuletse, ba nntse ba dira kaha Modimo o ba abetseñ tirò ka teñ; me go tshela ga bònè ga go ketla go nna lehèla. Meòea ea bònè ka bosì e tla nna e golèla pele mo chwanoñ ea ga Keresete: ke badiri mmogò le Modimo mo botsheloñ yono, me yalo ba bo ba ipaakanyetsa tirò e kgolo e e kwa pele, le go nna mo boitnmèloñ yo bo senañ bohutsana bope mo botsheloñ yo bo tlañ.

Ke mañ eo o len mocwedi oa lesedi le botshelò Le boitumòlò?

Ke eñ se e ne ele boitumèlò mmoloki?

Tirò ea baengele ke eñ?

Mòea oa legodimo ke eñ?

A loratò loa Keresete lo ka shuywa mo peduñ?

Loratò loa ga Yesu lo tla shupiwa yañ?

Se se tla gogèla go eñ?

O na a tshela botshelò ye bo ntseñ yañ mono lehatshiñ?

Maikaelèlo a gagwè ènè ele eñ mo botsheloñ yoa gagwè?

Ke eñ se se ne se se na karolo mo tiroñ ea gagwè?

Balatedi ba gagwè ba tla ipakanya go dira eñ?

Ha moñwe a tla go Keresete keleco ea gagwè ke eñ?

Ke tla rata gore ba bañwe ba bònè eñ?

Go tshegohatsa ba bañwe go tla re dirèla eñ?

Tlotlo e kgolo e Modimo o ka e naeañi motho ke eñ?

Re leriwe yañ mo kutlwèloñ botlhoko ea ga Keresete?

Botshelò e ka na letshegò yañ mo go rona hèla?

Ha u dirèla meoa o chwanetse oa na le eñ?

Diteko di tla go kgweletsa go eñ?

U tla gola yañ?

Go dirèla ba bañwe kwa ntlè ga go timana go tla go naeañ?

Ke eñ se se se nañ manno?

Re dirèla yañ poloko ea rona?
 Ba leka go dira eñ ba ba amogelañ matshego a ga Keresete ba sa
 mo direle sepè? [99]
 Bohèlo ke eñ?
 Kereke ke eñ?
 Go tirò ehe e e mo diatleñ tsa Mokeresete moñwe le moñwe?
 Ha balatedi ba ga Keresete ba na ba le tlhaga ba ka bo ba dira
 eñ?
 Re ka dira kae gapè?
 Keresete o na a senya kae bogolo yoa nako ea gagwè mo lehat-
 shiñ.
 Motho o chwanetse a kgweetsa yañ tirò ea gagwè?
 Motlhanka o chwanetse a dira yañ tirò ea gagwe?
 Ba bañwe ba dira seipato sehe?
 Morèna o na a naea moñwe le moñwe eñ?
 Re chwanetse ra dira yañ tirò ñwe le ñwe?
 Go kgona ga rona go tla dirèlañ ba bañwe?
 Ba ba humanegileñ ba ka na eñ go ba bañwe?
 Ba chwanetse ba cwèlèla pele yañ?
 Ba ipakanyetsa eñ? [100]

10. DITHUSHO TSA BOTSHELO YOA SEKERESETE

Go na le mekgwa e mentsi e Modimo o senkañ go re ikitsise ka eòna le go re kopanya le Ona ka eòna. Lobopò lo bua le maikutlò a rona ka metlha. Pelo e e bulegileñ e tla gakgama lèla loratò loa Modimo, le kgalalelo ea Ona, tse di senolwañ ka ditiro tsa diatla tsa Ona. Tsèbè e e reeditseñ e ka utlwa, e ba e tlhaloganya mancwe a Modimo, a o buañ ka aòna ka dilò tsa lobopò. Naga e e tala, le ditlhare tse di godileñ, le dikukunya, le dicheshe, le leru ye le sesèlañ, le pula e e nañ, le nokana e e phothoselan, le dikgalalelò tse di bònalañ kwa loapiñ, cotlhe di bua le dipelo tsa rona, me di re biletsa kitsanyoñ le mmopi oa còna.

Mmoloki oa rona o na a bòhèlèla dilliutò tsa gagwè ka dilò tsa tlliolègò. Ditlhare, le dinònyane, le dicheshe tse di tidiheñ, le dithabana, le bodiba, le magodimo a mantlè, le còna ditirahalò tsa ka malatsi aollhe, tsa chwaragañwa cotlhe le mahoko a boamarure, me e le gore, dithutò tsa gagwè di gakologèlwè ka galè ka galè, le motho a le ha gare ga ditirò, le ditlhodiegò tsa bolshelò yoa gagwè le letsapa ya yòna.

Modimo o rata gore ditirò tsa Ona di lebosègè mo baneñ ba Ona; le gore ba kgatlhwè ke bontlè yo o kgabisitseñ legae yoa rona ya lehatshe ka yòna. Ona, o rata dilò tse dintlè; me o rala bontlè yoa maitsèò bogolo go bontlè yo bo kgatlhañ yoa bokahanllè. O eletsa gore re totisè bophepha yoa pelo le bosisi, re etsè go kgaba ga dicheshe.

[101]

Ha re ka reetsa hèla, dibopiwa tse Modimo o di tlhodileñ di tla re ruta dithutò tse di eletsègañ tsa kutlwò, le tsa boikanyò. Go simolola ka dinaledi, tse di saleñ di tsamaea mo ditseleñ tsa còna tse di senañ motlhala, e le ditsela tse di di laolecweñ e sale ka tlhòlègò, go tla mo tlhakanyañeñ e nnye ea lorole dilò tsa tlholègò cotlhe hèla di utlwa go rata ga Mmopi oa còna.

Me Modimo o tlamela, o bile o tshegeditse cotlhe tse o di tlhodileñ. Ona o o tshegeditseñ mabatshe, eboñ dinaledi, mo sebakeñ

se se senañ bolekaneyeco o nntse o tlamela le thaganyana e e tleñ e letse molodinyana oa eòna e sena poiho. E re batho ba bololèla tiroñ ea bònè ea malatsi, o ba lebile, hèla yaka ha ba le mo tlapeloñ: ea re ba italetsa ha hatshe ka maabanyane, le ba coga mo moshon; ea re mohumi a ya a kgora mo lolwapeñ loa gagwè lo lo atlhameñ, goñwe mohumanegi a phuthèla bana ba gagwè go ba cholèla bonnye yo o nañ nayò botlhe hèla ba okañwe ke Rara oa Legodimo. Ga go chologe dikeledi dipè tse o sa di tlhokomeleñ. Ga go na boitumèlò bope yo o sa bo eleñ tlhòkò.

Ha re ka bo re dumetse lehoko ye ka botlalò, go ka bo go sena tlhodiègò epè e e ka re chweñyañ. Botshelò yoa rona bo no bo se kella bo tlala dipelaèlò yaka bo nntse yana; ka go bo dilò cotlhe tse di tona le tse di pòtlana di ne di tla beèwa mo diatleñ tsa Modimo me Ona ga o itse go huduiwa ke bontsintsi yoa ditiròtirò, leha e le go imèlwa ke bokete yoa còna. Hoñ re ne re tla ya monate mo peduñ ka boitapologò yo re saleñ re kgaogana nayò bogologolo.

Hèla yaka megopolò ea lona e itumèlèla bontlè yoa lehatshe go bo leba, gopolañ lehatshe ye le tla tlañ, ye le se ketlañ le itse phishò ea boleogopè; le kwa go se ketlañ go tlhòla go bonwa lehihi ye le tlañ ka phucò gopè. A pelo ea gago e tlhatlhanyè legae ya ba ba rekolocweñ, me u bo u itse ha le tla gaisa gotlhe mo u ka go akanyañ ka kgalalèlò ea yeòna. Ha re leba dinèò tsa Modimo mo lobopoñ re bònà ka looto hèla marañ a se kae a kgalalèlò ea òna. [102]

Me re bua hela yaka go kwadilwe, ga twe, ke Dilò tse leitlhò le se kañ ya di bònà, le tse tsèbè e se kañ ea di utlwa, le tse di se kañ tsa tsèna mo peduñ ea motho, eboñ dilò cotlhe tse Modimo o di baakanyeditseñ bònè ba ba o ratañ. Me Modimo o di senoletse rona ka Mòea: gome Mòea o hukutsa dilò cotlhe, E, le dilò tse di boteñ tsa Modimo. — 1 Bakor 2: 9, 10.

Bo Motlhaba dipakò, le Mokeleki oa dilò tsa lobopò, ba balèla dilò di le dintai kaga dilò tse di bopilweñ; me MoKeresete ke ènè eo o lemogañ bontlè yoa lehatshe me bo mo nee boitumèlò yo bo gaisañ ka go bo hitlhela e le tirò ea ga Rragwè, me o lemoga loratò loa gagwè mo dichesheñ le mo ditlhatshaneñ, le mo ditlhariñ le mo boyañeñ, le mo merogon. Ha motho a leba dithaba, le melapo, le dinoka, le mawatlè, me a sa lemoge ha e le dineò tsa loratò loa Modimo, tse o di abetseñ batho ke gore motho eo, ga a lemoge sepe se e leñ shòna.

Modimo o bua le rona ka ditirò tsa dipabalèlò tsa Ona, le ka go nna ga Mòea oa òna mo peduñ. Mo diloñ, le mo ditiroñ tse re emeñ ha gare ga còna, le mo diphetogoñ tse di dirahalañ ka malatsi aotlhe, go na le dithutò tse di thusañ thata ha matlhò a dipelo a apogile gore a di bònè. Mokwadi oa Pasalema o rila a tlhotlhomisa motlhala oa pabalèlò ea Modimo, a re, “Lehatshe le tletse bopelonoini yoa ga Yehofa yoa loratò.” Pesal. 33: 5. Leha e le bomañ ba ba botlhale, ba tla èla dilò tse tlhòkò, me ba tla akanya mautlwèlò botlhoko a ga

[103]

Yehofa. — Pesal. 107: 43.

Modimo o bua le rona ka lehoko ya Ona. Me mo go yeòna go mancwe a a utlwalañ ka tlianolò, a bolèla kaha o nntseñ ka gòna, le kaha O dirañ ka gòna mo bathuñ, le kaga tirò e kgolo ea thekololò ea batho, Mo go yeòna go petlègile ha pele ga rona polèlò kaga ditlhògò tsa dichaba, le baperofeti, le banna ba bañwe ba baitshepi ba bogologolo. “E ne e le batho ba ba bopegileñ yaka rona”. Re bòna yaka ba ne ba shukashukana le dilò tse di ñodiegisañ pelo tse di chwanañ yaka tsa rona, le yaka motlha moñwe ba wèla mo dithaèloñ yaka rona, me ba nametsèga, ba lekèla pele, me ba henyà ka thushò ea Modimo, me le rona re kgwathadiwa ke go leba bònè, me re lekèla pele kwa tshiamoñ Ha re bala kaha ba neilweñ thushò ka gòna, le yaka ba ithutile, le kaga lesedi ye ba le neilweñ, le loratò, le tshegohacò tse ba yeleñ monate oa còna, le tirò e kgolo e ba e dirileñ ka thushò ea Modimo e ba e neilweñ mòea o o noñ o tuka mo go bònè o tukise kelecò e e boitshepò mo dipeduñ tsa rona; me re eletse go ba etsa mo maitseñ a rona, le go sepela le Modimo yaka bònè.

Yesu o buile kaga Dikwalò tsa kgolaganò e e Kgologolo, a re “Ke còna tse di shupañ kaga me”, ke le Yesu. Yohane 5: 39. Ke ènè go tlhomilweñ mo go ènè cholohèlò ea rona, ea go bòna botshelò yo bo sa khutleñ”. E, Bibe e e e bolèla kaga Keresete, go simolola ka polèlò kaga tlholò ea lehatshe,—“Ka gonne kwa ntlè ga gagwè go no go se ka ga dirwa sepè”. Yohane 1: 3. Ga re, go cwa tshimologoñ go tla lehokuñ ya bohèlò ya cholohecò ye le reñ “Bònañ ke tloga ke tla ka bonako.” Tshenolò 22: 12. Rea bo re nntse re bala kaga ditirò tsa gagwè re reeditse lencwe ya gagwè Yesu. Ha u rata go itsanye,

[104]

le Mmoloki oa rona, ithutè u bo u akanyè Dikwalò tse di Boitshèpò.

Tlatsa pelo eotlhe ka Mahoko a Modimo. Aòna, ke metsè a a tshedileñ, a a timañ lenyòra ye le hisañ mo go wèna. Aòna ke

senkgwè se se tshedileñ, se se cwañ legodimoñ. Yesu o bole tse, a re, “Ha lo sa ye nama ea Morwa Molho, ha lo sa nwe madi a gagwè, ga lo na botshelò mo go lona”. Me a phutholola mahoko a ke a buañ le lona ko aòna mòea, e bile ko aòna botshelò” Yohane 6: 53, 63. Mebele ea rona e agèlèlwa ka se re se yañ le se re se nwañ; me hèla yaka go nntse mo diloñ tsa semmele, mo diloñ tsa semòea go nntse hèla yalo; dilò tse re di akanyañ mo peduñ, ke eòna tse di nonotshañ, di ba di godisa botshelò yoa semòea mo go rona.

Tirò ea thekololò ke selò se baengela ba ratañ go leba boteñ yoa shòna: gapè e tla nna shòna pina le pòkò ea ba ba rekolocweñ go ea le metlha e e sa heleñ, ea bo sa eñ kae. A ga ea chwanèla mogopolò o o kèlotlhòkò, le boithutò yanoñ? Go Kutlwèlò botlhoko e e senañ polèlò, le loratò loa ga Yesu, le boinèlò yoa gagwè gore a dirèlè rona, ke dilò tse di re biletsañ kwa mogopoloñ o o masisi, le boikgakololò yo bogolo. Re chwanetse go akanya thata kaha Morekolodi eo o ratègañ oa rona le Morerapeledi o nntseñ ka gòna. Re chwanetse go akanyetsa tirò ea Eo o na a tla go golola balho ba gagwè mo dibeñ tsa bònè, me yana hèla yaka re tthatlhanya dilò tse, tsa selegodimo, tumèlò ea rona, le loratò loa rona di tla nonohalèla kwa pele; me le merapèlò ea rona e tla lebosèga bogolo ha pele ga Modimo, ka e tla bo e tlhakanye le tumòlò, le loratò. E tla utlwèga bogolo, e ba e tlhòahala bogolo. Go tla nna boikanyò yo bo nitameñ mo go Yesu, le go ikutlwa ka malatsi aotlhe, ha a nonohile go bolokèla rure botlhe ba ba tlañ Modimoñ ka èna.

[105]

Ha re akanya maitekanèlò a Mmoloki oa rona, re tla eletsa go helolediwa rure, le j;o shahalediwa mo chwanoñ ea boilshèpò yoa gagwè. Go tla nna tlala le lenyòra mo peduñ ya go re, re nnè yaka èna eo re mo obamèlañ. Ha megopolò ea rona chwere Keresete thata hèla yalo re tla bua le ba bañwe kaga gagwè, me re tla mo shupetsa lehatshe ka botshelò yoa rona.

Bibele ga ea kwalèlwa batlhale ba le bosì; e kwalecwe le ba e leñ batho hèla. Mahoko a magolo a boamarure a a bolèlañ polokò. a nntse phepa hèla yaka motshegare; me ga go na opè eo o ka hosañ, leha e le go timèla, ha e se ba ba itsamaèlañ kaha mogopoloñ oa bònè hèla ba sa tlhokomele se Modimo o se boletseñ ka thanolò mo Lehokuñ ya Ona.

Ga rea chwanèla go amogèla chupò ea ga opè kaha Dikwalò di rutañ ka gòna; me re chwanetse go ithuta mahoko a Modimo ka rosi.

Ha re leseletsa ba bañwe go re gopolèla kaga yeòna, bonatla yoa rona bo tla gòlahala, le nonohò ea rona e tla khuagana hèla. Manatla a magolo a tlhaloganyo a ka ñotlahadiwa mo gogolo ke go tlhòka go akanyetsa dilò tse dikgolo, ba retelèlwe ke go chwara dilò tsa boteñ tsa Lehoko ya Modimo. Tlhaloganyò ea motho e tla golèla pele ha a tlhotlhomisa motlhala oa tse di bolecweñ mo Bibeletse, le ha a bapisa lehoko leñwe le ye leñwe, le dilò tsa semòea le dilò tse diñwe tsa semòea.

Ga ho na sepè se se naeñ motho tlhaloganyò go gaisa go ithuta Dikwalò tsa Bibeletse. Ga go na lokwalò lopè lo sele lo lo nonohileñ go choletsa megopolò, le go natlahatsa maikutlò a motho yaka mahoko a boamarure a athameñ, a a godisañ botho yoa motho yaka Bibeletse. Ha batho ba ka bo ba ithuta Lehoko ya Modimo yaka ba chwanetse ba ka bo ba na le megopolò e e itekanetseñ, le maitsèd a mantlè, le tlhòmamò ea maikaèlèlò e e se keñ e bònwa ha e se motlha o moñwe hèla.

[106]

Me go bala Dikwalò tsa Bibeletse ka Potlakò ga go thuse sepè. Motho o ka bala Bibeletse eothle hèla a e shwetsa, me a tllaèla go bònna bontlè yoa eòna, le go tlhaloganyo phuthololò ea eòna ea dilò tse di kwa teñ, tse di, hitlhegilen mo go eòna. Temana e le ñwe hèla, ha e akanyediwa go tsamaea e bònala sentlè kwa a kaèlañ gòna, le go lemogwa boèmò yoa eòna mo moreroñ oa polokò, go molemò bogolo go palò ea dikgaolò di le dintsi, ha go sena sepè se se latelwañ, le se se ithutwañ mo go eòna. A Bibeletse ea gago e nnè ha go wèna. U re bònna lobakanyana u balè mo go eòna; mamaretsa ditemana. mo mogopolon oa gago. Le ha u tsamaea mo nageñ u ka bala temana ñwe, u e akanyè, me yalo e tla tlhòmama mo mogopoloñ.

Ga re kake ra bapala botlhale ha e se ka kelòtlkòkò, le ka go ithuta ka thapèlò. Ditemana tse diñwe, le galè motho ga a kake a hosa se di se kaeñ; ka se bònala hèla. Phuthololò ea tse diñwe e kwateñ, me e sa kake ea bonwa ka tebò e le ñwe hèla. Temana e chwanetse go bapisiwa le temana e ñwe, gore di phuthololanè. Go chwanetse go nna kelekò e e kelo tlhokò, le go akanya ka thapèlò, me boithutò yo bo nntseñ yalo bo tla thusa thata, bo tla tla le maduò. Hèla yaka moepi oa ditshipi a tle a hetlhèle motlòbò oa ditshipi tsa tlhòkègò mo teñ ga lehatshe, yalo hèla èna eo o kelekañ Lehoko ya Modimo ka boichòkò, yaka ha a ka bo a senka khumò e e hitlhegileñ

o tla hitlhèla mahoko a nnete a a tlhwatlhwa e kgolo, a a hitlhegetseñ pònò ea eo o batlañ ka bochwakga. Mahoko a Modimo, ha a akañwa mo peduñ, a tla nna yaka di kelèlo tsa metsè tse di cwañ mocwediñ oa botshelò.

Bibele ga ea chwanèlwa goithutwa gopè ha e se ka thapèlò. Ea re re e se re phutholole ditsèbè tsa èna, re chwanetse go lòpa lesedi ya Mòea o o Boitshèpò, me re tla le nèwa. E rile Nathanaele a tla kwa go Yesu, Morèna a re, “Bònañ MoIseraela oa nnete eo go senañ boherehere mo go èna”. Me Nathanaele a re, “U nkitsile kae?” Yesu a mo araba, a re, “Erile pele, Filipino a e se a gu bitse, me u le ha tthatse ga setlhare sa Mofeige, ka gu bòna”. Yohane 1: 47, 48. Me le rona, Yesu o tla re bòna re le mo maipoleloñ a thapèlò ha re senka lesedi mo go èna gore re itse se e leñ boamarure. Baengela ba ba cwañ lehatshiñ ya lesedi, ba tla nna le batho ba ka boikokobecò yoa pelo ba ba tlañ kgògò ea SeModimo.

[107]

Mòea o o Boitshèpò o tlotla, o galaletsa Mmoloki. Tirò ea òna ke go baea Keresete ha pele ga rona, le bophepa yoa tshiamò ea gagwè, le polokò e kgolo e re e bònañ ka èna. Yesu a re, “O tla chola ga me, me o tla go shupetsa lona”. Yohane 16: 14. Mòea oa boamarure ko òna Moruti oa nnete o le osi oa thutò ea SeModimo. A bo Modimo o tlotlile losika loa batho ka bogolo yañ, ka o ntshitse Morwa Ona, gore a ba shwèlè, o bile o ba laoletse Mòea oa Ona, go nna Moruti oa bònè, le moshupatsela oa ka metlha eotlhe.

Modimo o re ikitsise yañ?

Mmoloki o na a bòna kae dilò tse o na a ruta ka còna?

Ke go reñ?

Modimo a rata gore re nne le legae ye le ntseñ yañ?

O batla gore re rata eñ?

Ditirò tsa Modimo di tla re rutañ?

Ke bomañ ba ba disicweñ ke Rara?

O bòna eñ?

Dikgathacò le dicwenyegò tsa rona re chwanetse ra di tlogèla kae?

Ke mañ o o itumèlèlañ bogolo mantlè a lehatshe?

Modimo o bua yañ le rona?

Re bòna kae ponatshegò e e phepha ea gagwè?

Ke dicò tsa ga mañ tse di bolewañ mo Lehokuñ?

Yaka bònè, re chwanetse ra dira eñ?

[108]

Yesu a rileñ kaga dikwalò tse di boitshèphò?
Re tla yañ go re re tlwaèlè Mmoloki?
Pelo e chwanetse gore e be e tletse eñ?
Mahoko a Modimo ke eñ?
Re chwanetse ra ithuta eñ?
Re chwanetse ra romèla merapelo e e ntseñ yañ?
Re chwanetse ra eletsa eñ?
Bibele e kwalecwe bo mañ?
A re chwanetse ra itse ka borosi se Bibele e se rutañ?
Tlhaloganyo e nonohadiwa yañ?
Lehoko ya Modimo le tla naeañ batho?
Re chwanetse ra ithuta yañ Bibele?
Re bòna yañ botlhale?
Pele ga re simolola go bala Bibele re chwanetse ra dira eñ?
Ke mañ o re bonañ ha re rapèla?
[109] Mòea o o Boitshèpò o re direlañ?

[110]

11. CHWANELO EA THAPELO

Modimo o bua le rona ka lobopò, le ka Lehoko ya Ona, le ka tirò ea Mòea oa Ona. Me dilò tse ga dia lekana; le rona re chwanetse go tshèlèla pelo tsa rona ha go Ona. Re chwanetse go kopana sebele le Rra oa Legodimo, gore re tshelè botshelò yoa semòea ka bonatla, le ka bocwèlèlò pele. Pelo ‘tsa rona di ka gogègèla kwa go ènè: re ka akanyetsa ditirò tsa gagwè, le dithushò tsa òna Modimo, le ditshegohacò tsa Ona; me mo ga se bokopanò yo bo tletseñ. Go kopana le Modimo rure, ke go na le señwe se re se o bolèlèlañ kaga botshelò yoa rona tòta yoa ka malatsi aotlhe.

Go rapèla ke go bulèla Modimo moyakò oa pelo, yaka ha pelo e bulèlwa tsala. Le galè, ga go lopiwe gore re itsise Modimo popègò ea rona; me thapèlò ke rona go ipaakanyetsa go shola Ona Modimo. Thapèlò ga e holosetse Modimo kwano go rona, me e re choleletsa kwa go Ona.

E rile Yesu a le mo leliatshiñ, a ruta barutwa ba gagwè kaha go ka rapèlwañ ka gòna. A ba kaèla gore ba bolèlèlè Modimo dilò tse ba di tlhòkañ ka letsatsi leñwe le leñwe, le gore ba latlhèlè ditlhodiègò cotlhe tsa bònè mo go Ona. Me yaka a ba tlhòmamisetsa ha merapèlò ea bònè e tla utlwiwa, le gòna ke tlhòmamisecò ea rona.

Yesu ka esi, o rile a le mo bathuñ a nna a rapèla ka galè. Mmoloki oa rona a itlwaetsanya le matlhòkwa le makòa a rona, me e le ka gòna a itira mokopi le molòpi; a nna a batla dithushò tse dincha mo go Rragwè, gore a cwèlè kwa tiroñ, le kwa ditekoñ a nonohile ka nonochò ea selegodimo. Ke ènè sekaò sa rona mo diloñ cotlhe. Ke mokauleñwe oa rona ka go itse dinyèma tsa rona. “Ka a na a raèlwa mo diloñ cotlhe yaka rona”, me ka a sa itse boleo a tshaba tse di bashula; a ichokèla ditlhokohacò tsa pelo mo lehatshiñ ya boleo. Me ka e ne e le motho, botho yoa gagwè yoa dira gore go rapèla ke chwanèlò, le tshegohacò. A bònna kgomocò le boitumèlò mo go kopaneñ le Rragwè. Me yana ha Mmoloki oa batho, le Morwa Modimo a na a ikntlwa ha go rapèla e le thushò, bogolo yañ

[111]

batho hèla ba ba bokòà, ba ba boleo, ba chwanetse go ipòna ha ba chwanetse go rapèla ka tlhòahalo, le ka galè.

Rra echo oa Legodimo o letile rona gore a beè tshegohacò ea gagwè mo go rona ka botlalò. Re neecwe go nwa ka botlalò mo mocwediñ oa loratò o o senañ tekanyò. Ke kgakgamacò yañ ha re rapèla go le go nnye hèla yaka re dira. Modimo o ikeetleditse, o bile o rata go utlwa thapèlò e e itshekileñ ea bana ba Ona le ba e leñ babòtlana hèla; me leha go nntse yalo goa bònala ha re ikgogona thata, me re tsiaba go itsise Modimo tse re di tlhòkañ. Ana baeugela ba legodimo ba ka gopola yañ kaga bana ba batho ba ba senañ thushò, ba ba raèlwañ, me pelo ea loratò ea Modimo e ba tlhologelecwe, e ipaakanyeditse go ba abèla mo go hetañ topò le mogopolò oa bònè; me bònè ba itsHEMELETSa go rapèla; ba rapèla go le gonnye, me ba bile ba na le tumèlò e nnye hèla? Baengela ba itumèlò go obama ha pele ga Modimo; ba rata go nna gauhi naò. Ba kaea go kòpana le Modimo boitumèlò yo bo hetele-tseñ; me leha go nntse yalo, ba lehatshe, ba ba tlhòkañ thushò e ba ka e nèwañ ke Modimo o le osi ba itumèla go tsamaea lièla kwa ntlè ga lesedi ya

[112] Mòea oa Ona, le kwa ntlè ga bokopanò yoa sebònalò sa Ona.

Lehihi ya ga Satane eo mpe le akareditse ba ba tlhokomologileñ thapèlò. Dithaèlò tse mmaba o di ba sebetsañ di ba hepisetsa kwa boleuñ; me gotlhe hèla e be e le ka ba sa shwele molemò dithushò tse Modimo o ren o di ba naea mo thapeloñ e o e ba laoletseñ. Ke ka ntlha eañ bomorwa Modimo le bomorwadia Ona ba itsemele tsa go rapèla? A ga ba itse lia thapèlò e le sekopololò se se chocweñ ke seatla sa tumèlò go bula mabolokèlò a legodimo, kwa go bolokecweñ dikhumò tse di sa kakeñ tsa èlwa, tsa Mothataeotlhe gòna? Ha re sa rapele ka tlhòahalò, le ka tishò e e sa lapeñ, ga rona ke go atlahala le go hapoga tsela e e siameñ. Moganetsi o senka ka metlha eotlbe go kaba tsela e e eañ sennoñ sa boutlwèlò botlhoko, gore re se ka ra isa mekokotlèlò ka tumèlò, go batla thushò, le thata ea go ganèla le dithaèlò tsa mmaba.

Re ka sholohèla ha Modimo o tla utlwa, o ba o araba merapèlò ea rona ha re dira dilò tse di lopilweñ mo go rona. Sa ntlha ke go ikutlwa ha re tlhòka thusho e e cwañ go Ona. O re sholoheditse ka go re “Ke tla tshèla metsè mo go ènè eo o nyorilweñ, le dinokana mo lehatshiñ ye le omeletseñ”. Isa. 44: 3. Ba ba bolaèlwañ tshiamò ke tlala le lenyora, ba tlhologelecwe Modimo, ba ka itse rure ha ba

tla kgorisiwa. Me pelo e chwanetse go bulègèla Mòèa, gore o tsènè; ha go sa nna yalo, tshegohacò ea Modimo e bo e sa kake ea cholwa.

Go tlhòka ga rona mo gogolo ke se se chwanetseñ go re kgola, le go re bolèlèla ka mo go utlwalañ. Me Morèna o chwanetse go atamèlwa gore a re dirèlè dilò tse. Enè a re, “Lopañ, me le tla nèwa”. Mat. 7: 7. Ona o o se kañ oa rèkègèla eo e leñ Morwa òna, me oa mo neèlèla rona rotlhe loshuñ, ana o tlhòka yañ go re naea hèla dilò cotlhe naè? — Baroma 8: 32.

[113]

Me ha re tlhokometse boikèpò mo dipeduñ tsa rona, ha re ñapare tse sebe señwe se se itsegeñ, Morèna ga a ketla a re utlwa; me thapèlò ea moikwatlhahi eo o mòea o o phatlògsleñ, e cholwa ka galè. Ea re ha re siamisitse ditshiamololò cotlhe tse re ikitseñ ha re di dirile, re ka dumèla ha Modimo o tla utlwa merapèlò ea rona. Molemò o e leñ oa rona hèla ga o ketla o re dirèla boèmò ha pele ga Modimo. Ke molemò oa tshiamò oa ga Yesu o o tla re bolokañ; ke madi a gagwè a a re ntlahatsañ; me le rona re na le tirò ea rona, eboñ go dira yaka re kaecwe, gore re cholwè ke Modimo.

Se señwe se se tlhakanañ le thapèlò go e naea phenyò, ke Tumèlò. Me kwa ntlè ga tumèlò go reteletse rure go o kgatlha: gonne eo o tlañ Modimoñ o chwanetse go dumèla ha o leeò, e bile e le òna moduedi oa ba ba o batlañ. — Bahebera 11: 6. Yesu a raea barutwa ba gagwè, a re, “Dilò cotlhe tse lo di rapèlèlañ, lo di lòpa lo dumèlè ha lo di amogetse, me lo tla di bòna”. Marko 11: 24. A yana rona, a rea dumèla lehoko ya gagwè?

Tsetsepecò ea cholohecò e atlhame ga ea khutsahadiwa, me ènè eo o sholoheditseñ o boikañò. Ea re ha re sa amogele dilò tse re di lòpañ ka nakò e re di lopileñ, re chwanetse go dumèla hèla ha Morèna a utlwa, le go re, o tla araba merapèlò ea rona. Re tlhòka kicò thata, re bile re pònò e khuchwane me motlha moñwe re lòpa dilò tse di se ketlañ di re dirèla molemò, me Rra echo oa legodimo, ka loratò loa gagwè, o tla a arabe merapèlò ea rona, ka go re naea dilò tse di tla re lemòhalèlañ bogolo bogolo; me e be e le còna tse ha re ka boñ re itsile gale bonnete yoa còna ka kicò e e sedihetseñ, re ka bo re lopile còna tòta. Ea re ha go nna yaka ekete merapèlò ea rona e sa bone karabò, re chwanetse go tshegetsatsa choloheeò hèla; ka go bo lobaka loa go arabiwa lo tla tla rure; me re tla amogèla tshegohacò e re e tlhòkañ segolo bogolo. Me mogopolò oa go re, thapèlò e chwanetse go arabiwa ka bonakò hèla yaka go lopilwe, ka nakò le

[114]

ka mokgwa o go rapecweñ ka òna. Ke boitalecò hèla. Botlhale yoa Modimo ga bo kake yoa timèla. Modimo o molemò, me o sa kake oa gana go abèla batliòkgami sepè se se molemò, me ke gòna lo se ka loa boiha go ikanya mo go Ona, leha lo sa bone karabò ea merapèlò ka boheho. Ikaegañ lehoko ya gagwè ya cholohecò ya le tlhomameñ, ye le reñ, “Lopañ me lo tla se nèwa”.

Ha re gakololana le dipelaèlò le dipoihò tse di re tlhagèlañ, goñwe re leka go tlhaloganya cotlhe tse re sa di boneñ sentlè re e se re ne le tumèlò, dikakabalò di tla ntsihala, di ba di epègèla kwa teñ mo go rona. Me ha re tla mo Modimoñ ka go ikutlwa botlhòka thushò, le ka go tlhòka maikaègèlo hèla yaka re nntse, me le ka boikokobecò, le tumèlò e e ikanyañ, re ba re itsise Ona tse re di tlhòkañ, eboñ Ona o o itseñ gotlhe gotlhe hèla, le o o bònañ lobopò lotlhe, me o laola dilò cotlhe kaha go rateñ ga Ona, le ka lehoko ya Ona, o tla tlhokomèla selelo sa rona; me o tla tlhagisetsa lesedi mo dipeduñ tsa rona. Thapèlò ea nnete e tle e re kopanye le pelò ea Ona o o tletseñ ka lobopò lotlhe hèla. Motlha opè ga re ketla re bòna dichupò tsa go re, sehatlhògò sa Morekolodi oa rona se re okame ka kutlwèlò le loratò; me se nntse hèla yalo. Leha motlha moñwe re sa utlwe kamò ea gagwè e e bonalañ, leha go nntse yalo seatla sa gagwè se mo go rona ka loratò, le ka bopeloenana yoa kutlwèlò botlhoko.

[115] Ea re re atamèla Modimo go kopa chwarò le tshegohacò mo go òna, se se re chwanetseñ ke go kopa pelo ea loratò, le boichwarèlò go nna mo go rona ka rosi. Re ka rapèla yañ, ra re, “Ichwarèle melato ea rona, yaka rona re ichwarèla ba ba molato le rona”? Ha go le mdeà mo go rona oa go gana go ichwarèla. Ha re sholohèla, go re, merapèlò ea rona e tla utlwiwa, re chwanetse go ichwarèla ba bañwe hèla ka mokgwa o, le ka botlalò yo le rona re sholohetseñ go ichwarelwa ka yòna.

Gape go batlèga boichòkò mo thapeloñ ha re rata go amogèla se re se lòpañ. Re chwanetse go rapèla ka metlha eotlhe, ha re rata go gola mo tumeloñ, le mo tlwaèloñ ea tse di molemò. Ga twe, “Cwèlèlañ ka tlhomamò mo thapeloñ lo nntse lo lebeletse mo go eòna ka go ntsha malebògò”. Bakolosa 4: 2. Petere a re, “Lo ikgapè, gore lo bònè go ineèla mo thapeloñ”. 1 Petere 4: 7.

Paulo a re, “Lo se ka loa tlhobaediwa ke sepè; me mo diloñ cotlhe a ditòpò tsa lona di itsisiwè Modimo ka thapèlò le kokotlèlò, di na le tebogò”. BaFilipi 4: 6.

Yude a re, “Me lona, baratwa, lo re lo nntse lo ikaga mo tumeloñ ea lona e e itshepileñ segolo, le lo nntse lo rapèla mo Moeñ o o Boitshèpò.

Lo nne lo ipoloke mo loratoñ loa Modimo, lo nntse lo lebeletse kutlwèlò botlhoko ea Morèna oa rona Yesu Keresete, e e isañ botsheloñ yo bo sa khutleñ”. Yude 20, 21.

Thapèlò e e sa khutleñ ke bokopanò yo bo sa kgaogeñ yoa mèa oa motho le Modimo; me yalo botshelò yo bo cwañ Modimoñ bo èlèla mo botsheloñ yoa rona, me go le gonnye bo nne yaka botshelò yoa Modimo.

Go na le kgorobèlèlò e e chwanetseñ go re tlhoahatsa go rapèla. U se ka ua kgorelediwa ke sepè. Leka ka thata eotlhe, gore go se tsene sepè go kgoreletsa bokopanò yoa mèa oa gago le Yesu. Batla dipaka tsa go ea kwa thapèlò e tleñ e dirwe gòna. Ba ba senkañ rure bokopanò le Modimo ba tla hitlhèlwa mo diphuthegoñ tsa merapèlò, ba le boikanyègò kaga tse ba chwanetseñ go di dira, ba le tlhòahalò ea go bònà molemò, le thusho e e bonwañ gòna. Ba tla nna ba ikisa kwa ba ka tlhagègèlwañ ke marañ a lesedi ye le cwañ legodimoñ teñ. [116]

Le gòna re chwanetse go rapèla le bana mo lolwapeñ; me bogolo go se ka ga lebalwa thapèlò ea mo sephèriñ, ka gonne.ke eòna botshelò yoa mèa oa motho. Mèa ga o kake oa tlhògònòlòhala ha go tlhokomologwa thapèlo.

Thapèlò mo tluñ le kwa phuthegoñ ga ea lekana e le eosi. E re mo boyosiñ, a pelo e apolèlwè leitlhò ya Modimo ye le kelekañ. Thapèlò ea mo sephèriñ e chwanetse go utlwiwa ke Modimo o le osi, òna o o utlwañi thapelo gale. Go se ka ga atamèla tsèbè epè e sele go reetsa ditòpò tse di nntseñ yana. Mo thapeloñ ea mo sephiriñ, pelo ga e tlhodiege ka medumò ea tsa kwa ntlè, ga e teatee kwa le kwa. Me e otlololèla lecogò kwa Modimoñ ka boiketlo me ka go tnkèla Ona. Me dithushò di tla nna monate thata, di ba di nnèla rure eboñ tse di cwañ mo go Ona o o bònàñ mo sephiriñ, o ditsèbè tsa Ona di utlwañ thapèlò e e cwañ mo peduñ. Pelo e chwara bokopanò le Modimo ka tumèlò e e tiileñ, me e ikokwanyetsa lesedi ya SeModimo gore e

bònè sentlè, e be e nonohe go lwa le Satane. Modimo ke kagò e e godileñ ea rona ea phemèlò le ea botshabèlò.

Rapèla mo ntlwaneñ ea gago; me le u le mo tiroñ ea gago ea malatsi, a pelo ea gago e nnè e cholèlèdiwè kwa Modimoñ. Henoke o na a sepela le Modimo ka mokgwa o o nntseñ yalo. Marapèlò e, e e senañ mancwe e tlhotlogèla kwa sennoñ sa tshegohacò yaka mashwalò a a tlhòkègañ. Satane ga a kake a henyà motho eo pelo ea

[117] gagwè e ikaegetseñ mo Modimoñ yalo.

Ga go na lobaka lopè, leha e le helò gopè ba go ronañ go rapèla Modimo. Ga go na sepè se se ka re kganèlañ go choletsa dipelo tsa rona mo thapeloñ. Mo gare ga bontsintsi yoa batho mo motsiñ, le mo gare ga tirò, re ka tlhatlosetsa tòpò kwa Modimoñ, me re lòpa go kaèlwa tsela. Hèla yaka Nehemia a na a dira a eme ha pele ga kgosi Aretakerese, ntlwana ea bokopanò e ka bonwa goñwe le goñwe ha re gòna. Secwalò sa pelo se chwanetse go èma se bulegile ka galè, re nntse re lòpa Yesu go tla le go nnèla rure, me yaka tsala ea legodimo a nnè mo peduñ tsa rona.

Leha ga ka nna mòea o o mashwè o o sebedu ha go rona, ga rea chwanèla go ikgosetsa mòea ouò ha re sa rate, me re ka tshela ka mòea o o itshekileñ oa legodimo. Re ka cwala meyakò eotlhe gore go se tsene dikakanyò tse di itshekologileñ, le megopolò e e boshula. Re ka dira yalo ka go choleletsa dipelo kwa Modimoñ ka thapèlò e phepa ea nnete. Bònè ba dipelo tsa bònè di bulegetseñ thushò le tshegohacò ea Modimo ba tla sepela mo matlhasediñ a a gaisañ matlhasedi a lehatshe, me ba tla bònà bokopanò le legodimo ka galè ka galè.

Re chwanetse go nna le matlhò a a bònàñ Yesu sentlè, bogolo le go tlhaloganya bogolo bogolo bonnete yoa dilò tsa bosahelèñ. Tèbo ea bontlè yoa boitshèpò e chwanetse go tlala ka dipelo tsa bana ba Modimo, me mo, go ka dirahala ha re batla ditshenolèlò tsa SeModimo kaga dilò tsa legodimo.

A pelo e tlhatlosediwè kwa godimo, gore Modimo o mmè re hupè matlhasedi a Selegodimo. Re ka ikama le Modimo, gore, e re re cogèlwa ka choganecò ke tekò, megopolo ea rona e shokonogèlè kwa go Ona, hèla yaka dicheshe di tle di retologèlè kwa letsatsiñ.

[118] A polèlò ea dilò tse u di tlhòkan, le maipelò a gago, le mahutsana a gago, le ditlhodiègò, le dipoihò di nnè ha pele ga Modimo ka galè. Ga u kake na imèla Ona; leha e le go o lapisa. Ona o o itseñ palò ea

meriri ea tlhògò ea gago ga oa tlhokomologò kaga dilò tse bana ba òna ba di tlhòkañ. Morèna o tletse bopelotlhomogi, me o boutlwèlò botlhoko”. Yakobe 5: 11. Pelo ea gagwè ea loratò e amilwe ke mahutsana a rona, le ke polèlò ea rona kaga còna. Dilò cotlhe tse di kamañ pelo a di isiwe kwa go ènè. Ga go na sepè se se ka mo imèlañ, ka a tshegeditse lobopò, o laola dilò cotlhe cotlhe tsa lònà. Ga go lehihi lepè ye ke ka nnan mo go yeòna ye o sa boneñ sentlè mo go yeòna; ga go ditharanò dipè tse di ka mo retelelañ go di ranolola. Ga go tatlhègò epè e e ka wèlañ bana ba gagwè, leha e le tlalèlò e e tlaletsañ mòea oa bònè, leha e le boitumèlò yo bo ba itumedisañ, leha e le thapèlò e cwa molomuñ oa bònè e o sa e tlhokomèleñ ka boheho. O hodisa ba ba pelo di phatlogileñ, o hapa dinto tsa bònè Pesalema 147: 3. Makopanò a Modimo le mòea moñwe le moñwe ke a a tletseñ, a itkanetse, yaka ha go kabo go sena opè oa bobedi mo lehatshiñ o o chwanetseñ go tlamèlwa leha e le opè oa bobedi o, o mo ntsheditseñ Morwa Ona.

Yesu, a re, “Mo tsatsiñ yeuò lo tla lòpa ka leina ya me: me ga ke lo ree, go re, Ke tla lo rapèlèla Rara; Gonne Rara ka esi oa lo rata, ka gonne lo nthatile, lo bile lo dumetse ha ke cwa kwa go Rara”. Yohane 16: 26, 27.

Ga loa ka loa intshenkèla, ke nna ke itshenketseñ lona me ka lo laolèla go ea go uñwa, le gore louñò loa lona lo tlhòmamè: gore e tle e re se lo se lòpañ Rara, leha e ka nna eñ, ka leina ya me, a se lo nè. Yohane 15: 16.

Me go rapèla mo leineñ ya ga Yesu, ke mo go hetañ go umaka leina yeuò hèla, ha re simolola, le ha re khutla. Ke go rapèla ka pelo, le ka mòea oa ga Yesu, re nntse re dumetse dicholohecò tsa gagwè, me re ikanya tshiegohacò ea gagwè, re ba re dira ditirò tsa gagwè.

[119]

Ga se go re Modimo o rata gore re ikeolè mo go ba bañwe, leha e le go itomologanya le lehatshe, me re ineèla hèla mo tireloñ ea kobamèlò ea òna hèla. Botshelò bo chwanetse go etsa botshelò yoa ga Keresete ha gare ga thaba ea thapèlò le tirèlò ea batho. Eo o sa direñ sepè ha e se go rapèla o tla akoha a khutla go rapèla; goñwe merapèlò ea gagwè e tloge e nne dipalabalo hèla. Ea re ha batho ba ikeola mo go ba ga bònè, ba tlogèla tsela ea tirò ea Se Keresete le tsela e mokgòrò o mo go eòna; ea re ha ba khutla go dirèla Morèna ka tlhòahalò, ènè eo o diretseñ bònè ka tlhòahalò, ba tloge ba timèlwè ke dilò tse ba chwanetseñ go rapèla kaga còna, me

ba tlhoke tlhotlelecò mo merapeloñ. Merapèlò ea bònè e tloge e nnè ea boithatò hèla le bohula hèla. Ba retelèlwè ke go rapèlèla ba bañwe batho, leha e le kgalalèlò ea bogosi yoa ga Keresete, leha e le go lòpa thata e ba ka dirañ ka eòna.

Re bònà tatlhègèlò ha, ka go bisa go tlhokomèla go phuthèga mmògò, go thatahatsanya, le go nametsanya mo tireloñ ea Modimo. Re tlhoke go bònà bonnete le bogolo yoa Lehoko ya Modimo. Dipèlo tsa rona di khutle go sedihalèlwa, le go cosholosiwa ke mòea o o itshepisañ oa òna, me re boèle kwa moragò mo diloñ tsa semèa. Mo diphuthegoñ tsa rona tsa BaKeresete re tlaèla thata mo go amogelañ, ka go tlhoka kutlwèlanò botlhoko. Eo o icwalèlañ mo boyosiñ yoa gagwè ga a mo boemoñ yo o bo laolecweñ ke Modimo. Ha re itlwaetsanya le ba bañwe ka chwanèlò ke go re, re ithuta go ba thusa, me re godisiwè re thatahadiwe mo tireloñ ea Modimo.

[120] Ha BaKeresete ba ka bo ba tsalana mmògò, me ba bua mmògò kaga loratò loa Modimo le mannete a thekololò, dipelo tsa bònè di ka bo di rudisiwa, me bònè ba ka bo ba rudisanya. Re ka ithutèle pele ka malatsi aotlhe kaga Rra echo oa Legodimo, me ra nèw a go itse tshegohacò' ea gagwè ka mo go hetisañ; me hoñ re tla eletsa go bua kaga loratò loa gagwè; me ha re dira yalo, dipelo tsa rona di tla thutahala me re tla nametsègèla pele. He re kabo re gopola bogolo kaga Yesu me ra bua kaga gagwè, me ra ñotla borona, o na a tla nna a nna le rona bogolo bogolo.

Ha re ka bo re gopola Modimo ka galè, yaka re bònà dichupò tsa tamèlò ea Ona, re ne re tla o gopola ka malatsi aotlhe, me re tla kgatlhèga ka go bua kaga Ona, le go o baka. Re bua kaga dilò tsa sehatshe ka go bo ke botshelò .yoa rona. Re bua kaga ditsala tsa rona ka go bo rea ba rata; re bañwe hèla nabò mo maitumèloñ a rona, le mo mahutsaneñ a rona. Me bogolo yañ re chwanetse go rata Modimo bogolo go ditsala tsa rona tsa sehatshe; me ke se se re lebanyeñ bogolo go dilò cotlhe, go baea Ona kwa pele mo megopoloñ ea rona, le go bua kaga molemò oa Ona, le go tumisa nonohò ea Ona. Letlotlò ya dinèd tse o di re abetseñ ga lea laolèlwa go kodumetsa metsa megopolò ea rona, le loratò loa rona, gore re be re sitwe ke go naea Modimo sepè; dinèd tse, re di abèlwa, gore di re gakololè Ona, le go re bohèlèla mo go ènè Moabi oa legodimo ka dithapò tsa loratò le tebogò. Re agile gauhi bobè le dikhuti tsa lehatshe. A re choleletseñ matlhò a rona kwa moyakoñ o o bulegileñ

oa ntlo e e kwa legodimoñ, kwa lesedi ya kgalalèlò ea Modimo e phatsimañ mo matlhoñ a ga Keresete, “Eo o bileñ o nonohile go bolokèla rure ba ba tlañ mo Modimon ka ènè”. Bahebera 7: 25.

Re chwanetse go leboga Modimo bogolo bogolo “Ka ntlha ea molemò oa Ona, le ditirò tsa Ona tse di gakgamatsañ, tse o di dirañ mo baneñ ba batho”. Pesalema 107: 8. Merapèlò ea rona ga ea chwanèla go hèlela mo go lopeñ, le mo go amegoleñ hèla. A re se nneñ ka gale ka gale ka mogopolò oa go re, ana, re tlhòka eñ? Me re lebale gotlhe dikabèlò tse re di amogèlañ. Ga re rapele go tlola tekanyò, me re leboga ka ñomaèlò. Re tlhòla re amogèla dithushò tsa Modimo hèla; me leha go nntse yalo go bolèla tebogò, go gonnye yañ! le go o baka ka ntlha ea dilò tse o di re diretseñ go tlhòkahala yañ!

[121]

Erile bogologolo ha Balseraela ba phuthègèla tirèlò ea Modimo, ba bo ba laocwe, go twe

Me ke goña kwa lo tla yèlañ gòna ha pele ga Yehofa Modimo oa lona, me lo tla itumèla mo so cotlhe tse lo di baeañ seatla, lona le ba matlo a lona, tse Yehofa Modimo oa gago o gu segòhaditseñ kaga còna. Duteronome 12: 7.

Se se dirèlwañ kgalalèlò ea Modimo se ko se dirwa ka pelo e e thamileñ, le ka dipina tsa pakò, le tebogò, eseñ ka bohutsana le manoñonoño.

Modimo oa rona ke Rara eo o pelonomi kutlwèlò botlhoko. Tirèlò ea Ona ga ea chwanela go kaiwa go re, ea hutshatsa, leha e le go re ea patika. E chwanetse go nna se se itumedisañ go òbamèla Morèna, le go nna mo tiroñ ea gagwè. Modimo ga o rate gore bana ba Ona ba o ba baakanyeditseñ Polokò e e kana kana, ba o kae e le moñ oa bònè eo pelo e thata eo o ba kgweeletsafñ kwa tiroñ e ba sa e lekanañ. Ona ke tsala ea bònè e kgolo bogolo; me ea re ha ba O òbamèla, le òna o lebeletse go nna nabò, go ba tshegohatsa, le go ba gomotsa, le go tlatse dipelo tsa bònè ka boitumèlò le loratò. Morèna o rata gore bana ba gagwe ba ineè kgomocò ba le mo tireloñ ea gagwè, le gore ba hitlhelè tirò ea gagwè e le monate, e se tlhokohacò. O rata gore ba ba mo òbamèlañ ha ba cwa mo thapeloñ ba tsamaeè ba chotse megopolo e e monate kaga pabalèlò, le loratò loa gagwè; me e le gore ba le gore ba nametsègè ba le mo ditiroñ tsa bònè tsa ka malatsi aotlhe; le gore ba thusiwè go dira ka thòkgamò, le ka boikañò mo diloñ cotlhe.

[122]

Re chwanetse go phuthègèla kwa mokgoroñ. Keresete e leñ èna eo o bapocweñ e chwanetse go nna ènè eo re mo akanyetsañ, le go bua kaga gagwè, le go mo òpèlèla dipakò. Re chwanetse go tshegetsa mo megopoloñ ea rona letshegò leñwe le leñwe ye re le amogelañ mo Modimoñ; me e tla re re sena go lemoga boteñ yoa loratò loa Morèna re tla bo re etleetsegile go itsenya gotlhe mo tishoñ ea eo diatla tsa gagwè di kokothelecweñ rona mo mokgoroñ.

Mòea o ka tlihatloga o nna gauhi le legodimo ka diphuka tsa pakò. Modimo o òbamèlwa ka dihela le ka dipina mo kgotleñ e e kwa godimo; me ea re re bolèla tebogò ea rona ka pina le sehela rea bo re ikatametsa kobameloñ e e dirwañ ke mashomòshomò a selegodimo. “Leha e le mañ eo o isañ, setlhabèlò sa go ntsha malebogò, o galaletsa Modimo”. Pesal 50: 23. Ke gòna, a re atameleñ ka tshisimogò ha pele ga Mmopi oa rona, ka go ntsha malebogò, le ka lencwe ya kotikecò”. Isaia 51: 3.

Modimo o bua yañ le rona?

Rona re tla re nne le go raea Modimo eñ?

Thapèlò ke eñ?

Thapèlò e dira eñ?

Yesu o na ruta barutwa ba gagwe eñ?

Yesu o na a ka dire en ka gantsi?

Ke eñ se se ne se dira thapèlò señwe se se batlegañ mo go ènè?

Modimo o letetse go re naea eñ?

A Modimo o utlwa merapèlò ea rona?

Baengele la dira eñ?

[123] Ke eñ se se goreleditseñ ba ba sa rapeleñ?

Thapèlò ke sekopolodi sa en?

Satane o leka go dira eñ?

Modimo o araba merapèlò ka maemo a a ntseñ yañ?

Pelo e chwanetse ea dira eñ?

Ke go reñ re chwanetse ra rapèla?

Ke leñ Morèna o sa re utlweñ?

Ke eñ hèla se se tla re bolokañ?

Re chwanetse ra nna le eñ ha re rapèla?

Modimo o araba yañ merapèlò ea rona?

Boitaleco ke eñ?

Ke eñ se se tla totahatsañ dichwenyego tsa rona?

Re chwanetse ra tla ya1 go Modimo?

Ha re kopa Modimo gore o re ichwarele re chwanetse ra dira eñ?
Re chwanetse ra rapèla ga kae?
A selò señwe se chwanetse sa re kgoreletse mo merapoloñ?
Re chwanetse ra rapèla kae?
Re cwala yañ secwalo se se tsenyeñ megopolo e e itshekologileñ?
Go kgorisa dipelo tsa bana ba Modimo ke eñ?
Re chwanetse ra na bogauhi yo bokae le Modimo?
Re chwanetse ra chwara eñ ha pele ga gagwè?
Re chwanetse ra isañ ko go ènè?
Go tsalano ehe gare ga Modimo le moñwe le moñwe?
Re rapèla mo ineñ ya ga mañ?
Go rapèla mo leineñ ya ga Yesu go kaea eñ?
Keresete o na a senyetsa kae botshelò yoa gagwè?
Modimo o chwanetse oa na mo megopoloñ ga kae?
Re chwanetse ra bua kaga eñ?
Re na le Rara eo o ntseñ yañ ko legodimoñ?
Re chwanetse ra phuthègèla kae?
Modimo o òbamèloa yañ?

[124]

12. GO KA TWEN KAGA PELAELO?

Batho ba le bantsi me bogolo ba basha mo botsheloñ yoa. BoKeresete, ba tla ba chweñwe ke dipocò tsa ba ba belaèlañ. Mo Bibeletse go na le dilò di le dintsi tse di ba retelèlañ go di phutholola, leha ele go di tlhaloganya, me Satane o leka go tshikinya tumèlò eea bònè ka go tsenya dipelaèlò tse, ka go re, Dikwalò tse, ga se mahoko a a cwañ Modimoñ. Me ba botse, ba re, “Ana, tsela e e siameñ ke tla e itse yañ? Ha Bibeletse e le Lehoko ya Modimo rure, ke tla gololwa yañ mo dipelaeloñ tse, le ditharanò tse”?

Modimo ga o lope gore re dumèlè gopè ha o sa re nee dichupò tse re ka thaeañ tumèlò ea rona mo go còna. Go nna ga Ona, le boèmò yoa Ona. le bonnete yoa lehoko ya òna, ke dilò tse di tlhomamisticweñ cotlhe ka chupo e e sa kakeñ ea ganediwa; me dichupò tse, di dintsi. Leha go nntse yalo, Modimo ga o e se o ko o cwalele rure dikgòrò tse pelaèlò e ka tsènañ ka eòna. Tumèlò ea rona e chwaneltse go itsetsèpèla ka dichupò, esen ka dilò tse di ka chwarwañ ka mabògò. Ba ba ratañ go belaèla ba tla bònà lobaka hèla rure; me ba ba ratañ rure go itse bo-amarure, ba tla hitlhèla dichupò di le dintse tse tumèlò ea bònè e ka itsetsepelañ ka còna.

[125] Go reteletse ditlhaloganyò tse di khuchwane go chwara sentlè boèmò, kgolsa ditirò tsa Ona o o sa kakeñ oa tlhalogañwa ke opè. Modimo o o Boitshèpò o mo bosaitsiweñ yo go senañ opè eo o ka tsènañ mo go yòna. leha e ka bo e le motlhale eo o nntseñ yañ, leha e le eo o rutegileñ yañ. Bibeletse ea re,

A u ka lemoga Modimo ka go kheleisa? A u ka lemoga Mothataeotlhe ka botlalò? Go godimo yaka legodimo; u ka dihañ? go boteñ go beta Bobipò; u ka itseñ? Yobe 11: 7, 8.

“Moapostoloi Paulo, a re, A boteñ yoa khumò, le yoa botlliale, le yoa kicò ea Modimo! dikattholò tsa òna ga di hopholesege yañ, le ditsela tsa òna ga di tlhotlhomisege yañ!” Baroma 11: 33.

Me leha “Maru a mo dikanyeditse le lehihi, eboñ Yehofa tshiamò le katlholò ke mothèò oa setulò sa gagwè sa bogosi”. Pesal. 97: 2. Yalo re ka tlhaloganya ka ntlha ñwe kaha o dirañ ka rona ka

gòna, le kwa o dirèlañ teñ; me re ka lemoga ha o dira ka loratò lo lo senañ tekanyò, le kutlwèlò botlhoko e e kopanyeñ le nonohò e e sa lekañwañ. Re ka tlhaloganyana mo go lekanyeñ rona, le me go molemò mo go rona go itse. Me kwa ntlè ga moo, re chwanetse go ikanya hèla lecògò ya Mothata eotlhe, le pelo e e tletseñ loratò.

Lehoko ya Modimo le nntse hèla yaka Monei oa yeòna, eo le cwañ mo go èna; me le na le masaitsiweñ a a sa kakeñ a tlhalogañwa ka botlalo ke dibopiwa tse di tllaèlañ. Go yaka bolebo bo tsenye mo lehatshiñ, go re, bo tsenye yañ? go le go tsalèlwa ga Keresete mo nameñ, le boshahacò yoa dipelo tsa batho; go le cogò ea boshwile dilò tse diñwe di le dintsi tse di bolelwañ mo Bibeñ, me ke masaitsiweñ a a boteñ, me a sa kake a phuthololwa ke motho, leha e le go huparèlwa ke pelo ea gagwè, me mo. Dikwaloñ, Modimo o re neile dichupò tse di lekanyeñ go tlhomamisa ha mahoko a, a cwa kwa go Ona; me ga rea chwanèla go belaela Lehòko ya Ona, ka go bo re sa tlhaloganyane masaitsiweñ a pabalèlò ea Ona. Me mo [126] lobopoñ yaka lo tlholegile, go masaitsiwen a a re akareditseñ, me a re retelèla. Ditshedinyana tse di pòtlanyana di reteletse matlhale a magolo go di phutholola. Dikgagamacò tse di re sitañ di gòna mo ntlheñ cotlhe. A yana go ka gagkamalwa ha re hitlhèla masaitsiwen mo go tsa Semòea, tse di retèlañ go tlhalogañwa? Thètèlèlò e mo bokoeñ, le mo pitlaganoñ ea tlhaloganyo ea botho. Modimo o re neile dichupò tse di lekanyeñ mo Dikwaloñ tse di boitshèpò go re tlhomamisetsa gore ke lehoko ya Selegodimo, me ga rea chwanela go belaela ka re sa tlhaloganyane masaitsiweñ a pabalèlò ea gagwè.

Moapostoloi Petere a re, “Mo Dikwaloñ go dilò tse di thata go tlhalogañwa, tse ba ba sa rutègañ, le ba ba akgakgègañ ba di shokamisañ, me ba itshenya ka gòna.” 2 Petere 3: 16. Dilò tse babelaeadi ba di tsere, me ba ganetsa Bibeke ka còna; le mororo dilò tse, ke dichupò tse di thata di tlhòmamisa ha Dikwalò di kwadilwe ka tlhotlheleco ea Modimo. Ha mahoko a còna e ka bo e le a a motlhohu hèla a a bolèlañ kaga Modimo; ha bogolo yoa Ona le borèna yoa Ona bo no bo ka huparèlwa ke ditlhaloganyò tse di khuchwane hèla, hoo Bibeke e ne e tla tlhòka dichupò tse di thata tsa go tlhomamisa ha mahoko a eòna a laocwe ke Modimo. Bogolo yoa dilò tse di bolèlwañ le bosaitsiweñ, bo ko bo kgwathatsa tumèlò mo go yeòna go re, ke Lehoko ya Modimo rure.

[127] Lokwalò loa Bibe le lo menolola boamarure ka può e e utlwalañ, le yaka go chwanetse khumanègò, le ditlhologèlèlò tsa dipelo tsa batho, le ka mo go gakgamaditseñ, le mo go kgatlhileñ ba ba rute-gileñ bogolo thata; lo bile lo kaèla bakgòbaladi, le ba ba sa rutegañ tsela ea polokò. Mahoko a lona a chwanetse botlhe hèla, bogolo le bannye, ba batona le ba babòtlana. Me leha go nntse yalo, mahoko a, leha a bolecwe yana, a chwere dilò tse di kwa godimo, a òtlòlòlègèla kwa kgakala, go heta tlhaloganyò ea botho kwa bokgakaleñ; me re ka a amogèla hèla ka e le a a bolecweñ ke Modimo. Yalo tsela ea thekololò re e bulecwe, gore mòea.moñwe le moñwe o bònè dikgatò tse o chwanetseñ go tsamaea mo go còna ha a tlhabologèla kwa Modimoñ; le go sepela mo tumèloñ mo go Morèna oa rona Yesu Keresete, gore a tlè a bònè polokò ka mokgwa o o laocweñ ke Modimo. Me leha go nntse yalo, kaha tlhatse ga mahoko a, a nnete, a a tlhaloganyèsègañ sentlè hèla, go namaletse masaitsiweñ a a siriletsañ kgalalèlò ea Ona; e le masaitsiweñ a a sitañ mogopolò o o senkañ go a kèlèka; me leha go nntse yalo eo o senkañ ka bopelontlè a tle a nitamise tumèlò mo go ènè, me a òbame ka tshisimògò ha pele ga àona.

Go ipolèla ha re sa tlhaloganye mahoko a mogolo a Bibe le ke go ipolèla hèla ha megopolo e mekhuchwane e sa kake ea huparèla sentlè se se bogolo go bo heteletseñ; ke go re, motho eo o nañ le kicò e pòtlana ga a kake a tlhaloganyo maikaèlèlò a Ona o o tletseñ ka lobopò lotlhe hèla.

Ereka ba retelecwe ke go ranola masaitsiweñ aotlhe a Lehoko ya Modimo, babelaeadi, le bashotli ba le latolèla rure; me bañwe ba ba reñ ba dumèla Bibe le ba batla go nna gauhi go dira yalo. Moapostoloi a re,

Lo itisè, ba ga echo, e se re kgotsa go bo go ka na le mo go moñwe oa lona pelo e e boshula, e e sa dumeleñ, ea go kgaogana le Modimo o o tshedileñ: Bahebera 3: 12.

[128] Go siame go akanyetsa thata dithutò tsa Bibe le, le go keleka dilò tsa Modimo tse di boteñ, kaha di senogileñ ka gòna. Ea re ka “Dilò tsa sephiri e le tsa Morèna,” tse di senogilen ke tsa rona.” Me ke tiro ea ga Satane go haposa megopolo ea pelo. Go tlo go tlhakanwe bopelompe le go ithuta mahoko a Bibe le, me yalo batho ba ikutlwe go shulalala pelo, me ba henyège lia ba palelwa ke go plmtliololo temana nwe le nwe ea Dikwalo kalia ba kgatlhègan

ka gona. Ke botlhabisa ditlhon mo go bone go ipolèla lia ba sa tlhaloganye malioko a tsilefi ka tlkotlheleco ea Moea oa Modimo. Ga ba rate go ichokèla go lebelèla plmtliololo e Modimo o tla e ba naean mo lobaken lo Ona o tla lo bonan lo ba lekanyen. Ba ithaea ba re, botlhale yo e leii yoa motho bo lekanye bo le yosi go tlhaloganya Dikwalo; me lia go sa nna yalo, ba latolèle rure, ba re, ga go na molemo mo go eona. Le gale, go na le dithlalosho le dithuto tse go twen di cwa mo Bibelen, me di sena boèmo mo dithuton tsa edna; ebile di tlabaganye le moea otlhe oa Lokwalo loa Modimo. Dilo tse, di coseditse ba le bantsi dipelaMo, le dikakabalo. Lelia go nntse yalo, ga di ewe Lehokun ya Modimo. Ke diphaposlio tsa batho hëla.

Ha dibopiwa di ne di ka nonoho go tlhaloganya Modimo, le ditiro tsa Ona ka botlalo, ba le hoo go tla bo go sena sepè kwa pele se ba ka lekèlan kwa go shona, leha e le go golèla pele ga megopolo le pelo go tla bo go seed. Modimo o tla bo o sa tlhole o le mogolo o o kwa pele; me motho ka a tla bo a ithutile kico eotlhe go cwèlèla kwa pele go tla bo go seed. A re lebogen Modimo ka go sa nna yalo. Modimo ga o nna bolekanycd; 1110 go Ona go dikhnmo eotlhe tsa botlhale, le kico. Me batho leha ba ka kelekèla pele go ea metlhelen e e sa kliutlen ba nntse ba ithuta, ga ba ketla ba hetsa dikhumd tse, tsa botlhale yoa Ona, le molemo, le thata ea Ona.

Modimo O ikaeletse gore le mo botshelon yono. Lehoko ya Ona le nn& le menologèlè batho ba Ona ka metlha eotlhe. Go mokgwa o monwe liela o kico e, e ka bapalwan ka ona. Ke ka tlhaloganya Lehoko ya Modimo ka sedihaco sa Moea oa Ona o le neilwen batho ka ona. [129]

Gonne e man mo batliufi eo o itsefi dilo tsa motho, ha e se moea oa motho o o mo go enaV go nntse hela yalo le dilo tsa Modimo, ga go ope eo o di itsen, ha e se Moea oa Modimo. Me rona re amogetse moea o e sen oa lehatse, e len moea o e len oa Modimo; gore re tie re itse dilo tse re di newafi hela ke Modimo. 1 Bakor. 12:11, 12.

Me choloheco e Mmoloki o e neilen barutwa ba gagwe ke e, “E tla re Ona Moea oa boamarure o sena go tla, o tla lo gogèla mo boamaruren yotlhe; gonne o tla tsaea mo e len ga me, me o go lo bolèlèlè.” Yohane 16:13, 14.

Modimo o rata gore batho ba cose megopolo ea bone; me go ithuta Bibe le go tlo go thatahatse megopolo go bo go e choletse go gaisa boithuto yotlhe bo sele. Me a re itisen, gore re se bee megopolo

ea rona kwa godimo, go e chwantsha le megopolo ea Modimo, ka pelo ea motho e kgorelediwa ke bokoa le bogolè yoa botho. Ha re rata gore Dikwalo di se ka tsa re sirelegèla, me gore re kuparèlè boamarure yo bo mo go cona, se se re lebanyen, ke bopelontlè, le tumèlo ea nwanyana, le go nna tlhaga go ithuta, me re nntse re lopa thusho ea Moea o o Boitshèpo. Go ikutlwa lia Modimo o le thata e bile o le botlhale, le go ipona ha re retelwa ke go itse bogolo yoa Ona, go chwanetse go re kokobetsa, me re ne re tla petlèka lokwalo ka tshisimogo e kgolo hela, yaka ha re kabo re tsèna kwa ten, go èma ha pele ga Ona. Ha re tla mo Bibelen megopolo e chwanetse go ipolèla ha go na le taolo e e kwa pele le kwa godimo ga edna, me pelo le megopolo e chwanetse go obama ha pele ga Ona o e len ga Ona o Mogolo.

[130]

Go na le dilò di le dintsi tse eketse di thata, goñwe di bohithanyana, tse Modimo o tla di ranolèlañ bònè ba ba senkañ go di tlhaloganya. Me ha re sa gògwa ke Mòea o o Boitshèpò re tla bo re nna re shokamisa Dikwalò tsa Modimo goñwe re di rèlètsa. Ea re ha Lehoko ya Modimo le balwa, me go sena tshisimògò, go sena thapèlò; ha megopolò le loratò di se mo Modimoñ, goñwe di hapanye le go rata ga òna, pelo e tle e sirège ka pelaèlò. Me hoñ go ithuta Bibe le go tlo go godisa pelaèlò. Mmaba o tla a chware megopolò, a e laole, me a re gakolole diphuthololò tse di sa siamañ. Ea re ha batho ba sa senke ka mahoko, le ditirò go nna mo kopanoñ le Modimo, hoo, leha ba rutegile yañ, ba ka timèla hèla mo go tlhaloganyèñ Dikwalò; me go ikanya diphuthololò tsa bònè go ka nna tatlhègò hèla. Ba ba senkañ diphoshò mo Bibe leñ, ga ba na pònò ea semèa. Ba leba ka matlhò a a hapanyèñ; me ba tla hitlhèla dilò di le dintsi tse di tla cosañ pelaèlò le tumologò mo go tse di ranologileñ sentlè hèla.

* * * * *

Leha re leka go se gakisa yañ, se se tsenyañ pelaèlò, se cosa tumologò mo bontsiñ, ke loratò loa bolelo. Pelo e e ikgodisañ me e rata bolelo, ga e itumelele dithutò tsa Lehoko ya Modimo, le go ilediwa tse di boshula ke yeòna ga goeò; me ba ba ganañ go dira yaka le lopa, ba bohehò go belaèla taolò le boamarure yoa yeòna. Ha re rata go hitlha kwa boamarureñ re chwanetse go eletsà rure go bo

itse, re ba re dirana le pelo e e etleetsegileñ go inèla mo go yòna. Me botlhe ba ba atamelañ Bibeke ka pelo e e nntseñ yalo ba tla hitlhèla dichupò di le dintsi tse di shupañ ha e le Lehoko ya Modimo, me ba tla bona tlhaloganyò ea mahoko a eòna e e tla ba naeañ botlhale yo bo isañ kwa Polokoñ.

[131]

Yesu Keresete o rile, “Ha motho leha e le mañ, a rata go dira go rata ga gagwè, o tla itse kaga thutò.” Yohane 7: 17. A go lesiwè go belaèla le go ganetsa kaga se u sa se tlhaloganyeñ, me a go tlhokomèlwè lesedi ye le gu phatsimèlañ gompinyeno; me u tla bònna lesedi ye legolo bogolo. Hèla ka tshegohacò ea ga Keresete, a go dirwè tirò e e gu senolecweñ ha e gu chwanetse, me u tla nonohadiwa go tlhoganya, le go dira tse u belaèlañ kaga còna gompinyeno.

Go na le chupò e e ka nnañ ea botlhe hèla, ba ba rutegileñ thata, le ea ba ba sa rutegañ gopè,—Eboñ chupò e e tlañ ka tlwaèlò, le ka mo go dirahaletseñ motho. Modimo o re laletsa go tla go itekèla bonnete yoa Lehoko ya Ona, le boamarure yoa dicholohecò tsa Ona. Oa re “A lo ko lo lekeñ, lo bònè ha Yehofa a le molemò. Psalem. 34: 8. Re se ka ra lekèlwa ke ba bañwe, me go itekèlè rona ka leganò ya rona, le ka pelo ea rona, le mòea oa rona. Morèna O boletse, a re, Lòpañ, me lo tla nèwa.” Dicholohecò tsa gagwè di tla dirahala. Ga di e se di ke di tlaele gopè; ga di kake tsa tlaèla. Me ea re ha re atamèla kwa go Yesu, me re itumèla mo botlaloñ yoa loratò loa gagwè, dipelaèlò di tla kaologa, le lehihi mo lesediñ ya sebònalò sa gagwè.

Moapostoloi Paulo a re, “Modimo o re golotse, oa re ntsha mo thateñ ea lehihi, me oa re tlòlagantshetsa mo bogosiñ yoa Morwa loratò loa Ona. Me moñwe le moñwe eo o kgabagantsen, a cwa loshuñ a ea botsheloñ O ikwadile, me a baea sekanò sa gagwè sa go re Modimo o boamarure.” Yohane 3: 33. Enè o ka shupa, a re, “Ka tlhòka thushò, me ka e bònna mo go Yesu.” Botlhòkwa yoa me yotlhe yoa abèlwa, le tlala ea mòea oa me ea thetebadiwa ea tloshiwa, me yana Bibeke ke tshenolò e e ntshenoletseñ Yesu Keresete. A ua mposta go re, ke dumèla mo go Yesu ka ntlha eañ? Nna ka re, ke ka go bo ke mo hitlhetse e le Mmoloki oa me eo o ratègañ. A ua re, ke dumèla Bibeke ka ntlha eañ? Ka re, ke ka ke e hitlhetse e le lencwe ya Modimo mo peduñ ea me.” Chupò e re ka na naeò mo teñ ga rona ha Bibeke e le boamarure, le go re Keresete ke Morwa Modimo. Rea

[132]

itse sentlè ha re sa sala ditlhamane tse di logagancweñ ka botlhale moragò.

Petere o laea bokauleñwe ba gagwè, a re “Golañ mo tshegohacoñ, le mo go itseñ Morèna oa rona le Mmoloki, Yesu Keresete.” Ea re ha batho ba Modimo ba gola mo tshegohacoñ, ba tla nna ba golèlo pele mo go tlhaloganyèñ Lehoko ya Ona. Ba tla lemoga lesedi ye lesa, le bontlè mo teñ ga yeòna. Phuthègò ea ga Keresete e nntse e bòna yalo mo metlheñ eotlhe e e hetileñ, me go tla nna yalo le go ea bokhutloñ. “Tsela ea basiami e chwana yaka phepahalò ea moshò e e phatsimèlañ pele, go ea go hitlha motshegariñ o mogolo.” Diane 4: 18.

Ka tumèlò re ka lebèla pele kwa go tse di tlañ, me re ka chwara polèlò ea Modimo ha re tla gola mo tlhaloganyoñ, ha maikutlò a motho a kopana le a se-Modimo; le gòna dithata cotlhe tsa pelo di nntse di kopañwa le Mocwedi oa lesedi go sena sepè ha gare. Re ka itumèla go re, gotlhe mo go akabaditseñ mo dipabaleloñ tsa Modimo kaga rona, di tla ranololwa; tse di thata go tlhalogañwa di tla phuthololwa; me kwa megopolò ea rona e mekhuchwane e bònyeñ marara hèla gona le maikaèlèlò a a komogileñ ha gare, yanoñ re tla bòna kopanò e ntlè e go senañ kgaoganò gopè mo go eòna, Gonne gompinyeno re bòna mo seiponiñ, go le lehichwana: me e tla re mo lobakeñ louò re tla bòna go lebanywe dihatlhògò; gompinyeno ke itse ka bontlha ñwe; me e tla re mo lobakeñ louò, ke tla itse hèla yaka le nna ke itsilwe. — 1 Bakor. 13: 12.

[133]

Ke eñ se se chwenyañ BaKeresete ba ba sha?

Ka gantsi ba tla ba botse poco ehe?

Modimo ga o ise o ke o re kope gore re dirè eñ?

Tumèlò ea rona e ntse mo go eñ?

A re ka itse gotlhe kaga Modimo?

Ke ka itse eñ?

Re hitlhelañ mo lehokuñ ya Modimo?

A re ka tlhalosa yaka mabèlè a gola? ke go reñ?

Peterose a reñ mo dikwaloñ tse di boitshèpò?

Boamarure yoa Bibebe bo thusa eñ?

Ke go reñ ba bañwe ba ñala lehoko ya Modimo?

Moapostolò o re raea a re re dire eñ?

Satane o rata gore re dirè eñ?

Modimo o re naea eñ mo botsheloñ?

Modimo o rata gore batho ba dire eñ?
 O ba naea thuso e e ntseñ yañ?
 Go akanya le pelo le mogopolò di chwanetse tsa bama ba pele
 ga mañ?

Modimo o tla phutholola eñ?
 Re chwanetse ra bula yañ Bibela?
 Ke eñ se se re dirañ gore re belaèlè?
 Pelo e chwanetse ea eletsa eñ go itse boamarure?
 Keresete o na a reñ?
 Modimo o re laletsa gore re tie go dira eñ?
 Ha re ntse re atamèla go Yesu dipelaèlò di ea kae?
 Paulo a reñ?
 Ke go reñ o dumela mo Bibeñ?
 Peterose a reñ?
 Re bonañ mo Lehokuñ?
 Re sheba kae ka tumèlò?
 Re tla tlbaloganya leñ rotlhè?

[134]

[135]

13. BOITUMELO MO MORENEN

Bana ba Modimo ba biledicwe go nna dichwanchò tsa ga Keresete, Ka go bònatsa Molemò le kutlwèlò botlhoko ea Morèna. Hèla yaka Yesu a re senolèla Rara kaha o nntseñ ka gòna, le rona re chwanetse go senola Keresete mo lehatshiñ; e le lehatshe ye le sa itseñ loratò lo logolo lo lo nòlò loa gagwè. Yesu a re, “Yaka u nthomile mo lehatshiñ, hèla yalo le nna ke romile bònè mo lehatshiñ.” Nna mo go bone, le Wèna mo go nna, gore lehatshe le itse ha u nthomile.” Yohane 17: 18, 23. Moapostoli Paulo a raea barutwa ba ga Yesu, a re, Lo bonatshegile ha lo le lokwalo loa ga Keresete,” lo lo itsiweñ, lo balwa ke batho botlhe. Ñwana moñwe le moñwe oa ga Yesu ke lokwalò loa gagwè lo o lo rometseñ mo lehatshiñ. Ha u le molatedi oa ga Keresete, u lokwalò loa gagwè mo baneñ ba gago, le mo motsaneñ oa ga eno, le mo kgotleñ e u agileñ mo go eòna. Yesu, ka a agile mo go wèna, o rata go bua le dipelo tsa ba ba sa ino itseñ. Goñwe ba sa bale Bibeale, goñwe ba sa utlwe lencwe ye le buañ nabò mo ditsebeñ tsa bònà; ba sa bònè loratò loa Modimo mo ditiroñ tsa Ona. Me ha u le moshupi rure oa ga Yesu, ba ka tla ba nna ba gogèlwa mo go tlhaloganyeñ señwe sa molemò oa gagwè, me ba gapèlwa kwa go mo rateñ, le go mo dirèla.

[136] BaKeresete ba tlhomilwe go nna bachola maaedi mo tseleñ e e eañ legodimoñ. Ba chwanetse go phatsimèla lehatshe ka lesedi ye Keresete o ba phatsimèlañ ka yeòna. Botshelò yoa bònè, le maitseò a bònè a chwanetse go nna a mantlè, gore ba bañwe ba lemoge ka tshiamò kaha Keresete o nntseñ ka gòna, le tirèlò ea gagwè kaha e nntseñ ka gòna.

Ea re ha re chwanetse Keresete, tirèlò ea gagwè e tla nna kgatlhègò mo go bañwe, rure hèla yaka e nntse. BaKeresete ba ba iphuthèlañ lehihi le bohutsana mo dipeduñ tsa bònè, me ba ñoñorèga ba dumadamahèla, ba chwantshetsa ba bañwe selò se sele hèla eseñ Modimo, eseñ botshelò yoa SeKeresete. Eketè ba re, Modimo ga o rate ha bana ba Ona ba itumèla; me yalo ba pateletsa Rra oa rona oa legodimo.

Satane oa ipela ha a gògèla bana ba Modimo mo tumologoñ, le mo boitlhobogoñ. O itumèla go re bònà re belaèla Modimo, re latola loratò loa òna, le nonohò ea Ona ea go re boloka. O rata ra ikutlwa ha Morèna a tla re utlwisa botlhoko ka pabalèlò e o re tlamèlañ ka èna. Ke tirò ea ga Satane go kaèa Morèna ha a le botlhòkapelo, le botlhòkachwarò. O haposa boamarure kaga gagwè. O tlatla megopolò ea motho ka maaka kaga Modimo; me rona, re tle re lese go chwara boamarure kaga Rra echo oa legodimo, me re latèle maaka a ga Satane, me re tlotlolole Modimo ka go bisa go o ikanya, le ka go ññoñorèga kaga Ona. Satane o leka ka galè go hihihatsa botshelò yoa tumèlò. O rata gore go nnè yaka ekete ke latsapa hèla, le bothata; me ea re ha MoKeresete le ènè a ichupa ha botshelò yoa tumèlò bo nntse yalo, ènè, ka tumologò ea gagwè o tlatla maaka a ga Satane.

Gapè, batho ba le bantsi, ea re ba nntse ba tsamaea mo tseleñ ea botshelò yoa bònè ba ikgopodise diphoshò tsa bònè, le ditlhaèlò, le ditsietsègò tsa bònè; me dipelo tsa bònè di tlale bohutsana, le ñodiègò. E rile ke le kwa Europa, ke le mokwadi, kgantsadi moñwe eo o na a nntse a dira yalo, me a le mo tlaleloñ e kgolo, a nkwalèla, a ntòpa lehoko leñwe ye le ka mo nametsañ. Meyana, ea re bosigo youò, ke sena go bala lokwalò loa gagwè, ka lòra; me mo toroñ ka bo ke le mo tshimoñ; me moñwe, ea nna ekete ke èna muñ oa tshimo, a bo a ntsamisa teñ ga èna tshimo. Me ka kgetla dicheshe ka itumèlèla monkò o o monate oa còna. Me ga bo go le mosetsana kgantsadia muñ oa tshimo me ka bo ke tsamaea naè mo tseleñ, me a nkaèla mitlwa e e emeñ mo tseleñ, me e rata go re kganèla.

[137]

Me a èma kwa thòko ga tsela a òmana, a ññoñorèga; me a bo a se mo tseleñ a sa sale motsamaisi morago; me a leka go tsamaea mo mitlweñ. Me A re, “A bo go utlwisa botlhoko yañ tshimo e ntlè e señwa ke mitlwa yana”! Me eo o re eteletseñ pele, a re, Tsamaea mo tseleñ hèla, lesa mitlwa, ka e tla gu tlhaba, kgetla dicheshe hèla, le dithunya ha go senañ mitlwa.

A yana, le wèna, a ga go e se go ko go nnè dipaka tsa boitumèlò yo bontlè mo botsheloñ yoa gago? A ga u e se u ko u bònè dipaka tse di ratègañ, me pelo ea gago ea òpaòpa ka boitumèlò ka e arabana le mòea oa Modimo? Ha u sheba kwa moragò, me u gopola dipaka tse di hetileñ tsa botshelò yoa gago yoa SeKeresete a ga u bònè ha u kile ua nna ua bònà dipaka tse di gu itumeditseñ? Dicholohecò tsa

Modimo a ga dia èma ha tseleñ ea gago ntlheñ cotlhe yaka dicheshe tse di monkò o o monate? A ga u nko u leseletsa monate oa còna, le botshe yoa còna go tlatsa pelo ea gago ka boitumèlò?

[138] Mitlwa eòna e tla gu tlhaba e gu gagola hèla. Me ha u kgetla còna hèla me u di naea ba bañwe, a ga e tla bo e le go re, u nyatsa molemò o Modimo o o gu naeañ, u ba u kgoreletsa ba bañwe, gore ba se tsamaee mo tseleñ ea botshelò?

Ga se botlhale go kokwanya, le go boloka mmògò' dikgakologèlò cotlhe tse di mpe tsa metlha e e hetileñ ea botshelò, eboñ maikepo, le ditsietsègò,—go di bua, le go di lelèla, go tlo go tsamaee re ribegediwe ke ñodiègò. Pelo e e ñodiegileñ e tletse lehihi, e cwaletse lesedi ya Modimo kwa ntlè, me e digetse lehihi mo tseleñ ea ba bañwe.

A Modimo o lebogèlwè dichwanchò tse dintlè tse o di re shupeditseñ. A re kokwanyeñ ditlhòmamishò tsa loratò loa òna, Tse di tlhògònòlòhatsañ, me re di lebè ka galè ka galè. Morwa Modimo o na a tlogèla bonnò yoa ga Rragwè, me bomodimo yoa gagwè a bo apesa ka botho, gore a tlè a phamolè batho mo thateñ ea ga Satane; a henyetsa rona, a bulèla batho legodimo, a senolèla ponò ea batho helò kwa Modimo o sirololèlañ kgalalèlò ea òna gòna. Bòna, losika loa batho lo choledicwe lo tthatlosicwe mo moletañ oa tshenyègò o lo no lo piriganyedicwe mo go òna ke boleo, me lo bile lo kopancwe le Modimo Mothata eotlhe; me ea re ba sena go ichokèla tekò e Modimo o ba lekileñ ka eòna, ka go dumèla mo go ènè Morekolodi, yanon ba apesicwe tshiamò ea ga Keresete, me ba goledicwe kwa sennoñ sa gagwè sa bogosi;—ke còna dichwanchò tse Modimo o ratañ, gore re di lebè, re di akanyetsè.

[139] Ea re ha go nna yaka ekete re belaèla loratò loa Modimo, me re ikanyolèla dicholohecò tsa Ona, rea o tlotlolola, re ba re tlhokohatsa Mòea oa Ona o o Boitshèpò, Kana, Mma banyana o tla ikutlwa yañ ha bana ba gagwè ba ñoñorèga kaga gagwè ka malatsi aotlhe, hèla yaka ekete a sa rate go ba otlà sentlè, le yaka ekete a sa dirè sepè go ba tlamèla, le go ba gomotsa, le go ba godisetsa pele? Ha ba ka belaèla loratò loa gagwè, go tla mo phalola pelo. Motsadi oa bana o tla ikutlwa yañ ha bana ba gagwè ba ka dira yana?

Me Rra echo oa Legodimo o tla ikutlwa yañ kaga rona ha re belaèla loratò loa gagwè, lo o ntshitseñ Morwawè eo o esi ka ntlha ea lònà, gore re bònè botshelò? Moapostoloi o kwadile, a re, “Ona

o o se kañ oa rèkègèla eo e leñ Morwa òna, me oa mo neèlèla rona rotlhe loshuñ, ana o tla tlhòka yañ go re naea hèla dilò cotlhe nae”? Baroma 8: 32. Leha go nntse yalo, ha le bantai ba bua ka ditirò tsa bònè, leha molomo o sa bue, ba re, “Morèna Ha a bua yana, ga a ree nna, kgampò o rata ba bañwe, me nna, ga a nthate”.

Me gotlhe go mo, ke go senyetsa mdeà o e leñ oa gago: ka go bo lehoko leñwe le leñwe ya pelaèlò ye u le buañ u ipiletsa dithaèlò tsa ga Satane ka yeòna. Gapè, ke go thulamisetsa pelo ea gago kwa pelaeloñ, le go lelekèla koñ baengela ba ba gu thusañ. Ea re ha Satane a gu raèla, u se ka ua bua sepè sa pelaèlò, le lehihi. Ha u bulèla dikgakololò tsa gagwè moyakò pelo ea gago e tla tlala boikanyologò, le dipocò tse di cosañ borukhutlhi. Ha u bolèla maikutlwò a gago, pelaèlò ñwe le ñwe e tla ba e boèla mo go wèna, me e tla nna peo e e tla melañ mo go ba bañwe, e ba e uñwa louñò; me go ka tla ga retela go tlosa boshula yo bo dirwañ ke mahoko a gago. Le galè, wèna ka wesi ekare goñwe ua halola mo lobakeñ loa thaèlò, me ua pliela mo seruñ sa ga Satane; me ba bañwe ba ba chotseñ mahoko a gago, ba ka retelèlwa ke go ikgolola mo tumologoñ e wèna u e ba gakolotseñ. Go moleinò yañ gore re buè hèla dilò tse di thusañ botshelò yoa tumèlò, le tse di thatahatsañ batho go dirèla Modimo.

Baengele ba gu reeditse go utlwa kaha u shupañ kaga Muñ oa Legodimo oa gago ka gòua mo lehatshiñ. A molomo oa gago o buè kaga gagwè eo o tshedileñ go gu rapèlèla ha pele ga Rara. E re ha u chwara lecògò ya tsala ea gago, a pakò ea Modimo e nnè mo molomuñ oa gago, le mo peduñ ea gago. Go mo, go tla isa megopolò

[140]

ea tsala ea gago kwa go Yesu. Botlhe ba tle ba tsène mo ditekoñ; maliutsana a tle a nne thata; go nne thata go ganèla le dithaèlò. U se ka ua bolèlèla batho diphuduègò tsa gago, me u ise gotlhe kwa Modimoñ ka thapèlò. U itaolè gore u se bue lehoko lepè ya pelaèlò, leha e le ye le ñodiègisañ. U ka thusa ba bañwe thata go ba naea boitumèlò, le go ba thatahatsa mo tiroñ ea bònè ka mahoko a mantlè a a ba nametsañ.

Go bantsi ba ba pelokgale. Me ba pitlagancwe ke thaèlò; me ba batla go idibala ba le mo ntweñ ea go tlabana le bobònè, le dithata tsa boshula. U se ka ua ñodiegisa eo o nntseñ yalo mo ntweñ e o mo go eòna. Mo nametsè ka mahoko a a tla cosañ cholohèlò mo go ènè, me a mo cwedisetsa pele mo tseleñ ea gagwè. Yalo lesedi ya ga Keresete le tla phatsima ka wèna. “Ga go opè eo o itshelèlañ”.

Baroma 14: 7. Me ka mòea o o mo go rona, ba bañwe ba ka thusiwa ba bònà nonohò, goñwe ba ka ñodiegiwa, me ba kganèlwa mo go eeñ kwa go Keresete, le kwa boamarureñ.

Go batho bantsi ba ba nañ le megopolò e e kgweleaganyeñ kaga botshelò, le maitsèò a ga Keresete. Ba gopola ha a na a le tsididi hèla, a sena bothitò yoa letsatsi, ba re, o na a le bogale, a le thata, a sena boitumèlò a sena mahoko. Me ba le bantsi ba hihihatse botshelò yoa bònè ka megopolò e e nntseñ yalo.

[141] Go tlo go twe, Yesu o na a lela, me ga a ka a itse go rumaruma leha e le go nyenya gopè. Le galè, Mmoloki oa rona e ne e le motho oa maliutsana, me a tlwaèla pelo e botlhoko; ka gonne a bula pelo ea gagwè, a e bulèla mahutsana aotlhe a batho. Me laha botshelò yoa gagwè bo no bo nntse yalo, yoa boitatolò. Yoa nna mo morutiñ oa botlhoko le tlhodiègò, mòea oa gagwè ga oa ka oa pitlagañwa. Sehatlhògò sa gagwè ga sea ka sa apara chupò ea bohutsana le ñoñorègò, me sa phatsima kagishò hèla. Pelo ea gagwè e ne e le mocwedi oa botshelò, me goñwe le goñwe kwa o eañ gòna a isa boikhucò, le kagishò, le boitumèlò gòna.

Mmoloki oa rona o na a le mogopolo o o bokete, a le tlhòahalò e kgolo, me a se kgalehò le boñoñobi gope. Botshelò yoa ba ba mo etsañ bo tla tlala tlhòahalò; ba tla ikutlwa, go re, go beilwe morwalò oa boipolèlò mo go bònè. Ditshègòtshegò di tla shutisediwa koñ ditshamèkò tsa matlhapèlò di tlabo di seeò, le dinya tse di sa siamañ tse di mashwe, di tla tlhòkahala; me thutò ea ga Yesu e phunyetsa batho kagishò yaka noka. Ga go twe go tiñwe lesedi ya boitumèlò; ga go kganelwe pelo gore, e se thame, leha e le go behisa sehatlhògò. Keresete ga a ka a tla go direlwa, ha e se go dirèla; me ha loratò lo busa mo peduñ tsa rona re tla etsa sekaò sa gagwè.

Ha re boloka megopolò ea kaha ba bañwe ba dirileñ boshula ka gòna, le yaka ba tlhoketse ba bañwe pelo, re tla retelèlwa ke go ba rata yaka Keresete a ratile rona; me ha megopolò ea rona e ka akanyetsa loratò lo lo gakgamatsañ lo Keresete o ratileñ rona ka lònà, le kutlwèlò botlhoka ea gagwè, mòea o o nntseñ yalo o tla èla mo go rona, o ba o elèla mo go ba bañwe. Re ne re tla ratana, re tlotlana, leha go ka bo go bònala melato, le diphoshò tse di sa hitlhègañ. Re chwanetse go ikokobetsa, le go belaèla borona, ra ba re nna pelotelele ha re bònà melato e e mo go ba bañwe. Go mo, go

no go tla bolaea bohula yo bo pitlaganyañ maikutlò a mo teñ, me go tla re naea bopelochweu, le peloethere e e ratañ go abèla ba bañwe.

Mo Pesalemeñ, ga twe, “Ikanya mo go Yehofa, me u dirè molemò; yalo u tla aga mo lehatshiñ, me rure u tla yesiwa”. Pesalema 37: 3. “Ikanya mo go Yehofa”. Letsatsi leñwe le leñwe le na le lekòkòma ya yeòna, le ditlhodiègò, le ditharanò; me ea re ba re kgatlhana le ba bañwe, re tle re nne bohehò yañ go bolèlèlana tse di thata le ditekò tse re mo go còna. Re tle re adime dikhuduègò tsa ba bañwe, re di tlhakanye le dipoihò, me re bolèle bokete yo re bo rweleñ; me go ka gopolwa ha go sena Mmoloki, eo loratò, eo kutlwèlò botlhoko, eo o iketleeditseñ go utlwa ditòpò cotlhe tsa rona, le go nna le rona go re thusa mo lobakeñ loñwe le loñwe loa go tlhòka ga rona.

[142]

Bañwe ba mo poihoñ ka malatsi aotlhe, me ba oketse dichwenyègò ka go adima tsa ba bañwe. Ba dikanyedicwe ke dichupò tsa loratò loa Modimo ka malatsi aotlhe; baa otlwa ka tse di cwañ letlotloñ ya pabalèlò ea Ona; me ditshegohacò tse, tsa gompiyeno ba di tlodise matlhò. Dipelo tsa bònè di tlhòla di akanyetsa tse di mashwè, tse ba di boithañ go re di ka ba wèla, motha moñwe; goñwe bothata boñwe bo gòna rure, me laha bo le bonnye hèla, bo houhatse matlhò a bònè, me ba sa bònè dilò tse dintsi tse ba chwanetseñ go di lebogèla. Mathata a ba kgatlhanañ naò ga a ba kgweeletse mo Modimoñ o e leñ Ona mothusi osi; nya, a ba kgaoganya le Ona, ka a ba cosetsa go phethekgana hèla le go ñoñorèga hèla.

A ke go re, re dira sentlè ha re tlhòka tumèlo yana? Re tlhòka tebogò, le boikanyò ka ntlha eañ? Yesu ke tsala ea rona; ba legodimo botlhe ba re lebile, ba itumèla ha re tlhògònòhala. A re se leseletse ditharanò, le dichwest yò tsa letsatsi leñwe le leñwe go garuba dipelo tsa rona, le go behisa matlhò a rona. Ha re dira yalo, ga re ketla re tlhòka gopè se se re rumolañ le se se re tlhodiañ. Ga rea chwanèla go kamakama megopolò e e re garubañ e re hetsa, me e sa re thuse go ichokèla dilekò tse di tlañ mo go rona.

[143]

Motlha moñwe wèna monkana u tshiancwe ke tiro ea gago; goñwe ha u leba kwa pele go lehihi ye le nchohalañ, me tatlhegèlò e lebaganye nan; me u se ka ua ñodièga, latlhèla tlhodiègò ea gago mo Modimoñ, me u nnè hèla u iketlile, u le pelo e e thamileñ. Rapèlèla botlhale, gore u chwarè dilo tsa gago ka tlhalemaleye, me yalo u itse go thibosa tatlhegèlò le tshenyègèlò. Leka ka thata eotlhe kaga gago

gore macò a tlè e nnè mantlè. Yesu o rile, o tla gu thusa, me a bo a sa re, ha u sa leka le wèna. U re u sena go dira gotlhe ga gago ka go ikaègèla Mothusi oa gago, hoo amogèla ka boitumèlò se se tla nnañ.

Ga se go rata ga Modimo gore bo Ona ba imelediwè ha hatshe ke bokete yoa ditlhodiègò. Me Morèna oa rona ga a re tsietse. Ga a re. Lo se ka loa boiha, ga go na diphatsa mo tseleñ ea lona. Oa itse ha go le ditekò, le diphatsa mo tseleñ, me o re bolèlèla ka thanolò. Ga aa ikaèlèla go tlosa ba gagwè mo lehatshiñ ya boleo le ya boshula me o ba kaèla botshabèlò yo bo tlhomameñ. Thapelò ea gagwe ha a rapèlèlèla barutwa ba gagwè ke e, “Ga ke rapele gore u ba ntshè mo lehatshiñ, ha e se go re, u ba dibèlè mo go eo boshula”. Gapè a re, “Mo lehatshiñ lo tla na le pitlagano; me nametsegañ; ke hentse lehatshe”. Yohane 17: 15; le 16: 33.

E rile a rera mo thabeñ, Keresete a ruta barutwa ba gagwè kaha ba chwanetseñ go ikanya Modimo ka gòna. Me dithutò tse a di ba neèla, gore di tle di kgwathatsè bana ba Modimo ka metlha eotlhe: me di bile di hitlhile mò lobakeñ lono loa rona di tletse dikaèlò le kgomocò. Mmoloki a kaèla balatedi ba gagwè dinonyane yaka di letsa melodi oa pakò di sa tlhodiege ka sepè; ka gonne a re, “Ga di yale, le gòna ga di robe.” Leha go nntse yalo, Rara eo mogolo o di tlamèla hèla. Me Morèna a botsa, a _re, “Me lona, a ga lo [144] molemò bogolo go còna”? Motlamedi eo Mogolo eo o babalèlañ batho le ditshedi cotlhe o huporolola seatla sa gagwè, me a yese dibopiwa cotlhe tsa gagwè. Dinònyane tsa loapi ga di kwa ntlè ga kicò ea gagwè. Ga a tsenye diyò mo melomuñ ea còna, me o di baakanyetsa dilò tse di di tlhòkañ. Di selasela ditlhaka tse o di gaseditseñ còna. Di tle di baakanye dilònyana tse di agañ ditlhaga ka còna. Di chwanetse go otlamamphorwana a còna. Di ee tiroñ ea còna di nntse di letsa melodi hèla, ka gonne “Rra eno oa legodimo oa di yesa.” Me “Lona, a ga lo molemò thata bogolo go còna”? Lona, baobamedi ba Modimo ba lo rutegileñ, lo na le tlhaloganyò, a ga lo tlhwatlhwa e kgolo bogolo go dinònyane tsa laopa? A Mmopi oa rona, le Modibedi oa botshelò yoa rona, Ona o o re bopileñ mo chwanonñ ea Ona ea SeModimo, a ga o ketla o re tlamèla gotlhe hèla ha re ikanya mo go Ona?

Keresete a kaèla barutwa ba gagwè dicheshe tsa naga, tse di tletsetletseñ, di kgabile ka bontlè yo di bo apesicweñ ke Rara oa legodimo, e le go shupetsa batho loratò loa gagwè. A re,

Me lo itlhobaèlèlèlañ diaparò? Akanyañ dithunya tsa mashòma a naga, kaha di golañ ka gòna: ga di dihe, ga di otlhe: Leha go nntse yalo kea lo raea, le e leñ èna Solomone, mo kgalaleloñ eotlhe ea gagwè, o na a sa kgabe yaka señwe sa còna tseuò. Me ha Modimo o apesa yalo boyañ yoa naga, yo gompiyeno bo emeñ, me e re ka moshò bo lathèlwe mo peseoñ, a ga o ketla o apesa lona bogolo yañ, lona ba tumèlò e pòtlana? Mat. 6: 28-30.

Bontlè yoa dicheshe tse, bo gaisetsa kgaka la kgalalèlo ea ga Solomone Dikhai tse di logilweñ ke batho ka bocwiriri yo bogolo, me di le matsabatsaba a a hatlhañ, ga di kake tsa chwantshiwa gopè le bontlè, yoa tlholègò yoa dithunya tse Modimo o di tlhodileñ. Yesu a botsa, a re, “Me ha Modimo o apesa yalo boyañ yoa naga, yo gompiyeno bo emeñ, me e re ka moshò bo lathèlwa mo peseoñ, a ga o ketla o apesa lona bogolo yañ, lona ba tumèlò e potlana?” Mat. 6: 30. Ha Modimo o apesa dicheshe tse e leñ dilò tsa naga hèla ka maatlametlo a a kana kana, bogolo yañ o tla babalèla bònè ba o ba bopileñ mo chwanoñ ea Ona! Thutò e, ea ga Keresete, e kgaodisa megopolò e e cosañ tlhodiègò, le tharano, le pelaèlò ea pelo e e senañ tumèlò.

[145]

Morèna o rata gore bana botlhe ba gagwè ba itumèlè, ba nnè kgaeishò, ba nnè kutlwò. Yesu a re, “Kagishò ke e tlogèla le lona; kagishò ea me kea e lo naea: ga ke lo nee yaka lehatshe le tle le nee batho. A dipelo tsa lona di se huduege, le gòna a di se boihe.” Yohane 14: 27. Dilò tse ke di buile le lona, gore boitumèlò yoa me bo nnè me go ona, le gore boitumèlò yoa lona bo dihalè. Yohane 15: 11.

Boitumèlò yo bo batlwañ hèla ka boithatò, kwa ntlè ga tsela ea chwanèlò, ga bo na molemò, ga bo na tlhòmamò, boa heta, bo hetèla koñ; me pelo e tlale bodutu le bohutsana: me go na le boitumèlò, le go thethebala ga pelo mo tireloñ ea Modimo. MoKeresete ga a leselediwa hèla go tsamaea mo ditseleñ tse di akabatsañ, ga a tlogèlwa ka maikwatlhaò hèla, le ditsietsègò. Leha re sa bònè maitumèlò a botshelò yono, re ka itumèla ka go lebelèla botshelò yo bo kwa pele.

Me le mono BaKeresete ba ka itumèla, ka go na le bokopanò le Keresete; ba ka na le lesedi ya loratò loa gagwè, le kgomocò ea metlha eothle ea go nna naè. Kgatò ñwe le ñwe mo botsheloñ e ka re atametsa kwa go Yesu, e ka re tlwaetsanya le loratò loa gagwè,

[146] e ba e re atametsa ka kgatò le kgatò kwa legaeñ ye lentlèntlè ya kagishò, me ha e le hoñ, a re se latlheñ boikanyò yoa rona, me re nñè tlhomamoñ, ka go nitamèla rure, bogolo go galè. “Yehofa o nntse a re thusa, nakò e sa le eno.” Samuele 7: 12. Me o tla nna a re thusa hèla le go ea boheloñ. A re lebeñ dihikancwe tse di emeñ metloutlò, gore di re gakololè se Yehofa o se re diresteñ, go re gomotsa, le go re gololas mo seatleñ sa mosenyi. A re nneñ re shahatsè mo kgakologèloñ ea rona mabelonomi a manana a Modimo oa rona o a re bontshitseñ yaka o phimotse dikeledi le matlhoko a o a siditseñ, le ditlhodiègò tse o di tlositseñ; le dipoihò tse o di kaolotseñ; le dilò tse re di tlhokileñ me re di neilwe; le matshegò a re a abecweñ, me yalo re ithatahaletse dilò cotlhe tse re tla kgatlhanañ nacò mo loetoñ loa rona lo lo sa nntseñ lo le ha pele.

Le galè ditharanò le mathata re tla nna re di wèla mo tllhabanoñ e e tlañ kwa pele; me re ka shèba kwa go tse di hetileñ, hèla yaka re ka leba tse di kwa pele, me re ka re, “Yehofa o nntse a re thusa, nakò e sa le eno.” Hèla yaka malatsi a gago a nntse, thata ea gago e tla nna hèla yalo.” Deutero 33: 25. Tekò ga e ketla e nna kgolo go heta thata e re tla e nèwañ, gore re e ichokèlè. Me hoo, a re chwareñ tirò ea rona hèla ha re e hitlhèlañ gòna, ka go dumèla, go re, leha go ka tla eñ hèla, nonohò e e lekanetseñ tekò re tla e nèwa.

Me kgantele meyakò ea legodimo e tla bulwa, gore bana ba Modimo ba tsènè, me molomo oa Kgosi ea Kgalalèlò o tla ba tshegohatsa ka mahoko a a chwanañ yaka pin a ea kòma; me o tla re, “Tlaañ, lona batshegohadiwa ba ga Rrè, ruañ bogosi yo lo bo baakanyedicweñ e sa le ka tlhòlègò ea lehatshe.” Mat. 25: 34.

[147] Hoñ barekolodwi ba tla gorogèla ka Pula, mo legaeñ ye Yesu o le ba baakanyetsañ. Gòna bañwe ka bònè e tla bo e se ba ba boshula ba lehatshe, ba maaka, leha e le badihedi ba medimo ea diseto, le baitshekologi, le ba ba ganneñ go dumèla; me ba tla tsalana le ba ba hentseñ Satane, me ka tshegohacò ea Modimo, me ba setse ba bopegile ka popègò e e itekanetseñ. Dithatò cotlhe tsa boleo, le sebata señwe le señwe se se ba bogisitseñ mono se tlosicwe ka madi a ga Keresete; me kgalalèlò ea gagwè e e phatsimañ, e e gaisañ kgalalèlò ea lehatsi e tlabo e beilwe mo go bònè. Me bontlè yoa botshelò yoa ga Keresete, le boitekanèlò yoa gagwè bo tla galalèla ka bònè, ka mo go gaisetsañ kwa kgakala kgalalèlò en mono lehatshiñ.

Ba tla ema ba sena molato opè ha pele ga sennò se segolo se seshweu sa bogosi, ba abalana le baengela borèna le ditshimèlò tsa bònè.

Me yana ka go lebelecwe boshwa yo bo molemò o o kalo yo bo ka ruiwañ ke motho, ana, o tla ntsha eñ a ananya botshelò yoa gagwè ka shòna? Goñwe e ka nna mohumanègi, leha go nntse yalo o na le mo go ènè khumò, le tlotlò, e le dilò tse lehatshe le sa kakeñ ya di aba.

Motho eo o rekolocweñ, me a ntlahadicwe mo boleuñ, me dinonohò tsa gagwè cotlhe hèla di chwaecwe tirèlò ea Modimo, o tlhwatlhwa e e heañ bogolo bogolo; me go boitumèlò mo legodimoñ, ha pele ga Modimo, le ha pele ga baengele ba ba boitshèpò kaga mòea o moñwe hèla o o rekolocweñ; me ke boitumèlò yo bo bolelwañ ka meduduecò le dikòma tsa phenyò tsa bosakhutleñ.

Bana ba Modimo ke eñ mo lehatshiñ?

Yesu o romèla eñ mo lehatshiñ ka rona?

Yesu o bua yañ le dipelo?

BaKeresete ba chwanetse ba nna eñ?

Ba chwanetse go phatshima yañ?

Re ka dira gore tirèlò ea ga Keresete e banola yañ?

Satane o itumèlò mo go eñ?

[148]

O tlatsa mogopolo ka eñ?

Satane o senka gore a dirè eñ ka botshelò yoa tumèlò?

Ba bantsi ba gopola ka ga eñ?

Tlwaèlò ea gago e ntse ele eñ?

Dicholoheco tsa Modimo di ntse yaka eñ?

Ditshetlhò di dira eñ mo go rona?

Mòea o o nodiegileñ o tletse eñ?

Re chwanetse ra lebogelañ Modimo?

Ha re belaela Modimo, re hutsahatsa mañ?

Mmabana o ka utlwala yañ ha ba belaela loratò loa gagwè?

Lehoko leñwè le leñwe ya jelaèlò le laletsa eñ?

Baengele ba reeditse go utlwa eñ?

Ke eñ se re chwanetse ra tlotla ka shòne?

Botlhe ba na le eñ?

Re chwanetse ra latèla taolo ehe?

Medea ele mentsi e gatelecwe ke eñ?

Re chwanetse ra dira eñ?

Go bolèlwa eñ kaga Yesu?

O na a lere eñ go ba bañwe?
 Tumèlò ea ga Yesu e naea eñ?
 Keresete o na a tla go dira eñ?
 Re chwanetse ra chwara yañ ba bañwe?
 Dafida a reñ?
 Letsatsi leñwe le leñwe le lere eñ go rona?
 Ba bañwe ba tshaba eñ?
 Bònè ba gopola kaga eñ?
 A go na le señwe se se ka re kgoreletsañ gore re se ka ra ikanya

Yesu?

Re chwanetse ra latlhèla kae mekgweleo ea rona?
 U chwanetse oa rapèlèla eñ?
 U chwanetse oa dira eñ?
 A u tla kopana le diteko?
 Thapèlò ea ga Keresete ènè ele eñ?
 Keresete o na a rutañ mo thabeñ?
 Ke mañ o otlañ dinonyane?
 Di bòna yañ diyò tsa còna?
 A ga u gaise nonyane segolo setonna?
 Morèna o ka rata gore u ne yañ?
 Boitumèlò bo bonwa kae?
 BaKeresete botlhe ba ka nna le boitumèlò bohe?
 Re chwanetse ra gakologèlwa eñ?
 Ke eñ se se tla neèlwañ teko ñwe le ñwe?
 Ke eñ se se tla bulelañ go tsenya batho ba Modimo?
 Ke bo mañ ba tla bonañ kamogèlò?
 Ke eñ se tla boñ se ile?
 Motho o tla ananya mòea oa gagwè go bòna eñ?
 MoKeresete o newa eñ?

[149]